

浙

江

潮



本誌緊要廣告

本誌第一期第二期再版出
後未及一月又經售罄第三
期前雖增印亦已無存現在
索購者猶復紛紛不絕同人
竟無以報命用特將第一期
現已付刷不日出來欲購
諸君請向各代派處索購可
也

浙江潮第六期目錄

癸卯六月二十日

◎圖畫

- 浙江全省十一府新地圖(其五)紹興
- 浙江沿海港灣圖(其二)甯波灣(補)
- 會稽大禹之廟●禹陵●禹陵窆石亭

◎社說

- 自治篇……………重 堪

◎論說

- 中國開放論……………喋血生
- 第一章中國開放門戶之原因▲第二章中國特
贈于異種之權利

◎學術

◎經濟

- 經濟問題●財政問題…經濟研究生

●教育

- 教育學……………不懋子
- ▲第三章教育之界限(續)

●軍事

- 兵事思想改革說……………尙變子
- ▲第一節兵事思想概論▲第二節論中國兵事
思想

●歷史

- 最近三世紀大勢變遷史…大陸之民

●傳記

- 中國愛國者鄭成功傳……………匪 石
- ▲第五節思明州之經畫▲第六節漳州海澄之
二大戰

錄

目

●文學

●中國音樂改良說……………匪石

◎大勢

●各國內情

●海上之美國……………攷生

◎國際政局

●英法之親交……………蘆中人

◎談叢

●迴瀾叢話……………公猛

▲拿破侖之愛國▲法將之厲辭▲敢死士▲亞
囉斯之毅烈▲赫那及哈培盧之沈着▲臺密士
羅孔之弘懷▲法彪之信義▲安披那達之忠藎

◎時評

●本省之部

▲劉鑑雲欲買浙江全省路礦乎▲嘉興演說會
解散事

●內國之部

▲端方與梁鼎芬▲上海教育會與愛國學社之
衝突▲大俄馬隊▲北京病院▲日幣之侵入▲
哀河南▲記震旦學院

●外國之部

▲日俄協商▲朝鮮李容翊之被刺▲塞維亞之
革命

◎專件

●紹興教育會章程

◎雜錄

●東報時論

●滿洲問題

●來稿

●紀仇滿生

●留學界記事

●記特派員之還東

●記吾浙夏季同鄉大會

◎小說

●愛之花……………儂更有情

●第一回 非筆非舌述鏡花緣
是虎是狐衍勢利界

●自由魂……………匏塵

◎調查會稿

●處州青田縣調查稿

▲官場之種種活劇▲青田學堂書院義塾之大
概▲青田之煙館▲青田之妓寮▲青田之游學
人數▲青田之風俗▲青田之田產交易法▲青
田之土匪▲青田歷史上之人物

◎附錄

●新名詞釋義……………酬 癸

購閱畧則

一定閱本誌在東京者可函向本發行所掛號每期當
按址寄送在內地者可就近向上海列各代派所購取
或逕寄函本社亦可但必須將報費郵資先行付下
自然按寄無誤
一 向本社定購者由本社發給收條向代派所定購者
由代派所發給收條遇有已付報資而報未能按期
送到者可憑收條向原定處函索
售報價目表

全年十二冊	半年六冊	每冊
三元二角	一元七角	三角


本誌原有旁註頗不明晰自本期起刪訂如左(一)
用日幣者照表八折(二)向申杭滬發行所批售逾
十分者照表八折(三)每冊加郵費一分全年二角

廣告價目表

洋裝一頁	洋裝半頁	一行
五元	三元	二元
元	元	角

惠登告白者須於本編定期發刊之前交到價銀
先付登長半年者當格外從廉

（五其）**圖地新府一十省全江浙**
興 紹




同鄉會調查員

灣 波 甯



會稽大禹之廟



基隆孔廟

禹陵




禹陵窆石亭



社

說



自治篇

緒言

重
堪

嗚呼。我中國今日人類之墮落道德之衰頹其根本果何在耶。曰對於社會不知我身之關係知我身之幸福不知社會全體之幸福於是乃放棄責任廢失權利其禍至於不可收拾慘哉。西人之誹我曰世界人類由下等動物而進化中國人不十年必盡退化爲禽獸惡是何言哉。是指人格之日退落下乘言也。我黃帝子孫文明後裔在昔非第一等人格富有道德性之國民耶。是種種惡感情波動於社會而無完全教育以補助之由風俗以成習慣由習慣動于感情由感情鑄爲遺傳于是竟作二十世紀世界引爲譏談之柄唾罵之典噫我國民其猶是夢夢也。

據予箇人判斷力而言。今日中國社會是道德過渡時代之社會。舊道德將滅絕。新道德未發生。青黃不接。無知識者困于慾情。有知識者困于亂暴。無知識者僅知保守。不知保守中之改革。有知識者僅知破壞。不知破壞中之建設。夫然而道德亡而自治精神失。而奴種亡國。皆分內事。

是歐美大風潮既驚醒我亞洲大陸國民之長夢。睡眠初睜。觀茲好太陽。已大半西落。急欲挽留者。莫不曰自治自治。噫。自治精神果我國民所樂聞者歟。欲圖自治。是講求道德始。矧人類者。非孤立的動物。社會的動物也。離社會即無人事。然而箇人之道德。即建築社會之基礎也。麥柯氏曰。社會之進化。視道德之盛衰。以爲差。今日中國之社會。不少有知識的人。而少有道德的人。故平日文明字樣連篇累牘。凡遇有公共事業。則鼠竄蠅縮。無有過問者。雖然。道德的缺乏。其靈光實爲利己的毒蝕所蔽耳。咄辱諸胯下。傾諸泥塗。起即拾金而遁。非西人罵我國民之語乎。或不至此。其傾注于利己的一部分。而損全體之利益。是真不可庇護之罪惡也。然則養成自治精神。果以道德心爲主矣。惟道德的標準。厥有兩途。一曰主觀的一

曰客觀的主觀的方面。爲天職其基礎。由于內心其機能。即隨感情而發。客觀的方面。爲義務其發揮。根于社交其習慣。即因勉強而成。由二者之標準。遂鑄成人。當出入之範圍。而欲引人入勝。就此範圍。則心理學倫理學與社會學。是其鑿修也。吁。舞幕初展。來日方長。太平洋方面。既不容予安坐。我四萬萬孤苦無依之同胞。苟欲生存競爭于世界。是圖自治始也。能自治乃能自立。而乃真能自主。真有自由。英人俚言曰。教育子女。當使之如貓顛倒擲之仆。而即起我國民一省此言也。雖奴種亡國之慘辱。洗之亦甚易耳。愛自治之國民。其一聽予言。

第一章 英德國民之自治精神

借羅盤針以定方向。乃能航海。借鏡以觀面目。乃能整容。徒曰自治自治。而無所標準。是真臨淵羨魚而已矣。我國民於自治制度。則秩序的精神的。兩當改革者也。惟秩序的自治風。莫盛于德精神的自治風。莫富于英。畧述見聞。以供享我同胞爲之羅盤針焉。爲之鏡焉。在我同胞所自師者耳。

德意志自學風大行。百般事業優于列國。秩序之美。已達極點。始則鼓動于教育界。

漸次影響于國。其性質遂爲之移。蓋德意志帝國頗具單純統一之氣象。而實則最複雜之一聯邦也。故一全恃規律以貫串之。遂養成秩序的自治風。其原因由于德意志聯邦乃二十六集合體以結成其中既有大公國小公國自由市王國諸差別欲保全權利不得不借規律以自衛。一步一趨異常嚴密。故其養成國民性質在初級教育而自治之能力即隨此方針而進。然其結果不免陷于形式的若精神上肉體上之自由活潑均已束縛不能達真美偉大之境。欲救其弊自濟以精神的自治始。

英吉利于社會制度其形式果不若德意志然其獨立自尊之風則全注于實際上。英吉利國民率真的國民也。吾將其所守自然法律畧舉如左：(一)能守秩序命令(二)沈着純靜履險如夷(三)無繁文褥禮之弊行事單簡(四)厚于信用乃證實例以質我同胞果能無愧歟否。

格蘭斯敦既歿將出殯。執拂者數萬人。觀者十倍。設是舉行于中國則一塲喧鬧。必不可言狀矣。不料自達于墓所沿途寂寂無聲。僅有二憲兵一警察隨行。

英國其海軍艦演習。機輪忽壞。勢甚危。進退維谷。是最難奮之時乎。而船中職員毫無倉皇之態。惟盡力修整而已。

杜蘭斯哇之役。英吉利屢戰屢北。以伐小國喪大兵而民間頗無驚駭。是妻前施密施之圍既解。杜蘭斯哇被領于英在臆料中。則此戰勝紀念會必有一番絕大祝賀。何如開會之日僅于各市貼紙一枚。大書今日英吉利占領杜蘭斯哇。

某客修一金表于市。既訂約。客坐而不去。店主問曰。貴客何俟。客曰。待憑單。主人訝甚。曰。我英國交易素不用此。說是則是耳。復有巨商儲銀一億萬于英蘭銀行。待憑單而不發。客詢之。答如故。視客頗有難色。詢曰。客疑我不信乎。英吉利即此銀行之憑單也。

視上諸例。可見英吉利社會之美風。而國民皆自守無形法律者也。然盎格魯素遜人種實憑此自治力而能于日所出入處皆有國旗飄拂焉。夫自治之基礎實因于道德而建築基礎之力有受動與能動之別。受動的原于外界擊刺其成也不隨于感觸即隨于強迫能動的則原于自覺爲社會之一員能享第一等社會國家權利。然我中國竟無有能勝任者。且自治團體尤重服從法律。我中國素稱善服從之國民其實則誤會非服從也。奴性耳。真能服從者服從于建設的誤于服從者服從于

保守的不服從于建設而服從于保守。自治心遂不振而社會之程度遂墮落。乃勸出自治心缺乏之究竟述于下章。爲我同胞告焉。

第二章 自治精神缺乏之原因

我祖國民自治精神缺乏之原因。由于歷史上社會上觀察之實階級制度所影響者也。凡我同胞皆困于黑暗地獄永遠沉淪萬劫不復。然則其困于階級共分三等。一曰政府。二曰社會。三曰家庭。一國民之所以要政府。社會家庭。惟能保全我生命名譽財產者也。今日我國民之有政府。社會家庭。直將逼我不許盡爲人之義務矣。噫。政府者以法律衛我者也。社會者以感情動我者也。家庭者以教育基礎我者也。今日之政府則已絕我希望。若社會則以勢利待我。若家庭不以溺愛絕我生機。則以冷酷絕我生機。四萬萬人盡處于麻木不仁之境。見此光明太陽如視死灰。其原因遂造出劣等人種。由是而獨立自尊之精神失。由是而實業不振。物質退化。日盛一日。噫。是豈時代趨向使然耶。

讀古今東西教育史實與我國民有同病相憐者。不見夫歐洲中世之教育史乎。當

時宗教之權勢甚強。人民思想習慣盡爲宗教上之諸種習慣及各信仰條約所縛束。鴻溝一劃。凡精神上物質上之發達進步均已斷絕。迨中世與近世之交。宗教界革命軍起。脫壓制之羈絆。以喚起自由精神。斯時適發明印刷術。火葯。航海術。科學。界大進步。實業漸乃膨脹。于是歐洲國民遂蘇于千年塚中。而自治之根據乃定矣。『天下無難事。只要有心人。』我中國國民竟無振刷精神。重張旂幟之一日耶。雖然。今日不少青年志士。負先覺之任。爲國前驅。然不失于亂暴。即失于浮誇。握苗助長。未嘗有實際爲同胞福。何哉。是心理與倫理之欠缺耳。夫心理與倫理實爲造成完全性質之要素。我國民勿以予言爲拘泥也。其洗耳聽哉。

第三章 改造性質論

惠靈吞曰。習慣者第二天性。十倍于天性之天性也。夫然則人之性質。未有不可以改造者矣。今日中國民性質之最缺點。法律性質也。國之法律曰。憲法。人之法律曰。道德。無道德之人。必無願力。無道德之人。必不沈着。無道德之人。思想必不一致。處事必不耐。耐無道德之人。必無希望。眞愛國心。噫。今日仁人志士。誰眞能以剖

故。心見我乎大言炎炎在斗室中唯我獨尊小經風潮無不禽獸逃匿是直無道德心

凡文明國之人民無不生息于法律之下所謂政府者法律之政府社會者法律之社會家庭者法律之家庭而非可視為我有者也然則法律服從與奴隸服從異法律服從如得羅盤針奴隸服從如處微菌場故法律服從日進步奴隸服從日腐敗所謂法律服從者非有形之法律自然之法律也人類隨時而進步自然法律即隨之而進步甚矣我中國民未嘗不守自然法律每誤稱其名詞于是有果報有氣數之謬說例如傷蛇打犬不過犯虐待動物之法律拋污瀝穢不過犯敗壞公德之法律而乃託諸千怒神祈驚動上帝噫是亦無知識使然耳二十四時間而有潮汐雷動風作而成四時皆有一定之規則引力熱力電氣光等不過從生理物理化學的自然法律而已中國無科學的經驗遂不識自然法律要之舉一尋常淺近之例以質我國民則人人當聞而自訝者也今且熱一爐執孩提之手而灸之必疾呼臨深淵引盲警而溺之必疾呼是水火皆含有不可犯之無形法律也望一漏萬不勝枚

舉一言以蔽之曰微塵起于地復歸着于地夫我同胞既缺乏法律性質而欲鑄成此性質則鼓吹感情是其進航路也社會學家言曰人者富有愛他心之動物凡盜者盜心未發路有遺屍彼必見而憐之對殺人之囚徒而殺其父母使之觀彼必寸腸如裂是故大教育家之善改人性質也佛曰于十方世界克復邪惡惟有善智聖曰君子有諸己而后求諸人無諸己而后非諸人基督教曰汝之愛他人如愛汝自身哲學始祖蘇格拉底留爾施等曰汝自身所嫌勿贈于他人盧梭教育論曰教育兒童不必使其能服從義務使其勿以己之所不欲施之于他人噫能知此也而后能犧牲我肉軀以與殘忍酷薄權勢智力戰為我同胞謀最大多數之最大幸福然則此感情之廣義的也吾且據狹義的為我同胞告夫國際主義社會主義果我中國民素未聞知而家族主義則人人深印于腦中吾且據最舊之俚言曰一家安樂值千金其中含有天然倫理學之義不料今日愈文明之人操戈愈甚彼之託言曰家族革命是直掩耳盜鈴者試據東西倫理學以為之證凡自稱文明之人而毆其嫠母同為開通之弟兄而聚訟果尙可道其罪惡歟今日中國新學界竟不少是等

人物謬種播遷影響于社會如傳染病于是本能的愛情皆爲毒骸所蔽中國最陳腐之學說曰欲治其國者先齊其家我同胞以本有的感情振刷家族腐敗始也是離改造性質之點不遠矣


(未完)

避席畏聞文字獄

著書都爲稻粱謀

中國開放論

喋血生



本欄于紀事調查處多據美國政治學教授普愛斯卿休世界政策一書參酌而成以外國人談我中國事而我更竊取之甯有愧焉矣雖然其中肯處則斷非我議論家眼光所及也是中國民不可以不急讀

第一章 中國開放門戶之原因

馴獅!! 馴獅!!! 我中國真馴獅歟牙縮爪戢耳葑目玩弄糟蹋竟一任羣獸之處分咄咄凡我族類盡覬亞細亞地圖危嵐憑弔四顧憂來昔日之雄而今安在雖然開門揖盜我民族其有咎矣

余不文不能爲奇偉英爽之談以瀆清聽然而開場鑼鼓此說白亦萬不容已諸君

愛國諸君盍抽珍重之光陰。而一聽余言。

二十世紀之新舞臺。凡百異族皆以世界政策打開我中國。門戶而我民族竟作潯陽老妓。專養曳狗尾袖馬蹄之醜類。二百餘年。猶不能鑒其慾情。復持其媚性。博採兼收。凡紫髯碧眼兒。盡入余門。以爲快咄咄奇醜。咄咄奇醜。

然則我中國何以善當招待委員。作迎接異客之生涯者。其特別原因有二。一善講大同學。我國人之無民族思想。至于極點。遠者不論矣。試讀最新之閩粵通人之議論。類皆主有世界大同。並無東亞西歐之區別。此種臭談。此種賤奴欲得而撲殺之者。僅吾同志一部分。而崇信之贊揚之者。尙十之七焉。以王景略之擺脫風塵。不免爲蠻人走狗。以曾國藩之通碩。自命不免替賤奴磔。同種龔孝恭。抱最奇偉之品性。能主謀燒圓明園。而乃獻其策于西洋人。噫。如我中國民族主義甯復何論。嗚呼。娼妓無從一界限也。故人盡可夫。國民無種族思想也。故凡百異族皆可入我國。而奴我諸君。其恕余言之。褻余其進一解焉。夫娼妓之新迎送。舊肉身補報。不過一拜金主義。饑寒累我。聊復爾爾。若民族之歡迎異種。贈以國爲之奴。終且拋卻頭顱。不保

生命。余每讀中國歷史。凡易姓之秋。必有無數醜奴爲之先容。即奸細是也。至功成反爲功狗之烹。甲午之役。庚子之變。我民族料尙能憶是辱也。當是有無數奸細爲異種作水母之目。至功成定祿。聞皆死於異族手鎗之下。嗚呼。而噫。何樂而爲之。何樂而爲之。豈與祖國有夙仇哉。今猶不悟。而今猶不悟。

論

說

二善解同化力。我中國人。其真不開通也。蠢然頑物。吾其恕之。最可殺者。口道文明。謬發思想之徒。余自負笈。適返見鄉。大夫有自稱文明者。與余接談。最奇者。忽論同化力。倡議曰。吾中國民族。最能以同化力服人者也。讀過去之歷史。凡我爭服之蠻夷。戎狄。不可勝數。而歸服之後。即從中國之文化。即如滿人入關。先不從我中國之古訓舊制。最近者如西洋人之來中國。類多留辮。易服。噫。我中國真能降人于無形者矣。諸君。吾亦不暇辨。論試深味。此談果真中肯之論耶。痛哉。余傷哉。余由此思想。即亡余中國一大關係。例如今日有群盜將奪余產業。而入余家庭。衣余之服。制呼余伯而伯。呼余父而父。余將曰。此真弟兄也。不妨以家族囑付之。吁。三尺之童。必有一不甘承認者。中國人何僅知有家。不知有國。眼光熒熒如鼠。如豆。雖然。吾亦進一解焉。逃難之滋味。中國人嘗之者屢矣。是則中國人有保守家族之心也。試問有造

反者其爲國際競爭而然耶抑僅與箇人之家族爲仇耶是家族之不安由國之不安所株連矣痛哉吾友某君曾演說曰余不內他過而愛國余僅欲保守家族而愛國國既破家族其亡矣喪家孤犬悵悵何之嗚呼中國人一省此言也其亦可以悟矣

第二章 中國特贈於異種之權利

漸江潮第六期

利益範圍及勢力範圍(Sphere of interest and sphere of influence)一語異種之滅人國也全以此爲護身符然我今日之中國已盡入二語之範圍中余嫌其語之不詳爲申明之利益範圍者實業的地利的也若勢力範圍則包含政治的而埃及而印度而波蘭而土耳其種種異族占領地類是不料二十世紀異族竟公然顏于我中國矣養翎鷹鶚咸集矢於太平洋方面得步進步特權先得嗚呼我葱葱鬱鬱之帝國其不應列國瓜分圖之五色線不止也

甚矣昔日之競爭也不過一時之兵戰而已而今竟何如而今竟何如言之寒心思之裂目姑強爲述之以占既贈于異種無形之特權而研究其與我中國的歷史有

直接關係者

論

說

一◎鑛業特權 天之待我中國人亦厚矣即自然生產一層較于列國已多得特別之利益奈我民族偏不勝寵破家敗子罔知覺悟例如鑛業問題今日幾將全國出產讓于異種矣雖然此果滿清一野鬼能爲力耶抑我民族自家放棄耶區區滿清一野鬼不屑污余刃而獨爲我民族責也天下事成敗在我四明公所法國人何竟不敢動手寧波新江橋竟由一未亡人在外國人掌中奪回何以採鑛一事外國人今日要此地我民族即可負祖宗骸骨以他棲明日要彼省我民族亦可盡諾以承認余妄言不諱苟將來外國人盡以中國寸土分地皆營鑛業我民族大葬先人骸骨置妻子安身之土亦不欲耶我民族弱于排外力且亦恕之尤可殺者以堂堂縉紳素認通明竟以我祖國天然之美產明爲合辦將暗送于外國人

最近者如今年

伊大利人將合

立認我民族盡極力拒之哉

噫祖國何辜民族何辜何嘗淫其妻女拒其墳墓而爲此惡

報哉今將已落于異族掌中之鑛業約略言之

英吉利之占有品耶。其他以異族私人團體而與中國交涉者。例如今日之（北京會社）與（普利士莫爾康）之諸創立是也。前者意大利人及英國資本家以六百萬磅之資本金占河南及山西探掘鐵礦煤礦之特權。訂約凡六十年并附有山西省礦山地方之南延長（長二百三十哩幅三十里）建設鐵道之特權。據德意志地質學家傳溫之說。該地方為世界第一富礦。以今日之消耗論其鐵與煤可當世界製造業二千年之用。吁我中國竟好為此布施事業而善用墨子之道哉。其次四川其採礦方法有二。大會社前者係中國紳商自辦。僅得資本一百萬兩。以收買礦山從事開拓。後者稱華洋合辦。共約資本一千萬兩。其半出華人。餘則洋人占有矣。其產礦價值以五分作地資五分。納稅于滿清政府。開拓會社之組織則以礦山附近立採礦及鐵路學校。其占與特權之年限以五十年。美利堅經濟雜誌曾于此案大發議論。其略曰：『利益範圍者勢力範圍之先鋒也。例如英吉利之泌所寇于山西及四川既占實利而英吉利之勢力範圍亦膨脹于是地其原因則由于政府保護異國居留人民之義務遂引出政治的干涉其間接的結果在擴張外國』

占領地之利。噫二十世紀能以鑛山探掘權亡人國真不可思議者也。『悲夫。是中國民一聽斯言余未嘗不欲以是策亡人。奈何人其先亡。余不聞外國人之熱心焦慮將取我祖上之肉羣策羣力靡不贊成。前次外國人之將取我北京漢口鐵道權也。第一回募集公債驟得本數之二倍。又將取印度支那之全權也。（含有南方鐵道權）法蘭西第一回募集公債一日間驟得本數之三十六倍。名為實業的地利的而實政治的隱謀所附焉。何我中國人竟毫不知國際的對待而尤可憤者。則以傳教事業與此問題所牽連其最有名膨脹的隱謀如重慶開教一案。法蘭西領事要求中國賠償之價。即在四川得鑛山探掘權滿百二十萬兩。千八百九十八年（即光緒廿四年）法國教士一人在甘肅被殺其賠償之價值即取由北海至甯南之鐵道建設權。若山東以殺德意志教士二人故其賠償之價值具有耳目聊能知之。嗚呼奚待余贅言耶。』

今日以西國教士故而滿清之西太后竟下特別保護之勅旨矣。余知其以後則更進一步將來苟索大清國大皇帝之玉璽而西太后必專主贈之。若我中國民族又

奈何若我中國民族又奈何

二○貿易特權 余觀列國歲計表余讀列國商業發達史咄咄嗚嗚帝築運河爲異種人作好子孫今日之中國則又生出無數之隋煬帝開成無數天然的運河以待異種人率旗而來咄咄異種人果何修得此幸福哉不觀今日二十四處之條約港果滿清政府下令而後我民族勞心勞力以代開者乎凡此等港地已隱屬外國人之殖民地我中國人猶嫌其未能盡善復德應滿清政府設稅關所十四處凡外國運來商品許其特占便宜又於開港諸地讓以建設工業場之特權最顯著者如上海製造場于外國人的生產業可見一斑矣

是千八百九十九年(即光緒廿六年)海關稅務行政改革一案似滿清政府攫我民族之膏腴已厭特贈于西洋人之手而爲最貴重之禮物吁釐金制度腐敗已非一日然此後則兩重糾葛我民族欲求自治之一日乎則奪回主權增一層困難矣一千八百九十八年(即光緒廿五年)河川通航條約開放以來又以全國航行自由權贈于外國人矣是楊子江新條約成於沿河開港場以外更贈以市場五處使外

國人于貿易上得世界未有之便宜咄今年日本開博覽會以陳列商品故中國索借彼數十坪之地竟大費唇舌雖然此一時之假借耳外國人乃如此而我中國竟以土地爲禮物東贈西送索之即予噫何其濶綽哉何其濶綽哉
俚云『殺人不見血』外國人之以貿易政策亡我也果若是其劇哉雖然其貿易與政治關係之說處于無形裂余音腺言之恐國民猶有未信者乃錄中國貿易統計表嗚呼亦可以知外國人之勢力矣

國	輸入中國者	中國輸出者	總額
英	29,571,519 佛郎	9,566,524 佛郎	39,138,043 佛郎
美 (合衆國)	9,193,383	13,875,192	22,358,574
歐大陸	6,330,131	19,123,929	25,454,061
日本(臺灣附)	12,980,006	11,719,873	24,679,879
俄	2,542,971	22,127,314	14,671,284
香港	66,603,030	44,637,243	111,240,273
其他列國	26,954,181	9,920,142	35,864,323

右據中國對於諸國最新貿易額分配表。係一千八百九十九年美國調查者。今復以列國人民居留于各開港地者列表如左。

國	人	旅	館	數
英	4929			
吉	1564	374		
利	1106			
本	975			
牙	950			
葡	698			
德	439			
法	362			
那				
威				
及				
瑞				
典				
西				
班				
牙				

右表一千八百九十八年正月。由英國殖民大臣調查總數一萬一千六百六十人。各國等差之別如表。

其他於貿易上權利之比較。船舶是也。千八百九十七年。中國諸港船舶出入總數。

期六第潮江浙

論

說

四四、五〇一艘。噸數三三、七五、三六二。(其內蒸汽船數三四、五六六其噸數三二、五一九、七二九)國之區別。計英國船二、一四(二、一八九、〇四三噸)中國船一八、八八九。(七、八一九、九八〇噸)德意志一八五八。(一六、五八、〇九四噸)日本船六五三。(六六、〇七、〇七噸)亞美利加船三三三。(二六、九七八、〇噸)法蘭西船四六四。(四三、三二二噸)翌九十八年中於上海入港蒸汽船總計。英吉利三一五七艘中國一四七〇艘瑞典及那威八五九艘德意志三七六艘日本二六八艘法蘭西一一二艘美洲五二艘。由于八百九十八年。中國港出入船舶總噸數中。大不列顛占六割二分中國占二割四分。其他則共占一割四分。據上觀察。以我本國盡有之數尚不足以敵來賓其亡其亡我中國真永劫不復哉。

然我中國貿易界之黑暗之障礙不暇自主而乃贈其特權于。人者欠缺。果何在哉。英卿堯爾培福德對於國中協會之決議其主張曰中國貿易之不發達其原因有二。

- (一) 對於條約上之義務缺乏徵信
- (二) 對於條約港以外之地无安頓協合公司之善策

(三) 中國經濟家一般智識之缺欠

嗚呼。貿易事業者一國之神經線也。千八百九十六年。英臣張伯倫氏之演說。今摘錄其一部分如左。

商業者政治的利益中最大部分也。總之國家之官衙爲執掌商業之學校。若外務省殖民省以膨脹新市場鞏固已成實業爲唯一之義務。苟國中增一分商業。即延一分壽命。

噫。以如是之殖民大臣而遂有今日如是之英國。奈何以中國之社會也。稱商人則曰鄙夫視商務則謂賤業。作如是觀。故士大夫不屑爲之事。而命異種人代爲之。不料異種人畢竟以鄙夫賤業之作爲覆我宗社也。偉哉商業。美哉商業。余復何言。今且以一語贈國民曰。有一分經濟。有一分自由。失一分經濟。失一分國權。

(未完)



經濟研究

◎經濟問題◎財政問題

緒言……一問題之性質及關係……經濟問題之不可偏向……財

政問題之不可偏向……二問題混同之弊……結論

緒言

經濟問題及財政問題二者之性質各不相同。世人皆宜辨別之。茲試畧述二者之梗概。所期有志者詳稽博攷。證以歐美之學說。驗以吾國之事情。庶幾有以扶偏救弊焉。

二問題之性質及關係

解釋經濟問題者以着眼社會之狀況爲主。解釋財政問題者以着眼政治之現狀

期六第潮江浙

爲主何以言之。蓋經濟問題者。內則考量農業之盛衰。工業之興廢。交通運輸之便。不便。外則審查國民個人之事業。共同之事業。及對外貿易之現情。所謂利害得失者。不可不判白也。財政問題則不然。內則詳明政治機關之組織。及連轉之方法。外則精計本國對列國政策上之收支。是也。但二問題之性質不同。而二問題之關係。常存故解釋經濟問題者。往往影響及於財政問題。解釋財政問題者。往往影響及於經濟問題。即謂二者相互不相離可也。譬如政府以經濟問題爲政策。則民間之事業獎勵提倡之不遑。而財政膨脹之必至。勢也。反是則如戰爭之時。辦理國費或增租稅或募內債。不免吸收民間事業之資本。而經濟上受利害之感者。又勢也。以結果而論。經濟問題及財政問題。實有密接之關係。惟其關係之密。即其區別之嚴。不容混同之理由。不可不察也。

但二問題之關係。云者。非並立之關係。乃永續之關係。易而言之。財政問題之利害。與經濟問題之利害。非同時並生。經濟上之一行爲。常爲財政上引起而發。財政上之一事實。常爲經濟上變動而生。謂之「原因結果」之關係。可也。雖然。此二問題之

學

術

關係。亦因地而殊。因時而異。有時雙方之利害相同。有時雙方之利害背馳。蓋國家視人民爲一則個人之利害。總呼吸於國家利害之中。此二者結局之利害。必歸於一。苟其不然。若解決財政問題。因經濟問題而有所爲難。若解決經濟問題。因財政問題而諸多窒礙。政治家不可不於此三致意也。

經濟問題之不可偏向

不顧民間經濟之利害。惟收斂培克之是務。是爲暴虐惡政。決非文明政治家所出。此也。但財政計畫之結果。或害生產或妨事業。經濟上受損耗而被指摘者。勢所難免。若不權輕重於兩間。徒執一偏以論定。是未知國家之財政爲何物也。然雖財政計畫之範圍不當。與民間之經濟相衝突。此爲財政家注意之要務。而不容忽者。但天下事。不惟其常而惟其偶。況乎財政之目的。不在民間之經濟。而在國家之自立。若欲完備國家之自立。無論經濟之如何決無拒絕之理。故不得不置之於第二層。當斯時也。財政之前。無經濟之說。令人不得不記臆及之矣。

非不知保護民間經濟上之利益。爲國家最重之一部。所謂經濟政策之舉廢。直與

國家之消長相關此更不容疑者。如上所述得毋過乎。然有時不得不觀察政治上之現狀以爲財政問題之生而置經濟問題爲附否則遺國家之重要者於後圖而沾沾焉以民間經濟上之利害爲先徒生不利不便之虞而貽先後不明本末倒置之誚耳。

財政問題之不可偏向

今日之執政者往往以財政之故而延緩國家應建之事業。若曰「有金則爲之無金則止」是則國家之事業一若在可得可失可爲可不爲之間輕蔑何如也。抑知國家事業之發達遲速即於國家進步之程度攸關故各國之解決財政問題者以法律上及政策上之要不要不急爲斷不要不急者固可緩若其爲要也急也則財政計畫之方針不可不運算之至密於此下財政家之手腕巧拙也是則問題之根本在事業之要不要不急於是應有調查國務之舉若者宜緩若者宜急若者當先若者當後蓋財政之目的取決於政治機關之組織及運轉之方法也西人有恆言曰財政問題者決於政治之方針非政治之方針遷就於財政之範圍也試問

今日國中之政治家孰知此義者哉。譬如『普施教育』『擴張軍備』『振興實業』爲急務中之急務往往以財政之不許委蛇蹉蛇然而各國賠款及其他糜費猶羅掘之不遑倒行逆施紊亂錯雜莫過於此。謂之何哉亦有以事業而就金錢如美國之處分國庫餘金者是也。蓋美國每年每歲國庫中增莫大之餘利於是以以此款項而商量其事業一若無所處分者然此則國庫之餘金非正當之財政也。枝葉之事業非根本之事業也。安得相提並論乎。要之量入爲出者個人經濟之原則而非國家財政之定義也。蓋國家財政之性質含有強制的及不得止的之二義或增租稅國債一任財政家手腕之選擇何謂強制的及不得止的完備國家自立之根本是也不然殉於財政之故而延遲遷緩非徒不知財政之性質實阻止國家進步而忘前途之危險也。

二問題混同之弊


明明經濟問題也偏以財政問題解決之如內地行駛小輪及開設紡紗廠等類而欲官辦者是也明明財政問題也而偏以經濟問題解決之如各府縣之急宜立學

校與實業等類。因民間之貧弱。而因循遷延者。是也。彼此混。不分明劃。一之是為今日政界之通弊。因是而百病叢生。造出許多難問題。故無論在朝在野。治家。尚其為國家存亡安危之關係。而於二問題研究之也。

結 論

假令解決財政問題者。而置經濟問題於度外。如秦人之視越人。漠不相關者。暴政虐政也。必矣。非吾人所敢取也。抑令時時以迴護經濟問題為心。而棄法及財政上之布施如敝屣者。是又不能不謂之謬戾也。要之政治家者。推察時急審量事之輕重。古之政治家所謂秉鈞執權之意。義其庶幾乎。

本期「政法」豫告續第一期舟山條約之感慨。因作者適抱微恙。不能撰俟諸第七期。而本期以此門補闕讀者諒焉。



教 育

教 育 學 (續第 三期)

不 難

第三節 教育之界限

國家之要求。國家而欲謀根本之鞏固。生氣之活潑。實力之充足。則對於國有種種之要求。強之迫之。而使之入學。所謂受義務教育者。此國家自衛之要。苟有怠于茲而國民亦從而不得教育。其子弟則將率一國之民。盡為孱弱無知之徒。國家之基礎。于是乎動搖。生氣于是乎沮遏。實力于是乎耗欠。一旦北風外患交來。未有不一敗塗地。煙消雲滅者。是則義務教育其要矣。雖然。有人焉。之經營之。顧背于國民之道。仍不脫奴隸教育之陷阱。烏在其為義務哉。故義務教育亦可謂國民教育。必基乎國民心理。學凡兒童之稟賦性質。無一不當悉心察之。而本國之對於列國之地位境遇。亦不可以稍忽。夫然後始可言義務教

期六第潮江浙

則所謂國家之要求者非出于獨夫自私之心即出于官吏媚上之手徒使一國之中添許多蠱賊添許多弱蟲渾渾沌沌惟向來之惡習慣是崇拜世界大勢進化原理皆瞠目而未之聞也嗟乎以斯之民國家奚賴所以自衛者正所以自賊也耳抑兒童者未來國家之主人翁也凡負教育之責者無一不當弘發願力捧一國家思想以灌注于全般國民之腦質庶國家之基礎鞏固而不可撼日入蘇峰氏曰『教育者爲國家造國家之人也』爲問我國國于何方謂有國乎權在異種謂無國乎我非奴隸嗟嗟同胞其有聞此言而抖擻精神普施教育爲新中國立根基者乎。

教師之才力 教育者縱有強健之體格充足之學識可愛之德行足以感人足以動人然終不能舉被教育者之稟賦而趨于極端况有偉大之感化力者寥若晨星乎已有種種缺陷而欲以之教人則受教者未有不受其毒者也且猶有可慮者即有適當之人熱心從事而任年有限掣肘有人不克從容布置縱所欲爲又將何以自處耶雖然欲教人先教己此固教育者之分內事也

更有不能不注意者教育之勢力誠哉其偉大然或傾于偏頗則其感化所及其禍匪淺勢不至賊人之子不止也人各有稟賦各有自由教育者固不得以一己之癖加之于生徒苟其有之則流毒之蔓延甚非生徒之福嗟嗟世不貴有奇矯之士而貴有多面的圓滿之性格之人此二語實國民教育之精髓也何以言之國民學校之學童尚在普通學時代初未嘗如專門者各就性之所近專執一業者也則具常識爲其第一要著豈可容教育者之所好率全體學生傾向之而效法之乎是故教師之才力其要矣否則雖有美善之計畫完全之教授法幻事也空文也無一毫之影響及于生徒也


然則教師之才力如之何而後可曰堅定之德性也充足之經驗也健全之身體也對生徒而有如燃之熱誠也無此四者不足爲人師

社會的勢力 天下力之大者未有如社會者也雖以他種之勢力極力反抗而謂能廓而清之使之不留餘地者吾未之見也上之所舉各種之制限要皆社會的生產故謂之上之五者皆其子而此則其母也亦無不可吾就廣義言之教育者社會

的豫兆而制限教育者則又社會的勢力也故社會的勢力與營設的教育能互爲用也則教育之效果碩且繁不然則否
昔之教育者常欲避人間之塵囂社會之惡風擇杳無人跡之地闢學舍以試行吾之理想教育此愚人也人不能脫社會而成立縱令在學校時期日日談新道德新社會而一俟出學復沈溺于腐敗社會之中而能不爲所動搖者吾決其干不得一也

然則將任社會的勢力之強大而已之理想教育竟無日以施之乎曰烏乎可吾既觸接于社會之中其勢力之及于被教育者吾惟有認識其狀態而利用其勢力以冀吾道之行利用之方法維何其在創無瑕之學風始

先以學風振社風復藉社風之勢力以增大學風互相爲用迭次進步此教育者所莫能外也美國西卡哥大學之教授約翰求惠夙注意于此法彼能于教育上別開生面之人也其著『學校及社會』一書之中有一圖表茲揭之于左以示學校與他之社會系統之關係也彼以學校爲教育之中心其一則家庭之關係或由學校而



及于家庭或由家庭而及于學校其二則庭園公園村落之關係其三則職業之關係其四則大學之關係大學而及于國民學校是在專門之探究國民學校而及于大學是在學校之教師
準斯以觀學校之不能離社會以行孤立主義也明矣學校之所教者在乎能活用
于社會而又能改良之破壞歟建設歟要皆不可不利用其勢力者也 (未完)





破屋荒畦趁水灣 行人漸少鳥聲閑
偶迷沙路曾來處 始蹈苔巖常望山
樵戶秋深知露冷 僧扉晝靜任雲關
霜林猶愛新紅好 更入風泉亂壑間



軍 事

兵事思想改革說

尙 變 子

第一節 兵事思想概論

尙變子曰：吾欲爲中國一釋軍事問題，即有有形的、無形的、天然的、人爲的諸種黑點，若恒河沙數，麇集胸前，目爲眩心爲迷，口不能言，手不能筆。雖然，吾得提其至單純、至切要者爲今日軍事改革中之先鋒者，即兵事思想是也。思想者，實事之母也。地非不廣，人非不衆，鉄艦不非堅，鎗砲非不利，而割地而賠款而爲城下盟，豈猶是形式之過哉？吾敢斷言曰：思想而誤也，形式是修無益中國而欲自強也，必自改革兵事思想始。

夫思想之爲物流質的而非固質的也，唯爲流質故，與時代遷移與社會進化，法人讀方勞氏戰理曰：『吾知昔日之非計，而求將來之準備。』觀此則知其有未來無

現在奔流激急。有若黃河經龍門而駟馬難追之勢。然則兵事思想之構成。不可不研究現今之趨勢。明矣。覺路支曰。『即業農工者。苟不思積極之將來情形。則其製出品。必不能適合於現時。而失其價值。何以故。則以人人皆有供將來需用之願望。故天下萬事宜從現時之思潮可知矣。』信哉斯言。理想界上之樂天地過。去者不得見。未來者不得知。而現在競爭最劇最烈之時代。目睹之身受之。則觸於外而感於內。有勃勃然興猛然醒者乎。試觀歐洲各國軍備。足以知今日之趨勢。

國名	平時兵數	戰時兵數
俄	八六〇、〇〇〇	三、五〇三、〇〇〇
德	五八五、四四〇	三、〇〇〇、〇〇〇
法	六一五、四一三	二、五〇〇、〇〇〇
奧、匈	三八五、六九七	一、八二七、一七八
意	一三一、三五五	一、二六八、三〇八

英 一六三、五六九 五二六、二二〇
試以兵數當人口比較之。

國名	人口數	一兵所對之人口 右平時左戰時
俄	一二九、一六六、五六一	一五〇、一九四
德	五二、二七九、九一五	三八、八七三
法	二八、五一七、九七五	八九、三〇〇
奧、匈	四一、二三一、三四二	一七、四二七
意	三一、一一四、五八九	六二、五八九
英	三八、一〇四、九七五	一五、四〇七

由此觀之。法當戰時。一兵衛民十五餘名。德一兵衛民十七餘名。俄一兵衛民三十餘名。各國軍備之擴張。如此。即以俄較少之比。推於我國四萬萬人民。當得千餘萬精兵。有不令人驚絕者乎。茲更就其經費之點。而察其國民每年負擔之數。

平時之軍費

軍事

五、三三〇、〇〇〇、〇〇〇

軍事外之常費
國債之利子

總計

一人平均負擔數

一人軍事負擔數

一九、五八三、〇〇〇、〇〇〇、〇〇〇
四、六四〇、〇〇〇、〇〇〇、〇〇〇
二九、五二六、〇〇〇、〇〇〇、〇〇〇

八一、六九

一四、五六

右載平時軍費。僅以陸軍計。若合海陸全體之費目。每年總計當不下八十三億九千五百萬法郎。此外以海陸軍備故。又約有三百億法郎之資本金。由此觀之。歐州國民負擔軍費之鉅大。可想而知矣。

抑吾思之。財產者。個人之性命也。軍人者。死官也。擲性命就死途。而不顧必更有重於性命。危於死途之一種思想。入其腦中。帥其氣魄。而後若水之就下。獸之走壙。勃勃然而莫之能禦。

此重於性命。危於死途之一種思想。維何日耳曼之結合。意大利之統一。伯爾加民。族之運動。希臘之獨立。匈牙利對奧而謀自治。民族主義之闡明。即此思想之萌芽。

也。美之収布哇。取呂宋。英於印度。法於安南。德於非洲。小亞西亞等處。帝國主義之展布。即此思想之生長也。其在萌芽時代。則以戰爭為各人應負之義務。而歐洲之國基。以立其在生長時代。則以戰爭為公共之事業。而五州之政略。以生。

何謂戰爭。為各人應負之義務。吾祖有土。勿令人割吾祖。有法。勿令人制吾。一條法割吾一塊土。即辱吾祖。辱吾祖而可忍。孰不可忍。以此不可忍之故。腥風血雨。乃舍身於犧牲。白骨黃沙。拋家室。其前敵慘矣哉。十九世紀之最可恐。最可怖。流血為渠。積尸為山。或數年而一見。或十數年而一見。美矣哉。十九世紀之最可愛。最可羨。國際自由。個人自由。享此無窮之幸福。得此無上之名譽。

何謂張權力為公共之事業。吾讀孟哈之權力史。吾聆魯司難頓之演說。吾思維廉第二之勅語。心忡忡。憂目炯炯。注考其想定之方針。察其行為之手段。操之有素。蓋非緣木求魚也。夫殺一教士而索地。要款。損一商資而輕動干戈。五洲勢力之範圍。以白哲人足跡之散布而定。噫。何其盛歟。西顧睡獅。可以覺矣。

第二節 論中國兵事思想

謂吾同胞無兵事思想吾不信信吾始祖以軍人精神而貽我也戰蚩尤平大陸北盡幽燕東漸於海西統川陝南底荆揚以聖武之靈裔支配而成帝國謂吾同胞有軍事思想吾又疑疑吾同胞割其肉不知痛奴其身不知辱而簞食壺漿以迎夷師爲榮也辱於金奴於元野豬搖尾山猴翹首不知今日之域中竟是誰家之天下雖然兵事思想者先天而非後天也原人之世戰天地戰禽獸戰矣而不自知勝矣而不自覺既一戰而勝矣又不知將復有戰而爲之備是爲渾沌思想及羣動劣敗而人類優勝日以滋繁成家成族而人類之競爭又起當是時人之智識知戰矣知戰而勝矣並知求其所以勝而爲再戰之備乃求之不得備之無方而天佐神助之說出焉是爲神代思想至科學大明羣疑盡釋戰爲國戰兵非昔兵慮密備周如大氣之覆被同德一心施以分金術而不遊離是爲天然思想吾執此三界說而求之我國蓋尚未離第二界之神代思想焉試區其類於左

一恐怖思想

二詭異思想

三無爲思想

四鄙賤思想

五僥倖思想

恐怖思想 讀從軍詩思行軍苦誦戰場文思戰爭危闕膿肉史思革命慘心以慟以驚狀解悚若喪家狗夫亦曰是人情也無足怪雖然吾沿墨西北登落机縱覽十三州之方積一草一木操戈相向轉而渡大西洋登大陸其人民無不具有一「阿脫歷」之筋肉而以 *Savez vous* 逃得者皆逃爲恥言遠觀東亞取分三島有所謂「太和魂」「出戰榮」「從軍樂」「祈戰死」之雄聲擊我耳膜是何以故則以彼已歷恐怖時代而至此故試以歷史論

「封建」「雇兵」「常備兵」「國民戰」此東西必不可避之階級也西歐那帝以前已由封建無紀律之兵變而爲雇兵爲常備兵矣方勞氏論常備兵曰「其軍一經敗績即不能再組織一新軍以故當時君主皆以兵凶戰危爲懼」又曰「當時人民之意志於戰爭上無關痛癢而僅受戰爭之影響以生畏怯」又曰「其組織以銀氣成

而無義氣。惟其以銀氣成故。平時貪利而苟安。惟其無義氣。故臨戰畏懼而不敢。至言哉。吾以證之。那帝戰蹟。以證之。聯合軍勝事。那帝之勝也。歐洲各國君主與之。那帝之敗也。歐洲各國國民敗之。何則。當中世之末。各國君主之目的。沾沾然以內國之統一為務。以政府之財產是謀。嘗以重斂養兵。民不知兵為何物。兵亦視民如路人。而那帝任法國之風潮。以三千萬之公民結為一體。舉戰爭之利害。悉與共之。此所以戰必勝。政必克。席卷全歐。勢如破竹也。向使各君主反其方針。改其行為。則足同是方。臚同是圓。縱那帝之雄才而衆寡懸殊。安能以一敵六哉。觀聯合軍戰勝。可以知之。各國遭禍。既烈。人民受痛。亦深。於是西班牙籍。此以國民戰。壞亦編制。豫備隊及留守兵。俄亦倣之。普亦召集國民。增二倍之兵。八百十三年及十四年之戰。遂使巴里屈膝。那翁低首。豈非那帝之敗出自各國國民乎。要之西歐國民之好戰嗜殺。而特恐怖時代。歸於天然界上者。那帝之功也。日本覆幕以前。尙屬封建制度。雖有武士道之風。亦不過西歐中世之一部。公民而已。而其大部之思想。尙未脫恐怖時代。若美為天然界上之驕子。所新造之國。

也。吾無論。

審此。則我國現當『雇兵』常備兵。雜組之際。其有恐怖思想。宜哉。宜哉。夫恐怕者。怯之原也。怯則氣餒。氣餒則軍散。以散軍與彼一致團結之國民戰。宜其若卵投石。一敗而再敗。然則為今日計。非改革軍制不可。雖然。吾不敢言。即言而聽。而改。吾恐腦髓未固之羣羊。一遇虎吼。而不能立足矣。今夫獅獸中之王也。其力其勢。百千倍於人。何以聞人聲而躡足。見人影而避道。必其始祖相傳有『若彼人者。兇猛異常。吾族而至今也。幸矣。慎勿與角。以滅吾族』之一種恐怖思想。據其腦靈。是其與原人戰爭以來。不知歷幾千萬年。而不能去也。故君子貴作始。

(未完)





歷史

最近三世紀大勢變遷史

(續第三期)

大陸之民

第十九世紀

昔巴比倫貴官伊刺克難有驕心國王醫之五日而愈進藥之法每待伊刺克難朝眠覺王先命伶官入其寢室朗誦功德歌將食則羣伶奏樂內官持王頌德書呈之每伊刺克難一啓齒則一內官舉手曰聽!!聖智語哉每伊刺克難一二語他之內官讚歎曰若是聖智語哉聽!!他之內官皆同聲應之且頌且笑初貴官聞頌德歌聽讚美辭色飛眉舞揚揚自得至第二日則喜悅不如前第三日則稍生厭色第四日則不待終席而逃去第五日則驕心癒矣直起而謝醫者

嗚呼十九世紀者亦有巴比倫貴官就醫之一景象也追慕過去之樂園時代夢想將來之黃金時代自問現代無限之進步發達而有無數之新聞紙講談演說著述

論文每朝入十九世紀之寢室。奏欲德之歌。呈頌德之辭。而同聲共應曰。十九世紀者。未曾有之世紀也。十九世紀之人。於未曾有之佳時生出者也。一般世人。又以喇叭。鑼鼓。以和之。雖然。十九世紀者。果有受頌德。許聽頌德歌之價值否耶。蓋法國之革命。如大江之流。由堤防遮斷而潰裂也。數世紀間之積勢。由法國革命始得發動之機會。法國革命之後。承十九世紀者。其勢固不得不進步也。試取一百年前之歐羅巴。與今日之歐羅巴比較。凡社會政治宗教道德學術教育其變化之絕大誠足令人聞而駭走焉。然于十九世紀爲真可受頌揚者。惟特有之物質進步而已。

十九世紀之物質的進步

希臘神代史之著者。嘗戲言曰。十九世紀及神代於世界最不可思議之時代也。神代之事蹟。吾不之知其奇說。怪談。吾不之信。吾於十九世紀之電氣。蒸氣。誠有馬兒。紐利神。空虛。飛行之感慨焉。昔牛頓以一時間旅行五十里。告人衆。嗤其虛妄。然則苟起前世紀之人。於地下以視今日物質的進步。彼等恰如吾黨視祈獨兒維路月。

界旅行小說。忽得實驗。生一般之接觸也。夫人之智識。隨物質的進步而長。凡十九世紀之生物。均棲住于電氣世界。機械世界。中故其腦力亦發上。古所未見而強弱競爭之劇。亦因之愈演愈奇焉。

物質的進步及文明

十九世紀之物質的進步。實未曾有之進步也。吾視夫英於十八世紀。已露萌芽。而十九世紀則生長矣。

當十八世紀之初。英國之載于歐羅巴地圖上。不過一極渺小之國。面積人口。不及德法三分之一。是不列顛王國之版圖。闊而面積。遂增德法二十倍。人口六倍。若各種物質。而亦較各國發明爲先。至文明程度。而亦漸次增進。今試以英國與大陸諸國比較。則其百年間之變化。雖合無數化學家不能考出其原質。試問其他諸國。若巴黎柏林。夫倫難馬特烈特。今日之外觀。無異于路易十五世及夫利特利克大王之時代也。蒲利達尼亞。烏維維倫。薄美刺尼。牙西婁瀉。敗米亞羅馬。柯那柯婁納達之生活狀態。依然。七年戰爭（千七百五十六年……千七百六十三年）時之生活。

狀態也。然則一轉眼間見英國紗兒爾密特兒塞克、難蘭克、瀉伊兒諸州變換之現象果何如耶？夫大陸諸國較英國文明及物質之進步瞠乎後矣。雖然有優劣然後有競爭競爭而世界乃有並駕共進之勢欲視真面目請登二十世紀之舞臺。

物質的進步及思想界

學問之範圍與物質的進步有密接關係者科學也。十九世紀之科學者享有前代未曾有之機巧精微儀器及無數之新材料。嗚呼！于地球上蒐集無數材料若特爲十九世紀講科學者賜也。試以昔日確培兒尼克斯、下利、轆牛頓、華兒維、伊刺維祈愛等使用之器械與今日之精微器械比較不異以昔之脆弱帆船與今之甲鐵對疊耳。嗚呼！十九世紀之科學果與是等精巧器械及無數新材料同比例以相進步也。

夫十九世紀之科學果決不落他時代後也。吾視達爾文之進化說實爲十九世紀科學上不朽之歷史。達爾文於生物界上發見進化之法則不特爲科學界大發明。凡哲學道德宗教社會之觀念悉悉一新。噫！智識不可限萬般之現象皆具進化之

公理社會制度之變遷進化也。宗教道德之發達進化也。風俗習慣之變革進化也。約而言之人間之歷史即進化也。吾人棲住之世界即進化世界也。嗚呼！是何樂天_之世界觀乎。進化之觀念即脫古代之迷信爲永生之希望也。進化之觀念即救人類之完全爲十九世紀之福音也。

科學之進步關於人間社會有絕大影響。吾于進化論外若菲刺特發明磁電及光之關係而物理學之新生面開。婁懷黎哀以數理發見肉眼所袂不到之天王星。十九世紀之科學功績實不勝枚舉。然其絕大之進步終較牛頓諸君子爲上乘也。十九世紀於思想界實爲劃定之時期。蓋歐洲之思想界由希臘初代之哲學而來既已異其方向。裂其潮流爲二派。一派理想派即唯心的傾向。一派實驗派即唯物的傾向也。夫以康德草新知識論後爲劃定理想派之新時期。然十九世紀之理想派哲學者得未一人於康德學說外能別開生面也。若實驗之哲學於十八世紀末之法國感覺派已達極點。若十九世紀之實驗學派亦不能出其範圍。故曰十九世紀之世想思實爲劃定時期也。

十九世紀之文學，隆盛誠足令人祝賀。凡平民的文學要素，於十八世紀既發其萌芽，爲法國革命之前驅，待革命種子既已破裂，自由平等主義遂風靡歐洲，受其鼓舞者，生氣勃然。若英國之倍倫福兒、特蘇兒、斯休婁、施苛脫等，其尤著也。夫文學之機關，何書籍也？十九世紀之印刷書籍數，於前郁遜之時代，則所出版者勝一年。於休肯斯、桃亞之時代，則勝一世。以數萬倍之進，書籍遂喚起知識上數萬丈之光燄，嗚呼！十九世紀之思想界，果何如也。

物質的進步功德及結果

文明何物？乎目不可視，手不可觸，是故難定義者。文明也是難捕捉者。文明也，然欲求十九世紀之文明，與他世紀之文明比較，則先向物質的進步之文明上以求其功德。

吾且着眼於八方。吾視人口之倍，都府之膨脹，財富之增加，迅速旅行之力，檢毛髮百分之一之機械，窺億兆里外星雲之裝置，每年復往億萬信之便利，瞬時數萬里外傳播消息之奇術，一言以蔽之，皆物質進步之功德也。試問以十九世紀前收

物質進步之功德結果，是以前代之人焉？南洋土人與優劣也，而以十九世紀之人與前代比較，則猶以前代之人對南洋土人也。文明者，極複雜之事也，學術道德其一，部也，社會風俗其一，部也，能利用文明之要素，自爲物質的進步之結果焉。

物質的進步及社會不平等

物質的進步，果人間之幸福，雖然社會不平等之原因，由茲引起，以十九世紀之物質的進步，謳歌功德之聲，與勞動界問題之怨聲，相比例，噫，思過半矣。

今日最龐大的物質進步，莫英國若也。然十九世紀英國之人民，以待救助金而免凍餒者，每年一百萬，以過度之勞動而達得最下層之生活者，年每數百萬，噫，疾苦病死而賣淫竊盜欺騙自殺之罪案，充滿于社會，而王公大臣貴族豪富，則車攻馬同，逍遙于安樂窩裏，若十九世紀發明一切物質的進步，皆爲袞袞諸公而設，而平民則仍囚于腐敗空氣黑暗世界中，不知人間世有電氣世界機械世界，雖起居飲食間，令我有天堂樂之嘆也。嗚呼！歷史上罪惡無智貧窮殘酷社會不平均之幕，是

十九世紀化開噫十九世紀之社會狀態實最可寒心之狀態也

物質的進步之澤上等社會受之而貧民無與也幾百萬勞動者皆以黑烟爲生涯而呼吸新鮮空氣之幸福無與也於一時間行數十里之氣車安如也而貧民則奔走繭足焉一迴間橫斷大西洋之氣船便利也而幾百萬之貧民不能保生美於父母之邦反乘逆浪以流出海外衣服之便利之華美僉競愈奇而貧民則不得謀一襲器物食用之新異每隔山海萬里來輸入市場而貧民則以萬斛辛酸之淚終日奔波之汗血易一片麵包嗚咽就食而已吁慘哉

凡欲揚十九世紀物質的進步之功德單以生產之額判斷而已夫生產之額日衆社會之幸福日薄百實業驟興而富者益富貧者益貧夫物質的進步眞文明之退步也

蓋物質的進步於殖產界一大革命起人間之腕力全以蒸氣電氣之力代之于是工場組織之制普行家內工業之生機全絕夫家內工業者以少數之基本金自由勞作彼業雖微而一身之主人翁不失也彼護實雖少而自然之法則獨立之生活

不悖也自工場組織起則多數人民僅得爲資本家之奴隸而獨立性質乃全滅絕自由生活乃全阻止而於是十九世紀之後半之社會黨起而於是殖產界的革命面目一大變

十九世紀文明之前途

夫物質的進步之弱點果如是哉然吾不敢以其弱點而反對之物質進步者人間之要素也苟無是進步則世界亦終此野蠻而已要能以社會的精神的進步與物質的進步並行不悖斯可矣然則利用物質進步之途如何是極廣濶偉大範圍內之問題也欲解脫之請視二十世紀之事業是蓋十九世紀之文明不完全的也十九世紀之進步物質偏長的進步也吾不知過去之歷史吾不知十九世紀文明之源淵吾單於物質偏長之進步上觀察之夫克刺伊兒所謂十八世紀爲虛僞自滅之時代豫爲十九世紀物質進步咀呪故也噫虛僞自滅非也十八世紀既革進之時代也十九世紀亦改進的潮流之一部分也無十八世紀之革進則無十九世紀之文明無十九世紀社會不平等之風潮則世界終此無進步文明之弊進步之波

折也。波折愈大，進步愈速，不知此者，不足與言十九世紀革命之影響。

法國革命之影響

十八世紀之革命，深入于人心之根底，廣及於社會之全部，巨於精神上社會上，普及之革命也。若法國革命之大震動，波及于歐羅巴全洲，有直接之影響。當其主腦曰社會的平等也，曰政治的自由也，曰四海同胞之大主義也。此理想，此主義，遂刺激于世界國民之腦，其功德遂飛揚，社會政治之實際，界永無沒時。當時北美之新，建國亦由革命之大危機而衝出，而歐洲諸國專制政體之幕，亦由此收拾。嗚呼，社會的平等政治的自由，四海同胞之大主義，是亦十九世紀物質的進爲特有之現象也。

平民的大勢

社會平等之主義，至十九世紀乃大發光輝，以基因於偶然之事情，乃現出十九世紀不可思議之變狀。所謂平民主義者，歐羅巴歷史上，最古最強抵抗最烈之大勢也。中世紀以前不言矣，以歷史之潮流，順遡平民主義之發達，遠至于蝦婁滿大帝

版圖瓦解之時，其跡歷歷，可徵。吁，茫茫數千年國起國亡，王與王戰，貴族與貴族戰，千辛萬苦，昔日之雄而今安在？吾起諸公于地下，其自笑盡爲平民主義當馬牛舌。凡十世紀以後之事業，其方針悉于社會平等之表面，注合凡開放門戶之始，其權力代表平民與王黨貴族爭者，宗教也，王黨貴族專領財產之外，爲平民開致富之途者，貿易也，數度十字軍之遠征，王與貴族疲弊，而平民遂蘇於千年塚中，自發明鎗砲火藥物，質界平民之權遂于武士等印刷器之發明，文學藝術之進步，皆爲發揮平民伎倆之大舞臺。凡社會之生活，益複雜，雜人間之事業，愈增加，平民之勢力漸次擴張，而王黨貴族之特權遂乃減少。於是貴族社會階級下降，平民社會階級上昇，兩者懸隔之距離乃接近矣。

平民之勢力，因百般之事情，向增加其大原因，則由於貴族之封建制度，於近世紀貴族逞威愈烈，而歐洲諸國王僅守空位，保空名而已，而平民之爲其奴隸，不待言也。於是國王皆欲恢復其實權，而平民亦甘心助王以脫貴族之軛，兩者相攻封建之制度，乃倒而歐羅巴統一王權之勢，乃就而平民主義亦由封建之墟中若隱若

現出其頭角。

平民主義之大勢滔滔與歷史之潮流共走而有遮斷其潮流反抗其大勢者適足以助長之夫封建之制度欲壓倒平民者也而反爲解散之貴族之權力欲鉗制平民者也而反爲破碎之祈郁施邱亞兒德米兒曰政治的革命精神革命之結果也法國之革命由精神革命而成平民主義之完全遂毀滅貴族僧侶王黨無精神之形駭其震動之餘嚮傳于全歐羅巴而十九世紀平民的社會竟出現。

平民的社會如何社會也曰平民的社會各人皆以自己之力生存競爭之社會也平民的社會能拆毀梯子使上層主人公箇箇滾下與平民對立之社會也平民的社會以天則及道德爲基礎之社會也。

吾人于物質進步之弊殖產社會之不均冷嘲熱罵時而十九世紀平民之大勢忽然出現豈不令人爲之咋舌哉噫無容咋舌也物質的進步乃轟出平民主義之爆烈藥線也試問近世社會黨蔓布列國忽而同盟罷工忽而集會演說每年秘密出版之勞動雜誌數百萬冊抗貴族求平等自由之血淚數百萬斛非有昔日之壓

制安有今日之炸裂吾視十九世紀之末二十世紀之初純乎社會主義之世界矣試述一極小極病之亡國中有社會黨權力如是之大者。

波蘭社會黨

波蘭故昔日堂堂雄邦也噫今亡國矣宰於俄割於德分甘於奧大利今則地圖上幾無顏色悲哉亡國也雖然其國民則不亡可愛哉波蘭國民之氣燄可敬哉波蘭國民之事業可憐可畏波蘭國民之境遇而於虎狼肩脅之下乃敢冒萬死而織組此社會主義以汗血抗強暴者歲以千萬計噫波蘭真不亡也。

波蘭之肉俄德奧三國分之波蘭之權則是俄羅斯大皇帝陛下握之吁聖彼得肯上生眼之偵探哈薩克臂上生翅之兵卒日日驅亡國領土之民如羊如牛以豢于不許自由不許獨立不許得權利之牢籠中稍有忤色飛快之鎗雪亮之刀應酬左右危哉危哉而波蘭之社會黨乃秘密大運動。

(第一) 用秘密出版之手段 千八百九十五年至九十九年凡社會黨由國內秘密出版之雜誌十八萬四千餘冊由英國倫敦刷印輸者入十二萬三千餘冊此

僅爲極秘密者言之。若普通者則千八百九十五年至九十九年。國內印刷者七萬六千一百七十五冊。外國輸入者五萬三千六百六十四冊。由此觀之。則社會黨之氣。燄焉得不令我驚駭哉。

(第二) 用秘密行軍之手段。以每年五月一日。爲愛國犧牲者之紀念日。國民同盟罷工。組合行軍於市。及志士墓場。且演且走。雖警察兵卒。屢解散之。而彼則軍旂。忽戰歌。洪亮儼若不見焉。波蘭國民嘗自言曰。吾等藉此以喚起革命精神了。(第三) 用同盟罷工之手段。此爲其平和手段。屢以同盟罷工。要求資本人數。每以十萬計。凡百八十六回。勝者百二十七次。敗者五十九次。罷工之事。小則以警官。大則以哈薩克兵壓制之。噫。其勢可嘉哉。此氣可嘉哉。

以三樣之辦法。其第一則尤注意于農民。當時政府甚驚駭之。特出雜誌一種。以警農民。然社會黨之遊說。依然也。第二則波蘭所住爲猶太人多。以故同病相憐。而折衷此主義。猶甚。當時猶太人曾以己之語言著成雜誌萬餘種。而另組織一猶太人社會黨。夫波蘭人之逸出海外者。頗多。以本國社會黨之起發。而遂于外國組織一

團體。以作靈警機關。噫。波蘭亡國了。而平民社會勢力如是。其他各國可見矣。其社會黨組織之制度美備。自有專書。不暇細述焉。

政界上的平民主義

實現平民勢力之機關者。國會也。制限君主專制之準繩者。憲法也。憲法之成立。始于英。繼于美。而是時適法國之革命起。于是憲法遂乃結胎。國民會議之力。漸乃膨脹。古來之制度。掃除乃盡。專制之君主。其膽寒。全歐之國民。其血熱。噫。『不得憲法不休』。十九世紀平民之警語也。立憲政治之普及。於十九世紀。爲特有之現象。世界諸邦。至十九世紀。共舉立憲之制。凡古來立憲政體。推英。至十九世紀。乃達極點。立憲政體之極點。何曰。全然平民之勝利。是也。政府之主權。全歸于平民之手。是也。吾視千八百三十二年。英國改革國會條例。國會改革條例之真相。乃革命也。而英國政治史之最顯著者。是亦革命而已矣。

法國革命之反動

政治的自由社會的平等民主主義之發現十九世紀法國革命絕大之影響也然由此一震動於全歐恰生出一種反動力其反動力為何乃民族的帝國主義也十八世紀之末全歐與法國既同情以取改革之方針然自王政顛蹶革命火之蔓延山岳黨以過激之暴亂開十九世紀恐怖政期之幕不特各國政府恨之而世界平民亦齒冷於是含忍久之遂造一種反動力即二十世紀中人人呼之爲民族的帝國主義書也

民族的帝國主義之真意

民族的帝國主義二十世紀含歐洲之兒童婦女都探之爲應對語而二十世紀之歐洲亦無不用此手段以亡人國以衛己種始用於英於德於美而至今日則全世界均竊取之噫非此既不得爲立國之法然問其主義何是而始要是十九世紀法國革命之反動力○胎而生

民族的帝國主義者平和的膨脹主義也民族的帝國主義以軍事以教育以生產殖民爲根據者也而要之中皆含有排外性侵略性皆以平和手段滅人而利己焉

希望時代

十八世紀之革命養成世界國民高尚之性質發達世界國民偉大之思想如航海家勘出航路如殖民家覓得陸地日進一日遂生出不可思議之美景境吾徵之于過去吾察之於將來十九世紀者眞希望時代也如劇場如競賣十九世紀爲初發鑼鼓時欲視袍笏登場請諸君上二十世紀之新舞臺

(未完)





傳 記

匪 石

中國愛國者鄭成功傳

(續第
五期)

第五節 思明州之經畫

嗚呼。吾不忍忘思明州。吾懷之一念。一嘔血。一望一揮涕。明兮。明兮。奈若何。思明州有悲風慘雨之歷史。有龍騰虎拏之事業。有覆載英雄。永作屏障之功勳。有喋血洗鐵。乘風弄潮之大紀念。思明州存則英雄存。思明州亡則英雄亡。吾徧繙吾祖國四千年史。而求得思明州之配偶。則如巴蜀之於沛季。西川之於劉玄。德然則思明州何。廈門也。廈門何以名。思明曰。昔者鄭成功既得廈門。愴懷宗國。潛焉出涕。江山雖好。夕陽奈何。迺鑿錫以嘉名曰思明州。

雖然思明州當時有盤踞坐鎮之二天惡魔。而爲思明州山海神靈之玷者曰鄭彩。曰鄭聯。彩專魯監國之柄。殺熊汝霖。殺鄭遵儉。殺錢肅樂。遂據廈門。與聯結納。飲廈

期六第潮江浙

門之酒色。廈門之色。忘卻廈門。一衣帶水。外尚有惡慘腥膻之天地。永曆四年八月。鄭芝鵬至自潮陽。說成功曰。吾起兵海上。不得一尺寸土。以作根據。不可以守。廈門二鄭方耽酒樂。盡圖之。施琅曰。聯酒色之子也。吾以船四艘出鼓浪嶼。彼必不疑我。又以偽裝商船直赴廈門。乘機進取。時不可失。雖然。成功者義人也。善人也。成功以與聯爲義兄弟。吾取之爲不仁。鄭芝堯曰。我不取則人取之。曷若我取之。獨不聞唐太宗取建元吉事乎。遂決議。

涼秋八月夜。明如晝。隱隱見城東一角。萬石巖高出雲表。燈火數點。有客獨酌一壺。既醉。昨魂未醒。而是夜神龍天矯。鄭成功已率甘輝。施琅。洪政。杜輝。四將軍至。於巖下。聯乘酒出見。成功曰。願假我一軍。聯曰。可哉。雖然。公來何暮。願酌公以壯行色。成功飲。聯亦飲。已而成功辭。歸又拾飲。聯于虎坑巖歸途。刺客卒發函其首以投于不速客之墓。下於是聯部將陳奉。藍衍。吳豪皆來歸。

狠去矣。狼若何而鄭彩之部將楊朝棟。王勝。楊權。蔡新等。已率全隊之水師來降于成功之軍門。成功乃使洪政拾彩至。彩曰。吾年老氣衰。觀諸子弟能有爲者。大木而

學

術

已。〔大木成功字〕吾願以全師付成功。成功歡迎之。於時閩安。銅山。南澳諸島。皆約束聽命。遂以輔明侯林察爲左軍。以閩安侯周瑞爲右軍。以定西侯張名振爲前軍。平驛侯周鶴芝爲後軍。而自將中軍爲元帥。擁兵四萬。戰艦一百餘艘。軍聲隆々。鵠起清廷。無內外大小文武官。廼皆注眼于鄭成功。

明年成功回南澳。使將留守廈門。忽偵騎飛報于鄭芝堯。堯下曰。已偵清福建。巡撫姚學聖與黃澍等乘主帥南發。將乘間來取廈門。已命總兵官馬得功統轄騎卒自五通來渡。吾水師鎮阮引不戰而潰。敵且至。將軍將何圖。芝堯急不知所出。席珍寶棄城欲遁。島中鼎沸。而是時有纖纖柔弱之一女子聞鄭將軍已下船。急懷明太廟及鄭氏宗廟主飛奔于將軍之艙。芝堯欲移之于他船。女子不應。芝堯固請終不應。此剎那間。島中惡濤洶洶。鼓聲雜作。但見清將以五百騎往來于彼岸。人叢中或割首或呼渡。波濤盡處。五道山屹如神立。山上龍纛旂下。二將指天畫地。頻頻望海卻步。此何時。此何人。乃敵帥姚學聖。黃澍謀渡不渡。且進且卻之時也。

已而鄭鴻達以鎮將楊抒素吳渤至。施琅星陳勳以鄭文星以水師至。圍清將得功

浙 江 潮 第 六 期

於海上得功進不能勝退不得援乃以書報鴻達曰「昔得功以微身隸屬於將軍時日間隔今廼以兵戎相見得功死此亦固其所雖然舊恩不可忘也得功今死此島中人民其能大安乎且將軍妻子皆在安平將軍殺得功吾主帥姚黃二將軍必殺將軍家得功爲將軍計亦復不值將軍其有意乎鴻達心動廼私以漁船數艘資得功以遁」

而其時往來廈門南澳間之主人公乃始以四月五日自南澳回距馬得功遁歸已五月聞鴻達縱敵事則大憤使鎮將趙鴻達母入署遂整軍律改鎮守督民夫造砲臺五座以別將鄭擊柱守之十日成功大會文武官議廈門諸將之功罪殿設隆武帝御座成功自拜之又命大小文武將吏徧拜之既拜廼出隆武帝所賜劍斬芝堯于軍門而諭曰

嗚呼我三軍其肅聽自思帝棄社稷我明室已亡二君矣永曆蒙塵海南訊問又不時達吾以國族故故與我三軍同心戮力以爭此一尺寸土也今芝堯喪師失律幾失要地天不亡我援師遂達雖然不敢私也芝堯者吾之從叔父而國之仇

也吾私之吾不啻亦爲國仇其何以謝三軍哉故已命將斬訖嗚呼我三軍進行時有後敵者吾誓以先帝所賜劍以加於亡我漢族者之頸

於時鴻達已移師金門聞成功斬芝堯大感動乃盡以將士還成功築亭白沙植花木娛笙歌成功乃擢其將萬禮陳朝爲將軍命洪旭守廈門族兄秦守金門叔芝豹及施天福守同安張進守銅山陳霸守南澳閩海波濤一搏十丈洶洶有氣吞中原之奇觀

第六節 漳州海澄之二大戰

惡濤益益急戰雲益益催漳泉二州之間乃爲清鄭血戰之中心地永曆四年成功益整軍備五月敗清將王邦俊八月敗清提督楊名高遂略漳泉右州縣降其將楊世德陳堯策明年又敗清將陳錦于長泰錦死之未幾乃有漳州之戰

漳州之戰何自永曆六年四月迄九月用兵凡三百六十餘日舍兵十數萬舍船數千漳民餓死者十之三路斃者十之七亂後遺骸之大穴三總數七十三萬有奇爺娘父子一堆草落日寒流幾戰場萬劫不滅國魂其歸吾舌尙存爲述戰史

成功志必欲得漳州。急圍之。清將馬逢來援。甘輝告成功曰。今若與清將野戰。吾傷必多。不如困之於漳城。乃讓自萬松關至障城龍江一帶路誘之。已而馬以騎千步三千至。鄭軍不與戰。夜則喊聲四起。馬軍數數眠起。詰朝。甘輝逆馬軍。馬軍疲。又以漳路阻隔。遂入州城。而鄭軍自後追之。馬入城數日。忿突襲成功營。成功自四面要之。馬敗。守將王邦俊出助戰。亦敗。當是時。城援已絕。鄭軍晝夜攻之。尚未下。而福建巡撫宜永貴。遽以船二百襲廈門。成功命陳輝防之於崇武。勝之。

而是時。忽忽已仲秋八月。沿漳城河岸以下。血流淵湃。上與苦霖相衝擊。絕似一幅血雨圖。圖內見城一角。距茲三十里。有寨如豆。有人如粒。或連木。或疊石。或沈船。東則塞南。則崩上。如欹下。如傾。沿溪橫流。四決土石。雜下細碎。不可辨。吾模擬其境。殆鄭氏方以八月灌漳州。城歷一月工未竣。而偵者來告。聞清固山金礪。將會新總督劉清泰來援。成功廼使周全斌迎戰。一面盡力攻漳城。已而全斌敗。成功乃解圍去。而自退于廈門。

漳州之戰。既終。海澄之戰。方始。金固山既解漳州圍。欲一氣盡吞中國南部國民之

未薙髮。未清衣冠者。乃以永曆七年四月。進兵海澄。使劉清泰以水師出福興二港。爲夾攻計。成功偵知之。使林察周瑞往海壇迎戰。中途遭颶風。察舟誤入興化港。死焉。而成功適謀得金固山將以二十八日。以全師進營祖山頭。遂以五月一日。自率大隊至海澄。使王秀奇郝文興陳堯策守鎮遠寨。甘輝黃廷守關帝廟。而自築觀戰台於天姬宮。越三日。清軍數萬至。營于天姬宮之前。火砲數百門。旦夕向成功營突發。木柵頻壞。頻立。五日後。勁鎮陳魁。後衝鎮葉章。自砲煙突出奮戰。章死之。魁傷于矢。甘輝急開寨奪魁回。而以楊正代統其鎮。


是役也。當劇戰之中心。而爲清鄭勝敗之界綫者。則以五月八日是日。金固山自督兵來攻。望見天姬宮旌旗之下。一將指揮左右。火石併發。彈綫益益逼近。或勸成功下。成切曰。天乎。余誓不爲大明避一尺寸。土甘輝見事急。翼成功下。而砲已及。碎台級數層。金固山則又力攻鎮遠寨。方是時。鄭軍岌岌如累卵。

夜盡天旦。砲聲忽作。火龍數萬條奔于金固山之軍門。馬失其蹄。寨掩其幟。纓繫激搏。上騰無際。而蘇茂甘輝已大闢。寨門突以大軍攀緣龍尾而上。與清軍格鬪于彈

期 六 第 潮 江 浙

林。硝。雨。之。裏。據。歷。史。家。言。是。時。金。固。山。方。薄。攻。海。澄。城。成。功。使。郝。文。王。秀。奇。周。瑞。等。應。之。戰。正。酣。地。道。砲。火。齊。發。於。是。金。固。山。且。戰。且。退。而。回。兵。於。漳。州。方。是。時。清。順。治。帝。已。入。關。十。年。四。海。大。定。莫。不。奴。服。嗚。呼。我。試。以。比。例。術。求。之。清。以。滿。洲。及。中。國。全。部。之。兵。力。盡。注。于。閩。南。之。一。隅。土。地。得。比。例。若。千。人。民。得。比。例。若。千。謀。士。猛。將。得。比。例。若。千。兵。馬。舟。艦。糧。食。得。比。例。若。千。而。鄭。氏。果。以。何。主。義。何。氣。力。乃。敢。來。前。數。挑。戰。嗟。乎。哉。故。宮。何。處。忍。埋。滅。於。荆。駝。國。魂。尚。存。誓。殉。生。于。鐵。血。而。成。功。亦。於。時。援。桴。鼓。饗。軍。士。以。歸。于。廈。門。之。故。營。

(未完)



文 學

學

中國音樂改良說

此篇列入音樂學以本誌無此專目故
編入于此篇附外語 閱者諒之

匪

戶

我。今。且。發。一。問。凡。兒。生。墮。世。即。發。一。二。種。開。合。音。此。開。合。音。發。達。甚。速。三。日。殊。響。一。月。成。聲。例。各。動。物。驟。高。十。倍。耳。入。速。率。如。是。如。是。爾。時。先。民。有。作。導。開。文。明。發。揚。大。慧。段。借。衆。音。以。號。噐。物。或。病。隔。閤。以。限。尺。咫。則。又。畫。製。橫。直。自。左。自。右。或。離。或。合。別。音。寄。之。是。謂。文。字。文。字。者。耳。眼。過。渡。時。間。之。導。入。也。故。豎。古。今。橫。東。西。凡。製。字。必。從。聲。聲。之。源。曰。字。母。其。數。以。地。殊。或。二。十。六。或。四。十。九。或。增。或。減。最。備。者。曰。梵。音。鳥。獸。昆。蟲。風。雨。雷。霆。諸。凡。有。聲。之。屬。莫。不。變。換。曲。肖。鄭。志。謂。梵。字。一。切。從。聞。入。是。也。西。方。則。遜。之。凡。音。高。下。清。濁。已。未。盡。得。神。似。然。分。合。諸。母。以。支。配。各。分。子。一。生。二。生。三。乃。至。於。不。可。量。能。利。用。其。聲。音。者。也。獨。中。國。始。制。文。字。不。以。發。音。爲。符。號。製。字。發。音。二。者。分。別。發。達。二。三。比。附。四。聲。以。成。求。其。神。肖。抑。不。可。得。夫。通。世。之。郵。曰。口。眼。耳。三。

術

官不一系。天籟不可得而聞。已乃曰。余拊琴。戛石。天神降地祇升。則何以故。如是我聞。音樂開幕之期。莫如吾祖國先。昔者伏羲作瑟。作琴。堯作磬。舜作簫。其寄於樂。黃帝曰。雲門大卷。堯曰。大咸。舜曰。大韶。禹曰。大夏。殷曰。大護。周曰。大武。寔爲六代之樂。夫使我生今日。撥除故箠。掇拾二三名詞。借影昭代。髣髴秦平。按之實際。究亦何當。試思放勳以降。距周不過千年。孔子已謂古樂失傳。豈不以先代作樂。無非揄揚盛德。夸大功勳。即在當日。亦僅作之郊廟。歌之朝堂。奴臣婢妾。以蹈以舞。若曰。將於是卜民族之興亡。覘國統之隆替。斯焉漸滅。夫豈在是。而況朝家代殊。禮樂示不沿襲。其必更易名號。改竄樂章。殆如慣例。不可驟革。若是者。當時則榮。易世即亡。亦數焉不足怪也。

雖然猶有一二取是者。則以如前云。雖未能發揮國民之精神。尙足以代表寡人之性質及行爲也。子謂韶盡美。謂武未盡善。春秋時。卿大夫宴饗之際。必佐詩歌。類能覘其終始。据左史所傳。無或爽焉。孔子者。音樂改良之大家也。其言曰。興於詩。立於禮。成于樂。又曰。詩可以興。可以羣。可以觀。可以怨。今所謂感情教育也。乃絃別貞。

淫或刪之。或仍之。於國風。見分治于雅頌。見統一東西。國歌夫容多讓。奈何一厄於子夏。再厄於墨翟。夫子夏傳詩。僅得文義。墨氏學說。流行其在戰國。蓋與儒中分天下。而論唱非樂。自陷悲苦。乃至秦楚爭擾。魯歌不作。魏晉代。嬪鹿鳴。僅存宣尼。鏹鏹之功。至是盡毀。嗚呼。不其恫歎。

詩之亡也。庶人猶有餘慕。荆卿易水之章。項王垓下之奏。音節悲促。令不卒聽。嗣茲者。古詩十九章耳。夫古樂既亡。樂府代興。紹述風雅。是固無取。然猶謂近似也。唐時樂府失傳。繼以絕句。宋繼以詞。元繼以曲調。大抵世愈近。則音益靡。格益降。有文無聲。一也。有聲無音。二也。有音而器不調。三也。古者樂官世守。其職其或遭故。蓋不自菲。又皆執守一器之學。或有精通博記者。則必爲是官之長。試觀魯太師。摯以下諸人。班班可知。而在近世。凡歌詩奏曲。皆出自文人。墨子藉茲遺懷。無當大雅。即不然。亦類皆市井無賴之所爲。嗚呼。以如是人。習如是學。而求其宣揚國魂。振刷末俗。以待終毀。夫我亦固已知之矣。

以地別樂。亦不自今日始。昔者太史氏歲以時巡行各地。而察其風俗。辨其貞淫。以

期六第潮江浙

統一於邦畿而和合之。惟以朝野殊等。凡明堂所奏宗廟所用。必出于皇王之什。蓋君主專制。若此其尊嚴也。其後王家衰弱。不能統御羣侯。則各執自地。特別發達。國風十五。斯爲明驗。雖然。禮樂出自諸侯。十世希不失者。施及戰國。益復離析。史所稱郢中之歌。已與國風有異。奈何風俗益降。交通益寡。地方語言益分。崩離絕。呻吟土歌。靡靡時樂。流派益多。歷運益促。今日樂曲之號稱稍古者。迺推崑曲。崑曲始於明嘉靖之歲。逮今未遠。而能者蓋寡。而所謂京音。所謂秦聲。所謂徽曲。風靡中土。迭爲興廢。鄙哉亡國之音也。

故我敢下一斷語曰。世人不不言樂。苟有言。則于古樂今樂二者皆無所取焉。何以故。以皆負絕大之缺點故。

一其性質爲寡人的。而非衆人的也。世益進文明。則衆人會合之事。月不可計。日亦不可計。萃此離渙。厥惟音樂。故樂學界說。當以和衆爲第一。義吾國人性質。則大反是。親朋二三。團首絮語。吟然自足。以爲大樂。則字曰清談。若衆客雜聚。披陳演解。偶一厠足。蹙眉以爲喧疾。首以爲可厭。其于樂也。亦自寡人方面爲種。之發達而器

學

術

亦隨之如琴。如瑟。如管。如簫。皆足以悅少數人之耳。而不滿於多數人之希望者也。客有歌郢中者。下里巴人。和者數十。若爲陽春白雪之曲。和者不得一焉。此以和寡爲曲高也。伯牙善彈琴。峻嶒如高山。潺湲如流水。彈曲未終。喟然長嘆。想望知音。恨未得遇。吾叩其懷。若以人知爲大恥。必極於世無知音。而後自以爲得也。雖然。孟子有言。獨樂樂。與人樂樂。孰樂。與少樂樂。與衆樂。樂孰樂。其終言曰。與民同樂。參觀問答。蓋含有衆人會合之意。味惟理涉政。治於樂。無取。又以古樂俗樂爲別。則自破除自障礙。猶之不知樂也。故樂也者。所以彙合不齊。而使倚託於一途也。昔者東西大宗教家。莫不由之唯佛與耶。亦已明驗。佛樂衰矣。耶氏足跡所至。必建會堂。小或僅如田舍。縱橫不十步。然戶內樂座。雜列。每說教時。歌彈間作。聽者其心如宵向所懷。慮至是。盡釋皈依。頂禮莫敢。或畔何哉。其聲有消化。萬有之力。又以起參會者之感。情也。故今日言音樂改良。首當注重斯義。

一無進取之精神。而流于卑靡也。夫音樂與國民之性質。有直接之關係。其聲音也。卑其作氣也。必餒古樂。雖不可得聞。然模擬其聲。歌彷彿其衣冠笑貌。或以高尙或

以慷慨或以和平。或以強鄙是數德者。蓋有之矣。若曰直取進行。美盛圖滿。則吾未斯之能信也。雖然猶有此數德也。今日適於我國民之嗜好者。更復何等。昔嘗品隲時樂。評崑曲之辭曰。崑曲如野花。如山人。人因之以弱。國因之以衰。然猶不失為潔也。評北曲之辭曰。北曲如泥醉如夢。墮頑人之寫照也。評秦聲之辭曰。凡樂有七音。秦得其一。非正也。其為哀也。傷其為樂也。淫心如促耳。如窄。則純乎亡國之音矣。評諸雜曲之辭曰。此婢妾之聲也。胡為乎來。嗟乎國民其口其聲。而乃若此。其學為奴隸也歟。原夫聖人作樂。所以一國民之感情而已。而又隨其修養程度之高下。以為嗜好厚薄之差。異樂記所列琴瑟鐘鼓之効。萬莫逃之。世有知者。移其植果於德教。吾知獲效必矣。而顧使市井鄙夫。恣為播弄。以斲喪我民良滅絕我種性。嗚呼。此非俳優之罪。而實今日言教育者之罪也。

一不能利用器械之力也。器械力有未至。雖以智巧之士。又益以時日。而所費勞力與所用時間。常與器械力為反比例。故欲一般普及。轉呈大難。吾國絲竹之節。蓋甚單簡。非技術熟習者不能用也。反之。西樂樂器。皆自學理上倍徵其利用。操縱離合。

無不如志。康熙時。西樂流入于中國。嘗採其五絃音譜。以符合于吾國樂器。音節頓合。忽增美備。昔釋氏為衆生說法。鐃鼓方作。一時十方菩薩。皆來臨會。吾國亦有百獸率舞。鳳凰來儀之說。樂之感人如此其深切著明也。今釋經所傳咒語。度為釋氏樂譜。釋氏傳其音。吾國傳其義。故吾樂亡。釋樂不亡。若今佛者。演習咒語。不能冥契神合。則以佛者口語。已異梵音。又精神不足以貫徹也。故使聖人作制定樂律。上則求之帝釋。其次亦當博採東西樂經。以為中樂革新之先導。而不然者。慎矣。一由於無學理也。樂為六藝之一。其所建築。必以學理為基礎。吾國樂譜。其在古昔未嘗不特別發達。別以五聲序。以十二律疊積。音字以作音節。又重積之。以為音曲。故秩然可尋也。奈沿流昧源。譜曲盡佚。今樂之以譜名者。厥惟絃琴。然與深難喻。習者蓋寡。班志樂律。二書足備是矣。而理與器違。非適於用。自餘各器。無所謂曲譜者矣。且我國又以師傳為貴者也。孔子大聖。猶師襄。鄙夫略得毫末。詡然自夸。不以人告。又不欲筆之於書。故舊樂日益消滅。而新作亦復絕響。負茲二愆。無惑乎日底於浮薄。佻達之域也。故能佔學理上之優等者。要惟泰西之樂。樂不一曲。曲不一譜。

其始也能因其終也能悟故將來有研究音樂普及問題者首宜注意于是而盡洗嚮者師匠秘傳之錮習或一當耳

然則今日所欲言音樂改良蓋爲至重至複之大問題詩亡以降大雅不作古樂之不可驟復殆出於無可如何而所謂今樂則又卑隘淫靡若此不有廢者誰能與之而好古之子猶戚戚以復古爲念雖然吾向言之矣古樂者其性質爲朝樂的而非國樂的者也其取精不弘其致用不廣凡民與之無感情何以知其然也魏文侯謂子夏曰吾端冕以聽古樂則惟恐臥其不能發人美感明矣且我非敢謂必盡棄舊樂也雖然徇其名而失其實於我亦惡乎取抑我又有一稿例焉則日本今日是也維新之前所用樂器若琴笛琵琶胡弓三味綫之屬類皆出自中土明治改革盛行西樂自師範學校以下莫不兼習樂學未聞有妨于國民也而今日猶日以音樂普及爲言嗟我國民若之何其勿念也

故吾對於音樂改良問題而不得不一改弦更張之辭則曰西樂哉西樂哉西樂之爲用也常能鼓吹國民進取之思想而又造國民合同一致之志意其大別二曰

雅樂則學校及家庭之所用也曰軍樂則軍隊及種種進行時之所用也日本則軍樂兼及於學校慶應塾者學校之原動力也校中起居坐止皆以軍樂盛之至矣故吾人今日尤當以音樂教育爲第一義一設立音樂學校二以音樂爲普通教育之一科目三立公眾音樂會其四則家庭音樂教育是也吾國家政之衰至今而極乃至父子相仇兄弟相鬩妻子相怨蓋古說主嚴謂家政如國政而其敝乃如此積壓之極遂生潰亂甚或投身于濠佚不潔之地以戕其生以破其家以妨其社會究其原始則皆以家庭無音樂教育故也嗚呼入其國過其都市絃歌之聲闐焉不聞但見青樓丹楹管弦雜列冶郎遊女嘈雜笑謔若之何其不濠且佚也

夫我非能知音者也願以爲不言教育則已苟言之其必以感情教育爲上乘蓋感情者使人自入于至情之範圍而未嘗或叛者也夫論事不外情理二者泰東西立國之大別則泰東以理泰西以情以理者防之而不終勝故中國數千年來顏曾思孟周張程朱諸學子日以仁義道德之說鼓動社會而終不行而其禍且橫于洪水猛獸非理之爲害也其極乃至是也以情者愛之而有餘慕而又制之以禮則所謂

人。道。問。題。所。謂。天。國。所。謂。極。樂。世。界。皆。互。詰。而。無。終。始。至。情。無。極。天。地。無。極。吾。教。育。亦。無。極。嗟。我。國。民。可。以。興。矣。



各國內情



海上之美國

致 生

是篇乃美國（北美評論）新聞所載美國海軍大佐忽普宋氏之所著也。氏于美西之戰。古巴之役。勇冠一世。爲美人所敬。是篇論美國將來于海上之勢力。備述美國必占霸權于太平洋。議論周密。眼力遠卓。所言悉中肯綮。特譯之以爲吾國民告。

譯者謹誌

二十世紀中有雄飛于世界而爲人類將來運命之大關係者有二國焉。曰俄國之隆興及美國之發達是也。二國皆具有偉大國民勢力之元質。爲歷史上所僅有者。方之羅馬英吉利二大帝國。且遠勝之。蓋將來軍事的帝國之俄國。必遠超已往羅馬帝國之上。而未來海上勢力之美國。又必大于今日之英帝國也。俄非本論所及。姑置之。請專言美。

美國國民之勢力之最要元質。曰人口之數。人民之活力。及天然之富。是三者皆廻

各國內情

非世界各國所企及不寧惟是海岸線之適宜利益之關係國民之主義蓋亦均達出于他國萬萬也可愛哉美國

美國之人口一倍于德二倍于英之白人種三倍于法其增殖之速力則二倍于德三倍于英又他之歐洲各國然他國則已憂人滿而美則尚有可容今日人口之十四五倍之土地焉其國之富力足養今日全球之人口其交通之進步日吸取歐洲各國强大之人民以增殖其進步可愛哉美國

普通之美人其體力四五倍于普通之歐洲人其身之高較之歐洲首屈一指之英人尚高一英寸其食物滋養物之多二倍于英美人一人教育之費二倍半于英德普通美國之農民一人所出之產物三倍于英四倍于法五倍于德而其製造品亦然普通美民一日之器械力越二千噸英人則千五百噸法德人九百噸他之歐民平均九百噸耳可愛哉美國

偉哉美國民其體力智力之優于他國尚未足爲美民譽也其道德之高超亦遠非他國所及不見世界團體之基督教青年會會員乎仗義急公者十餘萬人矣世界

各地有大災難首發救助調濟者非美國乎當美之圍聖家國市也市人乏食老弱饑死而指稱濟之者非亦美國之國民乎喪其數多之血失其鉅萬之財而仍與古巴獨立者非美國其誰乎吾意不數十年凡息于自由之大陸而爲自由生活之美民者必以其智力體力以布其事業于世界各種種方面矣此我敢豫言者也

昔者南北之戰龍驤虎躍勇猛威武爲世界所無可類比者則美人也當時美之陸軍僅萬六千人耳及戰事起增加日速遂至成極大之勢力其兩軍馳驅之地面之廣大戰鬥之劇烈古今罕有其匹而其戰死之數較之世人所稱最劇烈之拿破侖及富來特大王大戰三倍若五倍焉蓋南北之役大小五百餘戰其中百二十五次實較普法之戰爲烈其陸軍則如此

就海軍而言則美國海軍之勢亦有出人意表者千八百一十二年英美海戰之際英之海軍七倍于美且英以海軍破歐洲之敵計二百餘次自奈耳生大破拿破侖以來英人以海軍雄于天下所向無敵然一與美遇則鏖戰十有八次美艦勝者得十五英人之死傷實六倍于美

美西之戰。美之海軍。于太平洋。大西洋。兩洋占空前絕後之勝利。于瑪尼拉。以巡洋艦。敵巡洋艦。于聖加哥。以鉄甲。敵鉄甲。美人不折一艦。而敵則全軍覆沒。世界各國之海軍中。而未曾受錯敗者。唯美而已。其海軍。則又如彼。

則請言其土地。美自太平洋至大西洋。溫帶中。廣大無限。包無窮之富。占世界礦物三分之一。寶藏于地。其田畝之肥饒。水道之交便。畜牧之茂繁。工業之發達。實占世上獨一之勢力。天然人事。兩占高等。

雖然美國之偉大。世界的勢力。非藉海上之勢力。則無由發揮之。蓋美對于世界各強隔絕。大海洋均有關係。故美之國際地位。實於海上之勢力。規之。

美之海岸線。延長萬七千英里。其沿海及與海交通之大河沿岸之都會。數多于全歐之沿岸。財產之富。亦有過之。夫是等都。會非以絕大勢力保護之。則易爲外國艦隊所襲擊。最可危也。救危。唯何則。海軍是已。且又獨沿海都會爲然。即內部亦非孚海軍之保護。不可。何則。海口者。內地之喉道也。海口不安。則內部之運用。以僵。故美國之活動。與其安全。不可全賴絕大之海軍。蓋美自工商發達以來。招垢殊甚。沿

海都會時。伏危機。而欲抗拒此大勢。以圖百年之安甯。則必以建世界第一海軍爲第一要着。不寧唯是。美國海上及河湖各方面。幾十百億無量數之財產。出口之數。年達十五億以上之事業。亦非賴海軍不安。而或世界強國有大戰。事設美海軍力不强。則不足以全中立之利權。而海上財產。亦終不全保。奈之何。舍海軍其勿由。故美以船舶輸出之財產。年額十五億以上。以他國視之。不可謂不鉅。然于美實不過花之初萌。泉之始湧耳。今後內地產業。日益發達。出口之數。日增月益。海上之利益。前途實不可限量。雖以現時之美而言。其所產之食品。占世界三分之一。鑛產之數。亦如之。世界衣料布匹。繒纈之數。占十之八焉。則其將來之可驚可駭之勢。恐非今日所能逆料也。且美善用機械之力。合全歐之數比之。尙遠不及。年產百二十五億弗之製造品。而其增加尙滋。滋日甚。蓋其速力倍于歐洲諸國矣。故于此。乃得一焉。曰市場問題。是也。

夫以他強市場。而可爲美國產物互市之地者。亦多矣。惟各國均抱一排斥外之見。其于美人。則拒之。故美人不得不自求新地。然因求生爭較之爭。城奪地殆爲尤甚。故

期六第潮江浙

美無絕大海軍之力則不能駕于他國而市地終不可得此亦爲美國不可不建世界之海軍之原因

新市場之問題今日國民的活動之大問題也關此問題則以不得不就支那言之支那地廣人衆物產豐茂交通便利實天府之國也昔嘗實地研究支那人之產業的能力殆不劣于美惟材質愚蠢未能發揮其能力一日平均之數僅得六仙令之賃金邇來風雲日急世界強國俱集其目光于東方大陸而與之刺擊而與之感動度必能催其進行者矣設果發達將來據有數百兆之人口其生產力必急增至十倍廿倍而誰能遏之

誰然支那者一無人之空市場也美人之于支那其與他國當有均等之權利而美獨處于歐洲與極東之間其太平洋岸墨西哥灣米西比河之沿岸地峽運河均與支那相對故雖無特權而收取之殆較他國爲易

支那者又列國進取政策之戰場也支那無排斥列強禦侮自振之實行故不得不空其室而迎之昔者歐洲列強嘗爭未開之美洲經幾多之鏖戰奪怠惰愚鈍無知

大

勢

覺之印度人而流血猶不知凡幾矧乃不盡富源世界寶庫神明甲冑又著名善于產業之支那人支那而設注其全力不惜血肉以相搏吾恐戰事既開將不亞于西印度之役矣爭之攘之無疑也夫憑一帑虛約而欲維持以保均平之通商權于支那是欺人之談也故一旦有強者出強肆其分割支那之政略則條約亦爲空文于是時乎美國欲以均平之權利得通商之利益亦非遂行強硬之政策不可而欲遂之則不可無極大之海軍力于極東是又爲美國建立世界的海軍之一原因南美洲之市場亦殆與支那彷彿不特于現在爲重又遠及之于將來而欲于是等市場保其利益之安全亦必曰海軍也故美之海外利益曰趨膨脹若以保護物質上之利益爲目的則美之海軍已當合今日世界所有之海軍力而後足況吾之所謂建世界的海軍非特保護物質上之利益已也有非是則不得行其大主義焉何以故

孟魯主義者（參觀本報孟魯主義篇）美國國民不可一日暫忘之大主義也美之距南美洲與歐洲列強異故列強爭商業利益于南美一旦事機激烈則美國所

遣軍艦非多于列強之全數。不可而今者孟魯主義日益澎湃。踰太平洋而東。靡利賓群島已捲入此潮流之窩中。而曰海軍不強是惡乎。可

豈特是而已。又當傾美國民之全力以擴充之。今白人于黃黑種人也。幾取其三倍。而奴之隸之矣。美人于此等之事焉。可不大揮其勢力。夫使美人今日目覩歐洲君主國及專制國種種之行爲。未敢仗義正言。蓋因私有利已。母亦怯懦。雖然國民有國民之天職。盡其力之所及于世界之大義務。不可忘也。夫美之國民純然自由。國民也。歐洲之人民或制人者。或爲人制者。蓋其國家的活動常存征服與壓制之義。惟美則反是不制人。亦不受入壓制。善哉。美國極樂世界不是過矣。

美之初立國也。人口僅及千万。自蒙歐人侵略之危險時。尙以孟魯主義對于南北美洲負極大之責任。而今者美之人口。駸駸及于八千万。富力既是威勢。既熾。外國侵伐之憂。既已杜絕。于此時實施其實際政治。而擴充其孟魯主義于支那。誰曰過言。惟美國民有拒瓜分支那之權利。今美國民對于歐洲國民而爲言曰。吾願與諸君提攜啓發支那之偉業。又輸之以文明。使自由空氣流入于其帝國。此非僅爲支

那計也。又世界人類計也。嗚呼。美人之爲此言。夫豈如英人之于印度。之于南亞。乘時以征服之乎。而爲此則固望如昔日自美國啓發之日本。

故美國欲擴充其孟魯主義。不可不堅守其亞美利加主義。亞美利加主義。維何曰。欲使世界各國皆爲自由國。一如亞美利加也。夫以美之勢力。以極救數百兆久受白人壓制。沈沈于黑暗地獄之黃黑人種。而使白人盡改其對待劣等人種之態度。以增其生產。與其商業。而共躋于文明之域。是實美人之大主義。大責任。而又爲美人偉大之事業也已。

是以歐洲國民與美國民較歐洲國民的生活。以軍事主義爲根蒂。故其國民皆爲軍事的國民。美國則以共樂爲基礎。故其國民皆爲平和的國民。而欲自平和之方面以謀種種之保全。則又不可不以他國之利益。一如自國利益爲主義。雖然欲行此大主義乎。又不可不以強暴之勢力行之。勢力云何。則世界的海軍是也。故美人欲擴充其孟魯主義。於支那曰維海軍。欲行其自由主義。平和主義。人類同胞主義。于實際各方面曰維海軍。此大主義也。此大任務也。而欲行之曰維海軍。

期六第潮江浙

抑今日歐洲列國何勢乎。國與國相制。同盟與同盟相牽掣。於此時。美以絕大之海軍而支配世界之政治。以一決平和戰爭之兩大問題。夫亦得如其意。故以美國有此海軍而向于人類之幸福。以急進于世界平和之方面。雖曰理想。蓋亦有實際之能力焉。若夫以海軍擴張為反對于自由和平兩主義者。淺夫之見。我亦何責。要而言之。海軍者。非所以破壞自由和平。乃所以保護自由及平和也。其性質與陸軍相反。陸軍則驅多數國民於軍事而支配其國內政治。海軍則不于國內而於世界其異點在是矣。故美人今日當使國民共覺于國外勢力之強大。而因而自負責任。抑亦美人之道德也已。


抑海軍擴張者。與自由主義為一致。凡自由主義之國民。必生活于商工之界。而海軍則保護其業。而又以促勵其活動。故欲期自由主義之發達。必先期海軍之發達。今日美國海軍之位。班在第四。德雖稍劣于美。而日議擴張。增加數倍。且不僅德國而已。自餘列強。莫不由之。美人而不自奮。則且為最弱之海軍國。求自保護。亦已匪易。而猥曰能實行其大主義耶。

大

勢

美國有提言建造海軍者。乎請陳其略。本年則以三千萬弗為基礎。由是歲增五百萬弗。即一九〇三年支出之數。為三千五百萬弗。一九〇四年為四百萬弗。以此遞進。至一九一六年。當為一億弗。若歐洲各國。亦假定繼續之費。一如前法。則于一九二〇年。雖與英國立于同等之地位。然以列國亦增加其速力之故。故不至于一九三〇年。則美國不能為最大之海軍國。其年支出之費。已及一億七千萬弗。英德皆已退處。列國知其然也。故嘗于美國海軍未極強大之前。以屢試其攻擊。然則美國依于前述之速力。而增加其海上之氣勢。又適以促列強之忌。而使有制止進步之傾向。惟其然也。則美國今日之急於擴張海軍。意亦有所在矣。





英法之親交

(續第五期)

蘆中人



國際政局

試翻身入英法二國界之中。央而考其歷史其足以締結兩大之惡感情者亦多端矣。結果惟何。是不得不於近世史上兩國之關係一求之。

第一 十八世紀間爲英法兩國衝突時代

第二 自拿破崙戰後至第三共和政治成立爲英法兩國棄怨脩好時代

第三 自法國行外張政略時爲英法兩國再衝突時代

第一 十八世紀者英法兩國各力行武力的膨脹政略時期也。英於十八世紀其對於外國之大戰爭凡七次。而皆集注于比隣之法蘭西。于印度。于美洲。于歐洲大陸所在衝突。而其因則以兩國各傾其全力於領土侵略主義遂惹起國際的問題。吾揣其情雖非當如左氏所謂無滋他族云云。而抑已有實僞處。此與我爭土之

景象

其二 自拿坡侖戰後至第三共和政治成立。爾時法蘭西王國政變。又政變。革命。又革命。全國民之思想。力悉注於內政之舞臺。昔日外張政略。殆已如落花流水。無人顧問。而英國亦適以是時。主張殖民地放任主義。故無有與法國衝突之舉。抑不僅此。凡二力專注於一點。常相擠而不能和。設各向一方。向以行凡外交之所注目。武家之所進步。各抱一理想的。前途之希望。知相親而不相敵也。必矣。當時英國政治家。已移其視線于我支那及近東。皇皇焉懼弛其力。而於法則遂行拿坡侖三世之外張政策。較其事實。蓋非集中的。而爲例外的。斯時也。昔日互仇同敵之比鄰。忽交手提携於政壇之上。而戢戢如昆仲焉。此一因也。

夫乘拿坡侖戰後之餘勢。而崛起焉。造立一種反動力。以支配歐洲者。則神聖同盟是也。質言之。即爲保守主義之同盟。於時法國銳意復古。卒賴俄普奧之國保守的勢力之保護。而朝廷恃以成立。此神聖同盟所由來也。雖然。法國者自由之產鄉也。自皇帝貴族以外。莫不沐浴于自由之恩澤。而求爲之兒。四顧徬徨。惟英可親而反對。

大

勢

於神聖同盟之英國。亦于時表同情焉。上下相激。遂迫爲革命之運動。溯厥元始。未嘗不導源于英人自由思想之先河。而卒使全法自由派多數之黨人。皆傾向于英倫。而未嘗或叛焉。此又一因也。

雖然。此猶就法國民之潛勢力言之耳。千八百三十年。法國大革命成。煌煌乎自由王國之旗章。出現于歐洲之西隅。而猶有反抗之者。則俄普奧三國之所爲也。於是中分歐洲爲二大支。其東支則俄普奧三國。方固持保守主義。以爲西軍之敵。其西支則英法二國。以自由主義之種子。而大播之于全洲。故自千八百三十年至千八百三十六年。其間波瀾迭起。儼然成一對立之勢。至是英法常互相提携。日催諸國之自由運動。則所謂白耳義問題。所謂波蘭問題。及千八百三十二年之東方問題。皆足證明其實者也。

已而法王腓立有保守王位之顧慮。漸漸離英而入于俄普奧三國之範圍。蓋自千八百三十六年至千八百四十年。英法親交之切綫。勢若中絕。然亦僅王黨則然而已。其臣僚其人民。莫不以回復自由爲希望。故自格召內閣成立。兩國合系斷而復。

期六第潮江浙

續自千八百四十三年至千八百四十五年間。英女皇維多利亞。訪法之沙德壽者。凡二次。千八百四十四年。法王路易腓立亦親訪問於英廷。頻年聘問。史不絕書。雖於千八百四十六年。兩國以西班牙結昏問題意見不無矛盾。而卒以千八百四十八年。法國再革命起。迴波旋瀾。仍復舊觀。常輯輯焉。有唯我與爾之好。象英法既以國際上的關係。得聯為親密之友邦。凡可以表見同情之事。蓋非獨於儀式見之。而猶有一切密之總。因則政治同盟是也。方千八百五十二年。英國苦特他政府成立。拿破崙三世常傾向之。是歲。兩國於東方問題表好情焉。克利米亞之役。兩國同盟拒俄。而英法和好之感情。迺大著。阿貝露者。英之親王。而皇之婿也。以千八百五十四年九月來聘巴黎。翌年四月。法王拿破崙及其王后來報。英女皇及皇婿又返禮焉。史述英皇聘法時。法民數萬人。嘗以至高度之熱心以驪迎皇。皇慰勞有加禮。英法二國聘問之典。未有若此之盛者也。因茲之故。故於支那于土耳其于西利亞。皆以政治之同盟為一致之行。動拿破崙三世猶以為未足。乃於千八百六十年締結通商條約。而親交。益益圓滿。雖然。吾昔不云乎。世界有最不可捉摸之

一物。昔昔而異。彩日且而殊。觀者乃不曰。國際政局乎。蓋自歐洲之大怪物。德相畢士麥出現而注。眼歐洲大勢之歷史家。於是時深深畫一界綫。以為舊時代已去。新時代已來。而英法二國亦以時帆隨湘轉。以捲入于大波惡濤之中。

其三。於十九世紀之百年間。英法兩國國際上之關係。凡三變。其前二十五年。承十八世紀衝突之餘波。而尚未盡息者也。其中五十年。則為政局調和時代。而後此二十五年。歐洲列強皆注意擴張軍備。一時雪行雨施。各以巨大之武力擁護其外。張政策。以行故英人之於殖民地也。盡拋其昔日之放任主義。而求達帝國主義之目的。於是法人乘風而起。厲兵秣馬。着着前進。其對於阿非利加。對於西亞。亞狂機頓發。殆不可遏。嗚呼。殖民何說。殖民云者。移過多之人口。以實於未開之土。又以時擴張其主權焉耳。彼法國者。人口不可謂過多。土地不可謂不足。而亦乘風逐浪。以行其膨脹政略於阿非利加。無人行之鄉。則何以故。曰。英人之法人。何必不行之法。其嫉英國力之日益膨脹。乃以愛國與擴張領土之觀念。盡注於國際上之一點。而衝突於是焉。生故以法人於十九世紀終期之所為。謂為感情的政略。亦無不可。

法人既日伺英以尾其後。英人又忌之也。常謀所以破之。阿非利加之役。法所經營而布置之者。亦已屢遭失敗。雖然。未足以制法也。吾觀法領土擴張之速率。與其幅帽廣狹之數。法何遜於英人哉。抑且大過之。千八百七十五年。英領在阿非利加者。約二十四萬方英里。法領約十六萬方英里。及千九百年。英領約二百七十一萬方英里。而法領乃至三百八十萬方英里。忽忽二十五年。而二國領土之膨脹。迺如此。歐謠有辭曰。白非洲其言其言。夫豈誑我然。自其內部視之。則固以壤土相接。遂生葛藤。例其軋轢。殆較亞西亞之英俄猶突過之。

二國猶以爲未厭。乃羣移其式步于亞西亞洲。而衝突又起。法對于亞西亞及印度中國之經營。常與英對于暹羅之政略相抗拒。故于東京事件。于拉翁司事件。常釀成一種非常之惡感情。而漫滋潛燃。以及于全歐之政局。昔日土耳其問題。英人內連列邦外拒強俄。其樂於爲此者。蓋含有一種同洲之觀念。所謂巧于對外。乃善于對內者也。苟其不然。則英既立於法之反對地位。而法亦惡得不假一二國以爲助。法俄之同盟也。蓋由是作故。觀於英法于中國印度與埃及之交涉。而大驚外交界。

之劇烈。乃如是。乃如是。

抑于最近四半世紀中。而爲英法二國衝突史之中心點者。埃及問題是也。方千八百七十五年。埃及財政之紊亂。殆已達於極點。英法乘其衰弱。而以干涉主義。以恢張其治外權。千八百七十九年。英法聯合既成。凡埃及之財政及行政諸務。莫不自二國支配之。埃及人以政權之外落也。兩國官吏之行動非法也。咸憤憤不平。遂於八百八十二年。以亞拉伯怕沙爲統領。而大行排斥歐人之運動。歐人之于他邦。始則干涉其內政。不受干涉。則必亂。亂則又以保護本邦人。以再試其干涉。而發送軍艦而佔守地方。其政略蓋爲浸潤的。而非爲急驟的。吾中國近六十年。亦已屢屢承受屢屢中計。而日削月弱。以至於今日。埃及亦一中國也。比亂。二國以平亂爲名。遣送軍艦於亞力山德利亞城。方是時。亞拉伯黨方盛殺基督教徒。英人乃與法人約。期以砲擊亞力山德利亞。而法人不應。轉掠薄雪特諸地。英乃以獨力毀其城。又與亞拉伯軍戰于推歐克勃爾。又破之。遂代理其內政。法無所得焉。嗚呼。同盟軍之終也有如是矣。位均則不相下。勢敵則無與爲讓。吾北方庚子之變。八國聯軍來攻。而

其實則有如八國自攻擊自勝負。聊借吾北方作戰塲焉。耳。法人于埃及事件。既以離英取資。向日潛布默行之勢力。至是盡被排斥。又未能即報之。乃每每於英法領相接觸之地。以嘗試其複雜之心。

千八百九十八年。由吉清納將軍。與馬興少佐。皆以遠征相遇于弗秀特。而英法衝突之事。又作。察其原因。仍以埃及事件而起。至是兩國之惡感情。又大激發。史家例法人憎英之熱度。謂較之現今德人憎英。爲尤高。英人罵法人曰。吾甚鄙法人。彼愛國心之衰。滅道德之頹。喪軍人社會之腐敗。未有如法人今日者。則信爲亡國之懲。也不觀於治來富事件乎。法人亦反罵英人曰。英人其老大矣。其衰弱矣。其於南阿無能爲矣。吾是以與波亞表同情也。雖然法人果鄰于亡國乎。英人果老大而衰弱乎。以此還問于二國民。二國民亦均無證語。惟以弗秀特事件。既起。英法二國之新聞家時時鋪張揚厲。因而惹二國民交惡之感情。東隣殺牛。西鄰責言。謂之曰。異聞。歷史家無取之。

暴風既過。清音徐來。治來富事件。既濟。南阿戰爭。又終。昔日國民之激情。殆已歸於

浙 江 潮 第 六 期

大

勢

泡影。試編英法兩國軋轢史。其末章必以阿非利加分割爲結題矣。故自今以往。英人之于帝國主義。必有實行之一日。要之。必非爲侵略的。而爲保守的也。亦已斷斷無疑。法亦猶英人也。法今多數有力之新聞家。論今日法國主要之目的曰。吾法人今日但當回復歐洲之霸權。自己得殖民地以外。吾宜不復遇問。笛兒卡雪亦曰。法國今後之殖民政略。非在擴張。而在結合也。然則今後兩國之于殖民政略。已決無衝突之舉。則以十九世紀中葉兩國之親交。謂爲外張主義。中止之結果。此亦所敢斷言者也。

而猶或不然。則必兩國向於商業問題。而政略或亦中變。然英法于商業之關係。其衝突也。少其依賴也。多吾前言之矣。今後彼等日進於商業政略。專一時代惠而好我。攜手同行。此可於現勢卜之。雖然英法者。久久抗敵之比鄰也。今而言和。則固爲歐洲之福。惡卒以是故。而大惹他日如何之變動。其禍果孰受之。乃曰。英法今已取保守政策矣。無復遠略矣。嗚呼。愛者。嗚呼。愛者。國際至幻政局。至變其母。以此爲念。不然。吾甯勿言。




談

叢

迴瀾叢話

公猛



談

叢

拿破崙之愛國

法帝拿破崙破命敗於魯國同盟軍圍巴離然帝之麾下。尙有軍士數萬。足支數月。帝不忍以一身之故勞苦國民。遂與同盟軍訂約議和。自願退帝位。被竄於地中海中之亞魯蒲孤島。

帝於是以四月二十日召近衛諸將士於風台納布宮殿陳告別之辭曰。

嗚呼。我近衛諸將士。朕今者將告永別於爾等矣。回首二十年來。嘗與爾等戮力爲爾等求榮光於世界。爾將士亦能慎守士操。始終如一。雖至最後之戰。尙能發揚蹈厲。不渝所守。

期六第潮江浙

朕今者賴爾等之力我軍雖敗尚不易亡雖然若長此相持不下則茫茫血海何日澄清況乎靜察國內僅多伏莽一旦不慎外患尚未已內難又漸生我法蘭西前途尚可爲乎朕甚願捨朕一身以供國家之犧牲

朕去矣從此生死長別離朕之親屬朕之友朋願爲國家而努力法國之幸福朕此生唯一之期望也願爾等勿悲朕之運命天若假朕以殘年著一書記爾等之豐功偉烈以傳之百世今日之所以不死者尙有待以報國故也……朕之赤子善自愛朕欲抱爾等向表告別之意願爾等舉精神之軍旗以進

此言既畢將軍苦且捧近衛聯隊之軍旗以進帝受旗與之接吻號泣之聲山崩鬼哭猛將勇士睹此慘澹風雲皆涕泣不敢仰視兵士皆請從然制限從兵不得過四百人拈鬪而後定焉

法將之厲辭

法國一士官受命守要害初被敵軍攻擊毀堡柵遂請命於大將曰『此處難以固守』大將正色厲聲而答曰『此非法蘭西語余所不鮮』

敢死士

一將官欲募敢死士十二人置諸絕地令下於全軍曰有願去者十二人即應報名來前全軍無一應者令三下仍闐然無聲將官怒曰『爾等豈不聞我言乎何寂寂不作一聲也』言未畢忽聞一人一呼而答曰『我等早已聞之然僅僅要此十二人何爲我等皆願去者也』

亞囉斯之毅烈

千七百六十年惠斯他哈利戰爭時俠士亞囉斯爲斥候入森林中傍徨遶道間忽睹白刃閃掣將近胸腹又聞耳邊作細聲曰『張聲則無命』亞囉斯凝思此敵兵之來襲我軍者也即屏息極聲大呼曰『此處有敵』言未畢白刃已穿亞囉斯之胸矣亞囉斯犧牲一身以全全軍之生命

藉那及哈培盧之沈着

拿破侖帝攻智魯率工兵築堡壘於鎗林彈雨中求有人堪爲書記者有少年名藉那者自列中進隨至壘至砲壁上筆記其命令

筆記既終忽有流丸遂落於前砂土奮起撒滿純上且蒙少年之面少年神色不少動且戲曰『甚善甚善幸免取砂之勞』蓋當時習慣文字書畢撒乾砂於上使吃墨故共言如此。

其舉止之靜鎮爲拿破崙所注目漸被重用。後果爲名將。

法國名將哈培盧一日下令於士官使築堡壘以指指示其處忽其指中飛彈內墮地哈培盧不動聲色改換他指指之且告之曰『爾看彈丸如此之烈其速築堡壘毋稍忽』

臺密士羅孔之弘懷

俾路細亞王徐奢士起百萬之大軍攻希臘希臘列國相連合講防禦之策然臺麻奴之首長游離排多與亞達奴之首長臺密士羅孔意見各異互相爭論而游離排多性情偏僻且自恃其強固執已說不肯下。

或日論事臺密士羅孔攻難游離排多游不堪其憤舉杖歐臺臺因思若從此增怒而相怨尤則二人之間生不和必破二國之同盟不爲所動唯正色和聲而言曰

『敵則任爾敵然不可不聽我說』

其言極高尚優美游爲釋然棄杖以聽臺說二人既相連合二國之同盟以成希臘之同盟亦得救。

法彪之信義

羅馬之名將法彪與格爾泰由之將漢尼巴戰互結交換生禽餘者舉金回贖之條約已相交換尙餘羅馬兵二百五十人於漢尼巴處法彪欲舉金回贖提議於元老院元老院諸議員設種種諒辭不肯出金回贖遂置此約於不理以謂手執兵器而不知用法畏首畏尾惟事生降之不武者假令交換而生還於國究有何用罵不絕口。

法彪豪不正之譏尙可言也而身爲國之大將對敵食言且不忍使麾下兵士若敵之桎梏遂賣己之領土以所得直贖兵士而回。

兵士等既回本國欲將其所費贖金還法彪法彪辭不受且曰『余望爾等之返報者不在黃金惟在愛國心而已』

期 六 第 潮 江 浙

安披那達之忠藎

特布之名將安披那達勇於戰鬥屢奏奇勳然高樹多悲風不幸爲國人所嫉妬以反叛削名將籍征達哀利之役僅以一兵士從安披那達無不平之色甘於下位其時敵軍援兵大至更番掄戰而特布之軍少且將非其人士心散亂號令不行陣伍潮亂敗徵已現陣中有呼安披那達之名者聲漸高全軍皆應聲動天地乃求得安披那達於兵士之中公推使當全軍總督之任作一同盟共守『非勝則死』之主義

安披那達本熟鍊之名將嚴約束明號令壁壘一新旌旗生色如壯勇之神腋自安披那達之身中溢出而潤全軍之心如將敗之兵士得生兵之援助以之決戰敵兵失勢大敗特布之軍占全勝戰事既畢安披那達解印綬脫將服復入於兵士之列



時 評

◎本省之部

劉鐵雲欲賣浙江全省路礦乎

据海上日報近聞劉鐵雲與義國商人沙鐸納君往大連灣與陸沙地君商議包攬浙江全省路礦之事惟嚴衢二府不在其列

咄劉鐵雲何人義大利何國浙江路礦何物乃膽敢私以一紙書與外國人私相授受乎義大利之欲謀我浙江也久矣往歲要我三門灣大吏亦幾許之(參看本誌第五期三門灣調查書)幸以中止然固未嘗一日忘浙江也浙之礦浙之髓而路浙之脈也髓竭則枯脈絕則死路礦既失雖有浙江猶無浙江也無浙江則浙人居何住族何居子孫何所產養外人之謀人國也朝吸其精焉夕得其膏焉奄奄待斃則土地自爲我有其于中國亦然唯我中國不肖孫子貪目前之末利忘百世之大害與訂礦約與訂路約日以萬金不可買得之家產暴于外人之膝下而跪獻之唯恐其不受今劉鐵雲以此施之于我浙江矣浙人非盡亡者顧不聞其事歟何竟無一人焉出其全力以爲我浙江與劉鐵雲一搏也三月大學退學之事我浙人之官京者致書于浙

官。及大學堂之總理。詞嚴義正。謂不能坐任全浙學校之敗壞。此言也。浙人銘之不敢忘。今願又以此要求于我鄉先生之前。毋任劉鐵雲毀吾家。亡吾族。以至于燃眉不能救也。嗚乎。中國已矣。已有土地。已有財產。唯恐其不失。不盡。而必欲拱手奉獻于外國人之手。而後快。吾悲浙江。又不僅為浙江悲也。請普中國如劉鐵雲其人者。為我下一復語來。

嘉興演說會解散事

異哉。以吾所聞嘉興演說會之解散。

嘉興雖處交通便利之地。然人文薄弱。學校不多。地方志士。日以開民智為急。有教君者。謀興演說會事。且成立矣。為地方吏所聞。驚以為大逆。謀捕之。事聞於某君。則告于放。令暫避地。于是教君夫嘉興。吾聞今吏之殺人者矣。滿口極罵。不以為大逆。即以為惑眾。又不問其人之何宗旨。何來歷。何所事。何所言。輒曰。此康黨。此康黨。康黨二字。竟若為今日新黨之代名詞。受之者。抑何冤。今教君所謀議者。演說會耳。若地方學校之事。若風俗改良之事。若外間事變關係地方之事。則地方人得而議之。古者國有大政。謀及鄉士。及庶人。今姑不說國政。但以地方人論。地方事。猶且禁之。固將以嘉興一府之事。盡掌于嘉興吏一人之手。而後得縱其所欲為乎。且演說會亦纔成立耳。猶未開演。猶未布告。而吏則以大逆二字。妄斷之。是直漢吏心獄之故技。則鬼蜮而已矣。近聞湘撫趙爾巽氏。下事之始。即勸令湘撫開演說會。嘉興吏也。湘撫亦吏也。何雖然不一其轍也。為告諸吏。爾種種事。爾種種言。其合于大逆二字者。不可僅指自陷于逆。而又以逆陷人。斯亦逆之至矣。又告諸吏。方今民智漸萌。向者野蠻政略。今將無所施。以朝廷數十吏。不可過抑之潮流。而爾欲以一手足障之多。見其不自量也。

◎內國之部

端方與梁鼎芬

今日為中國內外志士激戰之中心。而敢來一試挑戰者。于內有張之洞。于外有端方與梁鼎芬。留學日本之湖北學生。今歲共舉湖北學生界雜誌事。聞梁告于端。而禁之。及俄事起。留學生騰懷宗國。謀為忠告。電致北京政府及北洋。參看本誌前兩期留學界記事。請與俄戰。而自則組織學生軍。以待命。端梁聞之。以為是革命軍。以文徧告沿江各督撫。又嚴諭文武官吏。緝拿留學生之回國者。聞之大笑不止。以為端梁皆年長有閱歷者。顧恐難悍。愚之至于斯極也。夫以今日外侮如是其急。內變如是其甚。即曰以收拾人心為主義。又慮其未安。而顧自出于為叢敵。爵為淵敵。魚之謀。鈞黨結。獄網四出。若欲盡殺我中國國民而後止。嗚呼。以若所為。是自設罪。而終自陷之也。公休矣。日罵學生。數百句。日布文。書數十通。猶之草野小民。日日罵關吏。日日罵縣官。畢竟以「沒奈何他」四字了之。則諸公又何值乎來。

上海教育會與愛國學社之衝突

吾聞上海教育會與愛國學社衝突事。後數日。乃敢以一滴血一掬淚。以告于我教育會及愛國學社各志士。

執事之前。

今中國之號爲志士有熱心者亦僅矣。非放逐以死。即顛沛以死。即離羣索處以死。即不死中。去其中途。易轍者十之幾。去其稿木。灰者十之幾。去其寄託于醇酒婦人者十之幾。所存當尚有幾何。波瀾大起。風潮乘之。于是去年夏。自中國教育會之設。其各有愛國學社之設。苦心孤詣。遂辛勤支持。以至今。年而各處教育會及各學堂。皆步履而興。咸奉海上諸志士爲全部之中心。吾方爲中國教育前途。賀然。邇來見海上報章。及海上志士來函。彼此均有微詞。其是其非。亦未敢憑數行書。遂加臆斷。然我輩今日辦事。必自有公。其注重之一點。其同也。即是。我輩非我輩。無不可合也。其不同則離以父子兄弟之親。不可合也。教育會及愛國學社。有以異乎。無以異乎。人人能言之。何又乃干戈。嗚呼。愛國成立。于去耳。冬間。其時倉卒。事發。各學生之父母之戚友。均紛紛電催去滬。而學生乃卒能茹苦含辛。以有今日之愛國學社。其事可敬。其心堪悲。教育會何忍遂叛之。雖然。教育會學社。亦非可遂叛也。蔡氏友。教育會之長也。提携其數十學生以出。此事提議于教育會。遂乃相助。爲理以扶以持。論其述實。爲其經患難之良友。此而不終。中國尙有可相扶持之人乎。尙有可辦之事乎。又不禁爲中國前途一哭也。夫以今日之中國。以今日中國之志士。其于「意氣名譽」四字。當如何擺脫之。奈何日累于此四字。而竟至同室操戈也。故吾于此事。不欲說是。非不忍說門戶。願以「有情」二字。以上獻于諸志士之前。其或注意於此。則二者雖離。可合。即暫不合。亦不害其獨立。何哉。吾等因自有公。其注重之一點。在其他。因不暇言也。

期六第潮江浙

時

評

大俄馬隊

聞今日奉天一帶。有所謂「大俄馬隊」者。俄人歟。中國人歟。

大俄馬隊者。北方馬賊之變相也。北方向有馬賊。庚子之間。時亦結羣聯隊。以梗俄兵。不數年。乃皇皇然以大俄馬隊自豪于北方。

吾嘗聞馬賊之所爲矣。其始也。搶劫財物。以長以養。官吏不能禁之。則聽之。于是不爲馬賊者。皆坐困于馬賊。乃不得不附于馬賊。及俄人至。而馬賊乃多一敵手。馬賊之點者。乃自獻身于俄人。以狎侮其自他各馬賊。他馬賊恨之。又羨之也。乃亦自獻身于俄人。平民以外。受搶掠之苦。內乏政府之援。不得已。亦獻身于俄人。于是向者馬賊之招牌。變而爲大俄馬隊之招牌。向可以欺民。商今可以侮官。長向祇行之于暮夜。今可行之于白日。而俄人亦乘機利用之。以運其侵略主義于北中國。

嗟。嗟。吾中國人。其果無人心歟。其長爲地球萬國之順民歟。比來外患刺激。日益加甚。靈光歸然。之排外。一原質自庚子後。乃竟與外質和合。而爲媚外之質點。其體也。愚其質也。媚問天下。有如是之劣等民族。而猶能存立於競爭之世界者耶。夫排外。非免詞也。任何民族。未有不含排外之種子。而能循途以入于帝國之途者。也。願西國則善用之。而爲獨立爲革命史。褒其文世念其德。中國則不善用之。而爲義和團爲種種仇教仇洋之舉。史毀其文。惡其德。然則排外。何惡在。善用之而已。而今者政府官吏之于外人。奉之惟恐其不謹。偶聞有與外人衝突者。則必盡力撲滅之。以爲快。而不知如大俄馬隊。其人已反叩其掌而亡。而國族矣。悲哉。吾中

國人。

時 許

六

北京病院

北京未嘗有病院也。然則北京病院何。曰北京政府。無人不病。無日不病。故曰北京病院也。吾讀海上及日本各日報。談及北京政府諸公。則每記其請病假。夫中國有慣技焉。託病是也。小兒不欲上學。則託病。老人不欲見客。則託病。婦人憤其夫。則託病。債客在門。則託病。今政府以日俄事不能兩全。則亦託病。肖哉其吾國人也。雖然。記病何如託死。託病尚有盡期。託死則永無盡期。妻有欲威其夫者。始則哭。不効。則以睡不効。則以餓不効。則以死。至于託死。則未有不効者也。然則今政府只須謀一託死之方法。可也。夫是謂之病國。謂之病國之病夫。

日幣之侵入

聞上海及牛莊北京等處。日本正金銀行。皆有紙幣通行。商市情形又一變。

日本之爲此也。不僅于吾中國。于朝鮮亦然。朝鮮人以利權不可外溢。公布拒絕之檄。錄其文如下。

夫財者國之血脈。民之生命。其所關係何如。而華商。清商。同順泰之紙票。日本銀行之紙券。既無價值之資。又非通行于列國者。則只自一片空紙也。以彼人造之。有限取我天產之有限。其將盡我三千里內並其所有。而尙有不足。言念及此。寧不痛惋。本年正月分。鄙等滙血爲文。通告國中。所謂同順泰之紙票。日本之銀行券。切勿以用之意。不當申復。近聞同票與銀券。無礙流通。物價倍翔。病國害民。莫此爲大。殆哉。嗟。嗟。若

時

評

將不保朝夕。茲疾聲長號。爲我韓臣民之愈君子。以今陰曆十四日。濟濟來會于鍾路鉢里慶都家。合衆心而竣大事。無渴我血脈。無損我生命。上而衛國家。下而保生民。其濟太平之域。千萬幸甚。

右述乃照韓原文一字未增改。下具宋秀萬沈相禧李相轍李熙斗四人連名。此事既布。日人從中干涉。定欲查究。度將來必不能如韓人意。吾國則自日幣侵入後。上下胥安之。抑不僅此。凡華僑道勝券。滙豐券。及諸外國銀行券。無不納受。可謂馴于韓人矣。夫財權即強權也。無秦東西各國未有自輸其權于外人者。獨中國則向無以財權爲慮。所用洋銀。則皆來自墨西哥。而自鑄者反不行焉。雖然。猶以銀易銀也。以銀易銀。雖稍虧其本。焉猶之可也。而今則皆以紙易銀矣。若之何其不窮且困也。故吾感于朝鮮事。而竊爲中國財政前途慮。民財既乏。則潰亡而已矣。

哀河南

客有自河南來者。述河南社會風俗之大概。余聞之心顫動。猶未止也。

客曰。余今年赴河南。沿道蒼涼滿目。男不知耕。女不知織。竟如上古石器時代人。其人無職業。好唱戲。開封城內。各市皆無有。獨戲園得其六焉。其家產以養驢多少爲差。多土爲巨富。至貧者亦畜其一。運物以驢。乘人以馬。昇棺以驢。昇嫁輿亦以驢。乃至一舉動。一涉步。莫不藉驢焉。故男子不用氣力。不用則委弱。南方擔夫所肩一担物。彼則分爲三四。甚至四五。手壓之。即跌撞必數武也。所用器甚簡陋。南方人帶往來各物。皆茫然不知其名。羣聚男婦攢觀。以爲異。或手攜洋蠟燭。彼不知所用。以爲可食也。噫。女子賣淫風爲甚。沿途旅寓。可隨

意呼喚。其值極廉。性畏官。行村坊。常有人持刀索賈路錢。若扯官旗。則羣皆避路也。其房屋甚簡。南方城市之觀。蓋純乎一未開闢國云。

余聞客言。身如夢心。如癡。乃不謂今日中國。尙有此一塊未開闢土。按之天演公理。其必不能僥倖存矣。夫河南古帝王都。凡文物制度。皆自茲出。而今若此。何退化之速歟。白人有言。凡世有未開闢之土地。而文明人。不爲之經理。則于天理爲不順。此殖民主義所由興也。嗚呼河南!! 嗚呼河南!!

記震旦學院

吾國向來習英國學者。讀幾本通用書。學數句外國語。即昂昂以通達西學名。坐是之故。凡關涉學問書。罕能讀者。其言爲奴言。其才爲奴才。其譯書亦爲奴書。若是于學何益。瑞安項君。有鑒于此。去歲在上海設立震旦學院。其學課以讀拉丁文。爲讀各種文之總幹。而參用法國哲學大家笛卡兒之教授法。以國語都講。隨授隨譯。其學科分文學哲學二種。條縷分析。秩秩有序。白中國開立學校以來。吾未見其匹也。敢爲中國學界前運賀。

◎外國之部

日俄協商

前月俄陸軍大臣來東京。日本各報。羣議沸起。法科教授叩外部以故。拒不見。翌日。盛傳日俄協商成立矣。則

交秘事。未能豫測。竊探此論。以告吾國。

東方今日有一大問題曰朝鮮問題。是也。日人私朝鮮。俄人私滿洲。此言雖未明布于外交界。而兩國殆已默認其結果。所謂滿韓交換是也。此二地者。直謂爲日俄兩國交涉之要點。若于英于美于德于法。蓋無絕大之關係。日俄交涉止而各國交涉亦止。雖然請試思之。日俄交涉既止。爾時中國果處于何等地位。乎。日俄之爲戰。爲和。雖難逆料。然要必出于平和協商均之所以。分吾國也。而吾國某大臣乃曰。『此外國與外國交涉事。吾輩不必與聞。』嗚呼。以若所言。行若所行。直已亡其產而猶自傲于富人之列也。可痛莫此爲大。

朝鮮李容翥之被刺

嗚呼。何朝鮮已有荊軻。其政其人而我獨無。

李容翥者。朝鮮之黨俄派也。以病居醫院。一日。火爐內炸藥迸發。傷數人。而李無恙。今尙究其事。我嘗以中國與朝鮮較。則國體相若。政風相若。士學相若。民俗相若。獨一種堅忍刻苦知行合一之氣。風則吾國尙遠不逮也。吾國自政變以後。朝野勢如水火。下之言曰。太上則公人共覆之。其次則私人手制之。手制之說。即荊軻政之所爲也。何今猶未見其人也。朝鮮士人有留學日本者。分爲尊王革命二派。今歲尊王派某。忽手及其同學某某。向主革命派者也。夫此乃公讎耳。以公讎而至以身殉。秦西人者行之者矣。而今忽又見於朝鮮。誠哉吾國尙遠不逮也。

浙 江 潮 第 六 期

塞維亞之革命
吾國人驚革命以爲非常可駭怪之舉。口齒及之羣僑舌而不敢下以爲是妄人也。嗚呼而獨不聞塞維亞革命之事乎。

塞維亞民黨久不滿于君后之所爲。秘立黨會。聯結軍士。欲有所圖。也有曰矣。今歲事變驟發。王死之后。死之變後各國皆公認之無異言。於是塞維亞革命以成。昔者英皇查理士法皇路易十六。嘗以獲罪國民。被罰注廷。身身斧鉞。身死名僇。而後世且以爲大戒。故今日歐美各國。無論政體大異。而其主未有敢以虐民爲政者。國民之氣力厚。而政府之範圍又有所限也。故今日當以加厚國民之氣力爲第一義。



專件



紹興教育會章程 (續)

第四章 增設中學校

第二十條 二年以後中學專修科卒業分往各地設立中學校

第二十一條 準第十五條

第二十二條 準第二條

第二十三條 準第三條

第二十四條 校中募集學生百人須文理清通年在十四歲以上者依第二條所列各科講授三年卒業

學生每人收膳金三元雜費一元學費一元

紹興教育會章程

件

專

第二十五條 校中教師五人即以專修科每科一人任之

教師修膳每人每月以二十元爲率

第二十六條 校中常年經費如學生足額時可無須津貼

照右核計會中每增設中學校一所應貼開辦費銀千元常年費無須津貼如學生不足額時應另籌津貼

第五章 歸併中小學師範學校

第二十七條 二年以後中學校普通卒業即作爲中學師範生另募集已有普通學程度者四十人作爲小學師範生

數年後中學卒業者已多可即以中學卒業生爲小學師範生

而設中小學師範學校

第二十八條 中學師範生學科分四事一補習普通學二教育理及中學教授法

三編譯中學教科書四關於開進之演說文字

小學師範生學科亦分四事一補習普通學二教育理及小學教授法三編輯小學教科書四關於開進之演說文字

二科皆以兩年卒業

師範生每人每月收膳金三元雜費一元學費一元

第二十九條 延教師五人分教之

教師修膳以每人每月三十元爲率

第三十條 照右核計會中每年應貼洋五百元如學生不足額時應另籌津貼

第六章 通義

第三十一條 法程之意旨務期以學生之學費爲教師之修膳以學生之雜費爲校中之公用俾各校皆可以自給而永久維持會中祇籌其開辦費及學額不足時之津貼費而已蓋教育之事原應受教育者之父兄擔其責任而受教育之人既得就學之利益自應出其費用公理如斯教育會之責任惟發明此公理而能使見諸實事耳

第三十二條 準法程所定學生所出學費不過一元較上海各處私立學校尙爲輕而易舉而教師修膳較之現情尙不過於低廉核之紹地經濟近況爲適中之

期 六 第 潮 江 浙

程度

第三十三條 會中副此法程之意旨每年至少籌教育的款四千元豫備款二千元以全府八縣分任每縣不過七百五十元耳而十年以後可設立師範教學校一所中學校十六所小學校一百餘所如的款更多則其成效更不待言矣

第三十四條 與教育間接之各事如編譯印刷發報售書等事或由會員集股創辦或以會款資助始基概須籌其自能維持之方法而不賴津貼以期永久

第三十五條 與教育近接之各事如視學員之薪俸校具之添置校舍之重修或在雜費開支或另籌款津貼臨時酌核情形再定規則事務法程

第一章 總則

第一條 本會因辦理會中事務而設事務所於本部或支部其應設應撤以會議決之

第二條 事務所職員之配置名目任期等別立規則以定之

第三條 事務所隨事務之繁簡延用事務員若干人由職員提議以會議決之事

務員之修膳以八元至十二元為率

第四條 事務所之經費以事務之繁簡而定由職員提議以會議決之

第二章 關於捐款之事務

第五條 會員之創捐及月交到事務所時由事務員掣付收據
凡月捐不便按月寄付者可預付一季或半年或一年或數年

第六條 凡會員捐助會款除掣付收據外須告知議會

第七條 凡會員認定之創捐月捐

以志願書所填寫為準

年繳則由職員提於議會或刪除或催索聽議會之處置

第三章 關於會議之事務

第八條 依章程所定會期其會地及刻職員先期公於會員

第九條 凡合於章程之提議事件於會議前兩星期交於事務所由事務員通知於各部如本人不與會時由職員代為提出

第十條 開會時由職員糾正議會之儀式以免參差錯亂其儀式別以規則定之

紹興教育會章程

浙 江 潮 第 六 期

第十一條 開會後即將與會人數及會議事件其可否意見及決可決否人數詳記通知各部核計多數以爲決議

第十二條 經決議事件由職員記錄分佈各部聽會員到所查閱於大會時審查修正而刊布之

第十三條 凡提議之稿件事務所均須藏儲演說文稿均由本人記錄交於事務所於大會時查閱修正而刊布之

第四章 關於會計之事務

第十四條 會中收付各項依法規之所定由事務員記錄之

第十五條 會款由公舉之職員經手以貯存於銀行及錢莊生息

第十六條 會中經濟大略隨時由職員佈於會議以便公同籌措

第十七條 每年於大會前作豫算及出納各表於大會時審查而刊布之

第十八條 凡各學校支用之款雖依法程之所列而支用帳目仍須記錄交事務所核計

所核計

第五章 關於教育之事務

第十九條

凡教育會職員可以關於本會教育之事委托事務所辦理

第二十條

凡教育會所施行教育事務均記錄始末交事務所存記每年於大會前撰教育會記事於大會時審查修正而刊佈之

前撰教育會記事於大會時審查修正而刊佈之

第六章 關於交通之事務

第二十一條

各部事務所辦理各事呵成一氣不得歧牾

第二十二條

凡會員以關於會中之事務有所詢問隨時答復

第二十三條

凡會中有公佈文件事務須徧達於會員

第二十四條

凡會員之住址寓所及寄信地方有所更易時必函告於事務所

第七章

關於會外之交涉

第二十五條

凡通行報章有述及關於本會之事務須購貯之關係較大者則告

之於議會

第二十六條

凡會外人投寄信函文稿於事務所如於本會關係較大者則告之

議會


第二十七條 凡公佈文件會外人之與本會有關係者皆當寄交

第二十八條 凡會員或職員在會外募捐事務所須協助之

第二十九條 凡會外人捐助會款除掣付收據及告知議會外并按期登報聲明

第八章 附錄

第三十條 凡法規未盡事宜可依章程第三條條四條第十九條施行



滿洲問題

東報時論



俄國外交之特質

德義不必存諸心巧利乘其機會執惟一之目的此三者俄國膨脹史所現之大特質也千六百三十六年拍也哥初自耶柯茲克達太平洋海岸之經路發現以來滿洲全土幾歸掌握至今日彼之狀態實猶不失此三大特質

阿母羅之占領

內路侵斯羅條約

愛彈條約

彼先志占領塔蘭世及阿母羅地方建都於亞能泰徐徐施其侵略手段然遇韃靼人有強硬之反抗約四十年之久其結果如此因於千六百八十九年締結納徑斯枯之條約破壞伊盧敗柴之都雖經此一敗而彼猶擊擄不挫更轉請求伊母路河之通航權既得此權力紛爭數十年其結果又敗故遂結于七百二十八年

之條約。劃定露清間之國境。而俄國尙不捨其目的。千八百五十五年。三度要求此通航權。而適屢拒云。俄國知雄飛之不遂。不如雌伏。以待機會之來。至十九世紀之中。葉清廷之威漸衰。洪楊之蜂起。及爾時之東方。西比利亞。總督磨利海。夫蹂躪前次之條約。相繼送探險隊與哥薩克兵。招致軍艦侵略。阿母羅維地方。建設尼古拉夫。枯麥利。恩斯。倭來。獨弗克。確恩斯。及弗克等處。建設都會。固其侵略之基礎。遂於千八百五十八年。不助微弱之清廷。要求愛理條約之調印。並約百萬方里之阿母羅維地方。爲永久占領云云。

烏蘇里地方之占領

伊犁地方之侵畧

對於滿洲之野心發現

既占領阿母羅維等俄國。更懷併吞南方之野心。千八百六十年。當英法之聯軍侵入北京。清廷遁逃於熱河。衣庫奈氣。夫將軍以爲好機會不可失。即迫清廷割讓烏蘇里河與太平洋間廣大之土地。至千八百六十三年。長卡耶之摩哈默德。教徒叛亂。清廷鎮撫正形窮困。而俄國乘此機會。即進入占領伊犁。後叛亂漸次克復。而俄國名雖還清伊犁。實貪多數之價金。然於滿洲所獲得之自由通航權。已入掌握中矣。此千八百八十一年之事也。

自千八百八十一年至千八百九十五年。俄國一面施籠絡清廷之手段。一面送探險隊於四方。一面表平和親交。密策併吞支那四百餘州之土地。適其時中日覺起。彼見遼東半島將割讓與日本。即誘德法來干涉。

使日本歸還遼東。當時揚言曰。日本占領遼東。是破壞東洋平和之局。其實彼干涉之真意。欲留之以爲己也。日占領地步。俄國對於滿洲之野心。實自此時此事而發現也。

卡沙確條約

滿洲鐵道之布設

遼東半島之占領

千八百九十六年。俄帝與戴冠式李鴻章。袖卡沙確之條約。赴俄都。當時天下列強咸眩惑尼古辣斯二世戴冠之盛觀。李鴻章與羅敗夫等私相語調印其條約。歸來二年間。相守秘密。然不料清國之滿洲鐵道布設。權讓與俄國。漏洩於世上。漸次惹起列國之注意。卡沙確條約之存在滿洲鐵道布設權讓與等公然秘密。次又膠州灣事件起。德意志因殺害宣教師之名。貽以口實。遂占領山東之一角。並築壘嚴兵。備俄國即據此事。實以爲口實。揚言德據膠州於東洋列國權力攪亂。平均途進。旅順之丘上。建樹國旗。發二萬兵占領市街。而要求遼東半島之借租。當是時清廷亦無如之何而諾焉。

滿洲之事實之占領

團匪之亂與俄國之特別運動

既得滿洲鐵道之布設權。遂得遼東半島於事實上已掌握滿洲。通來俄國。益布設鐵道。孜孜建築兵營。事實上占領之基礎愈形鞏固。而名實上占領之時機。可以緩待時哉。時哉。團匪之擾亂起。而列國皆運兵救濟。

公使館掃蕩匪而俄國亦發兵隊參入列國聯合軍聲言追伐匪由對絲陸連兵於東洋不上陸於太沽而上陸於旅順及牛莊列國軍方盡死力以救使館而不知彼先於滿洲之要區配布強大之兵力矣

團匪之亂與俄國

俄國之聲明

俄國外交之先見其見機而動之敏活固自感歎雖國際間之公約對於列國之德義祇顧利用而行其一己之野心無所忌憚以上之歷史可證明倭來克斯利烏斯氏所謂俄國之外交細察其所定目的但能達之德義可置諸度外惟利用其機會耳而團匪平定以後俄國背信之行爲詐僞之手段相繼出現當時列國聯軍方苦闢於北京附近而彼獨自放鐵蹄蹂躪滿洲之野公然向天下告曰『俄國之軍隊進入隣邦之境內決非對於支那有不利之目的却於現今危急之時機彼友邦以我軍之駐在相與結戰取北京政府大可獲益爲支那自身之利益可速援法律與秩序之恢復也』云云彼所謂決非對於支那有不利之目的爲支那自身可速援法律與秩序之恢復等盟言不願陷列國聯合軍於危險乃敢獨出特別之運動今也彼果履行此言矣

團匪亂後策之準備

美國提議

團匪漸平列國協議善後政策俄即以議定標準通牒列國曰(一)維持列國協同一致(二)維持清國之舊觀(三)

於種種方面有誘分割支那帝國之因者即當避之四列國既協同則各維持己力於北京安寧秩序可回復合法之中央政 俄國前所議定者如斯而今於滿洲行動得毋自相矛盾耶北美合衆國爲門戶開放政策即提議於列國所謂利益範圍如在既讓與地內之開港場或已得之權不得干涉一利益範圍內之開港場出入商品悉循現行條約之稅關稅關使支那政府徵收之三於利益範圍內之港課入港稅較課自國船舶不得增加於鐵道徵運費亦不得較自國品增加以求公認俄國首先表贊同之意然俄國實首要請保全支那對美國所提倡保全支那之通商的文又舉雙手贊同而今果何如耶

俄國之誓言

虛僞續出

列國不論俄所揚之言於滿洲對彼所爲不能嫌焉屢詰責其真意彼乃公約曰一於滿洲施恢復永久秩序且保護鐵道之手段之後又能不障害列國行動即當撤退軍隊於隣邦領域一於營口各國政府及商業上之利益及依軍隊被復舊之鐵道利益不蒙何等損害保護完全其誓言何公明正大若是耶恢復滿洲和平秩序已二年有餘彼依然駐屯多數之兵掌握營口果何心耶

北京議定書與列國

俄之貪暴背信

列國同盟認保全支那政治的及通商的不可利用北清擾亂而犯支那主權乃各遵此主義惟取償金而足

故未幾而兵皆撤退矣。俄亦於此誓盟調印議定書之一國然其債金額大於各國既取其股份一億七千萬圓又蔑視議定書主義自食其言併吞滿洲貪婪橫暴誠無所底止焉。

滿洲條約

日英同盟之成立

俄國自揚言曰欲圖滿洲之平和及撤退滿洲之兵固屬當然但斷不能以一己之誓言而對列國語向不肯實踐此約之俄國今被清廷及列國漸迫其履行誓約於是厚顏要求撤兵費及十二條款其撤兵之名與實無非以滿洲之割讓向清廷要求是實前年三十四年事也邇來列國間惟英美德日三國盡力抗爭之其占領滿洲之野心於是不得遂待英美日三國同盟既成後未幾即締結去年四月之滿洲條約以去年十月八日今年四月八日及十月八日三期之約撤盡滿洲之兵是等歷史歷歷在人耳目無日或忘者也。

滿洲問題之結晶

俄國之條約蔑視

雖然以不信悖德厚顏摯拗之俄國至第二期撤兵時尚未實踐此約復提出七款之要求冀欲遂其占領滿洲之野心因此而知俄政府之言有斷不可深信者今於第二期撤兵之期已逾三月之久尚未撤退蓋滿洲之在其掌握中誰不知其愈堅固乎是皆近頃之證據也。

又云公使某日返營口至期不但未返且分記其稅關以私其收入並握牛莊檢疫之權以占領北清唯一之

雜

開港場是非吾人所目擊耶又募集清兵以訓練之分置要區且應用馬賊是不啻良民受其荼毒即清廷進討馬賊之軍亦非常棘手是非各新聞所載之事實耶而俄國公使歸任後屢以誑詐手段詭給清廷之官吏或以金力或以威力以壓迫北京政府是皆事實之証殆無容疑且夫清廷既不耐受其壓迫又無抵抗之力於是俄臣羅薩之要求一容認之是等密約之報屢屢驚觸吾人耳目嗟嗟滿洲問題一變再變三變而至於此其危機已達於極點矣。

美國及政治之保全

英國之軟弱態度

美國之於支那其維持政治的保全尤以維持通商的保全為重蓋以國勢適當之故政治分割尙可得設垣維持通商失業交通之自由無望吾人之向於美國不致三思更不得不無希望所可怪者英國之態度耳夫英國之於東洋其政治的經濟的關係態度從來軟弱即如俄國占領遼東彼僅得占領威海衛夫以俄國之野心謂之為眼珠之針刺亦無不可彼獨於俄國進步之前著著退讓其且結英俄協商之條以長江沿岸之鐵道布設權為己有長城以北之鐵道布設權認為俄國之域且於滿洲容認俄國之積極的經營可謂愚矣雖然是非無故也蓋以南阿之戰爭不能盡力於支那問題是以吾人以英國於東洋之基礎之動搖不得不為之懼焉及至英日同盟彼方醒悟大有強不如人之嘆而其後之行動始微見路透電報載有羅託枯辣恩霍述俄國之公言彼不問其事之確實與否一舉告於議會毋非計乎駐清之英國公使僅以辭令之外

交爲至當熱心至當注意以執掌示決心不更非乎若夫滿洲之於俄國支那孰得孰失英國亦不介徒知開放門戶得通商之自由則無復他望吾人以戰後經營擔保己國之利益而始有日英之同盟雖然同盟國不足恃之感念已傳播於吾國民之間并侵染於日本國民之腦是果知英國將來之爲利於東洋不可信也噫可勝嘆哉可勝嘆哉

俄國與滿洲之平和

俄國平和之維持

恢復滿洲之平和與秩序惟俄國彼費許多之財力壞幾多之生命要求滿洲之占領至大之權利誰敢拒之然投幾多之財命克復北清平和之列國創保全支那之主義不犯其主權惟得應分之價金誰得不同聲曰駐札清國之軍隊撤退撤退嗚呼言猶在耳口血未乾而俄露斯之假面目已全脫矣彼當列國提議北京議定書之標準時彼保全支那之主義撤兵滿洲之誓約不知其幾度且自議定書調印後受幾多之價金然吾人細察滿洲問題之前後滿洲之平和果爲俄露斯之恢復不能無所怪也試問俄國自古領滿洲之前與占領滿洲之後孰平和安全可知也當俄國占領滿洲前擾亂滿洲之平和者惟馬賊而已滿洲之良民各攜武器拒馬賊之劫掠以營其生活彼等之所以不能平和者唯一馬賊然至俄國放兵於滿洲之野暴害良民較馬賊尤甚到處虐殺劫掠老幼姦婦女輕狂暴亂之狀實目不忍睹良民不能抵抗其獍猛遂屏息不敢動今彼等之武器却與馬賊所得與俄兵比肩同氣橫行於四方阻清廷馬賊之追討軍嗚呼彼何等之暴

狀彼果平和之恢復者乎抑害平和之至賊者乎彼於滿洲之行爲全野蠻之手段而已諺所謂自放其火自收其功而已於滿洲之和平何與哉然幸俄人亦碧眼紅鬚之儔耳否則吾不知美國人將目彼爲何地也

俄人文明人乎

武市及警腦之虐殺

今見俄國於滿洲之野蠻舉動滿羅克斯陣之虐殺汨汨洪河屍骨盈陳於此足以證假人之失文明資格也不見彼於警腦所謂『在戰場不能見之光景』惡鬼掣之暴虐『文明國歷史以來未曾有之慘狀』演出此等不可思議之惡劇尼羅之殘忍謝哥茨之暴虐逞其避之舍之蠻行乎又不見阿米尼阿之虐殺絕叫土耳其人道之敵耶中東戰爭之時彼略旅順吾國軍隊之行爲不難讀爲文明之敵然所在謂文明國者見俄人之行爲又如何云耶嗚呼俄人果文明乎俄國果文明乎咄白色鬼汝也人道之敵文明之仇

俄國之統治文明的乎

希望平和安寧於白色鬼統治之下以期殖產工業之發達抑亦誤矣試問哥薩克之橫行可以保全生產業發達人命財產之安全否若滿洲果渡於俄國之手使滿洲任俄國之支配以如今日之浦港按浦港所謂我之恩惠之下不容外國人居住總督不拘如何不明理由二十四時間內有命令撤去之權力總督之賭博費遊玩費種種名目之下悉由浦港商人徵集之而不得拒故浦港生命財產之安全全商工業之繁昌皆以賄賂得者也見維丁氏於浦港五十年來之繁昌忽奪大連俄國政府爲自家之野心如何悟外人之利害得失若

夫西伯利亞鐵道滿洲鐵道及北方各地吟味都會之性質而後知其非主經濟的價值重兵略的價值也俄國希望殖產工業之發達並平和安寧若文明之擁護蓋思過半矣

滿洲問題與日本

滿韓交換之愚論

今也滿洲問題之危機已達於絕頂若猶事姑息偷安使俄國得遂行其野心獻文明於蠻人之膝下供人道於惡魔之面前平和榮光同歸犧牲洵如是則吾國死活之問題與亡之運命今將決於此時矣如彼滿韓交換之議其迂且愚不待多言即可解決此危機也試翻歷史觀滿洲與朝鮮有何之關係俄國之野心最後若何之希望則當悟滿韓交換之愚論之未當也俄得滿洲則吾國於朝鮮經濟上政治上之地位必不能擁護朝鮮既為此野心國所席捲吾國將不得一日高枕不待識者而後知也

經營上之憂患

日本當發展國力於海外

或云日本之經濟究不耐於開戰不若暫退避其銳鋒以增殖財力使戰爭開自吾國決無異議且吾國於公債政略掘此注彼挖肉補瘡較俄國有非常之苦痛當國家存亡危急之秋不可不稍忍之否則雖獲瓦全應悔玉碎矣然試問今日讓步於俄國吾國於對岸之威信悉掃蕩無餘吾國將如何以增富夫彈丸墨子之地群居五千萬人且歲增五十萬之人以非發展國力於海外斷不能增殖財力發揚國威此事理至明晰也今

鎖海外國力發展之道而寓富國之事其愚誠不可及也已

國民自尊心之破壞

最後之決心

吾人非敢漫言主張決戰也然俄國無道肆其野心將蹂躪天下之文明破壞平和之秩序且危吾國之存立發達之機以此數端故吾人不能不握干戈以應對之也吾國民觀俄人之橫暴之行爲敵愾心之育成也久矣今也雖兒童走卒言及俄國則目爲敵國若今屈於俄國之前則國民之自尊心必不免爲所破壞矣外失國家之威信內壞國民之自尊心欲期國家之隆盛何可得哉何可得哉



Angst vor Verlust!

期 六 第 潮 江 浙




來 稿

雜

記仇滿生

仇滿生。福建侯官人。生平持民族主義。立志倒滿洲政府。故自號仇滿生。云仇滿生既負大志。以爲方今非合羣力。不足以舉大事。於是肄業于福州東文學堂。冀得交結志士。共圖大舉。然閩士性質。率近保守。且其程度無有能及仇滿生者。仇滿生落落難合。惟與其同學林君志鈞。程君樹德。相友善。二君子于今年三月渡海。至日本。于是仇滿生在閩益孤。乃亦謀東渡。五月上旬道上海。值俄事起。東京留學生組織義勇隊。而仇滿生之友程林二君。亦投身義勇隊。本部爲部員。上海社會大激昂。日爲集會運動。仇滿生既痛時局逼迫。自分瓜分在即。生平欲爲克林威爾。丹頓。羅拔士。比親。鞠查理。斯第一。路易十六世之事。此志恐不克遂。母寧犧牲。吾自蹈東海。死冀東京留學生及吾親密朋友。聞吾事有所感奮。則他日能竟吾未竟之志者。正自有人。且恐義勇隊及本部部員。有懷懼而不肯遂死。或中途變計者。已則先爲之倡導。乃于十四日乘西京丸赴東。船抵馬關。仇滿生操閩音。與船客語甚久。客山東人。不能閩語。仇滿生因乘梯出上艙。客尾其後。見仇滿生望海而立。張目四顧。少頃。遂奮身躍入海。時波浪洶湧。船主命停輪。投救生環數四。而仇滿生不肯復活。但見如山之浪澎湃。

碎。留。掠。船。而。過。仇。滿。生。即。葬。身。于。此。大。浪。之。裏。忽。以。去。矣。先。是。仇。滿。生。在。滬。以。書。抵。林。君。張。告。以。某。日。當。至。橫。濱。及。期。迄。之。不。至。惟。喧。傳。西。京。九。郵。船。過。馬。關。時。有。蹈。海。死。者。自。稱。仇。滿。生。也。于。是。程。林。二。君。貽。書。會。館。徵。其。事。久。之。乃。得。仇。滿。生。死。狀。東。京。同。人。聞。之。大。感。動。咸。就。程。林。二。君。叩。仇。滿。生。生。平。六。月。一。日。曜。日。仇。滿。生。同。學。發。起。為。仇。滿。生。開。追。悼。會。于。日。本。東。京。牛。込。清。風。亭。是。日。與。會。者。僅。二。十。許。人。然。皆。表。同。情。于。仇。滿。生。者。也。程。君。樹。德。首。出。席。演。說。先。述。仇。滿。生。平。日。志。行。次。揭。明。其。蹈。海。之。故。語。甚。激。楚。合。座。嗟。咽。繼。林。君。志。鈞。宣。讀。祭。文。林。君。與。仇。滿。生。交。最。稔。故。其。祭。文。累。數。百。言。情。辭。俱。摯。而。復。出。以。悲。壯。之。音。聞。者。咸。為。歎。歎。宣。讀。既。畢。劉。君。崇。傑。起。命。衆。整。列。向。所。設。仇。滿。生。之。位。行。三。鞠躬。禮。禮。畢。合。與。會。二。十。餘。人。共。撮。一。影。以。為。紀。念。浙。江。留。學。生。監。督。高。君。鳳。謙。亦。來。會。焉。仇。滿。生。年。三。十。餘。足。迹。未。嘗。出。鄉。里。故。即。以。今。日。如。茶。如。火。之。學。界。亦。無。有。人。知。仇。滿。生。者。其。生。平。學。業。志。行。程。林。二。君。皆。能。道。之。書。此。以。告。世。之。欲。為。漢。種。國。民。作。傳。者。仇。滿。生。姓。陳。名。鯤。



留學界記事



特派員之還東

前東三省問題緊急之際。東京留學生中之同志者。激於愛國之熱誠。曾選特派員內渡。赴北方相機運動。當時出發情形。早詳紀前號本誌。特派員抵北方後。時時電商一切。嗣聞該問題稍有活動。因電招特派員還東。陽曆七月初三日。東京得特派員自濱松發電。知將於某時抵新橋停車場。於是職員中派某某等前往相接。旋因中途鐵道有損。不得進行。至次日始着東京。初五日下午。後全體會員開歡迎會於錦輝館。首由職員陳述召集會員開會之主旨。次特派員先後報告政府現今之行動。與北方社會之一般情形。次職員提議特派員此次銜命歸國。準以臨時出發相約之權限。既無逾越。並使吾輩深悉政府之舉動。此後應如何改變手段。皆特派員調查之力。焉應褒賞二等徽章。以彰勞績。請全體會員公認。於是會員贊成者得多數。特派員再三謙讓不受。謂吾等此行。未達諸君之目的。已深負諸君之囑託。今日不受譴責。已屬微倖。至褒賞徽章。萬不敢領。請留待有功者。云云。是日特派員報告之詞。畧不載。又提議時。有某某會員提出改革意見。宣告大衆會贊成者過半。惟某某等以意見微有不同。並或因病或因才不足。當場脫會者十餘人。五時頃散會。

留學界記事

期六第潮江浙

●記吾浙夏季同鄉大會

陽曆七月五日。吾浙開夏季同鄉大會于九段坡上之富士見軒。凡吾浙留東學生與在東游歷紳士及橫濱之浙商。後先蒞至。是日兼爲湯君標歡迎章君宗祥陸君世芬卒業送別誠吾浙同鄉未有之盛會也。鐘九下。乃齊至演說堂。首由吳君振麟述開會詞。兼歡迎致別辭。並道吾浙自今春以來。進聯隊者踵相接。今陳君蔚等十人不數日。又將進隊。可爲吾浙前途賀。次湯君標報告北方社會一般懼外媚外之情形。次章君宗祥演說歸國辦事之方針及其次序。演說稿以限于篇幅。故皆从略。次會計報告。次書記報告。次雜誌部報告。次招待員報告。至正午。赴懇親宴室。几椅清涼。香花撲鼻。杯盤交錯。肴果芬菲。酒酣。吳君振麟起而言曰。『今日歡迎送別。無樂不兼。不可不醉。飽以盡斯歡。』于是坐者皆起。立飲一杯。少頃。湯君標離席而言曰。『吾會之成立久矣。而未有開會以送卒業歸國者之一日也。有之。自今次始。章陸二君返國後。吾知其必有以福吾浙與吾中國。此間同人何等注目。今日陸軍學生與會者甚衆。宜行軒舉禮于二君。以表期望之意。』咸城諸君。即以此先禮章君。章君曰。『辱承優待。無以爲報。敢酬杯酒。』于是坐者又皆起。而各飲一杯。咸城諸君復以此禮敬陸君。陸君答如前。既陳君蔚亦起而言曰。『湯君標冒險赴北。今得安然返東。可敬。又可慶。吾輩亦當以軒舉禮。湯君』語未畢。即軒舉湯君。湯君笑曰。『吾亦照例酬一杯。』是宴也。以有種種樂事。復佐之以酒。與故每逢軒舉之時。無不擊掌成雷。衆口喝采。蓋亦不自知其狂喜也。宴畢。再集于演說堂。提議雜誌部維持事。至四時頃。盡歡而散。



小說

小

愛之花

儂更有情

第一回 非筆非舌述鏡花緣 是虎是狐衍勢利界

一切有情究竟無我。天荒地老煩惱常生。嗟嗟痴迷精衛。難填苦海。孽流顛倒。情魔空演。熱花冷火。六根易斬。最難斬是血根。種性可淪。切莫淪乎迷性。桃源非清淨土。勸參破厭。世却魔世界。是大舞台。先攝這競爭影子。酒醒時。靈魂一氣快樂。這變相萬殊。鉄血關頭。胭脂隊裏。剝去光明的畫皮。即是黑暗之地。獄暫借光陰。聽余說法。嗟乎。野人獻曝。雖迴落日之戈。山僧煨芋。未了浮雲之夢。聊證同心。不嫌饒舌。

諸君說書人第一回登場。恰有幾句煨語。要與聽者解釋。據今日祖國的時勢。兼看小說的程度。只愛之花說部。萬不足以鼓吹。不過據余鄙見。欲治種種改革。先下手

愛之花

於社會學。社會學有統制羣治之關係。福祿特爾。法國革命軍之健將也。乃先著風俗論。爲同胞說法。瑪志尼。立伊大利少年會。不免借社會主義以鼓吹。先以國民迷妄。關頭一棒。喝破而再于百尺竿頭轉進一步。以下藥庶乎其近之矣。說書人雖不敢夜郎自尊。妄擬革命偉人。然平日喜研究社會學。以叫醒同胞之昏睡。自任愛著愛之花說部。狂妄之說。讀者諒焉。

諸君。箇人最難參破的一個關頭是什麼。就是戀愛。勢利。四個大字。天下究竟沒有醉枕美人之腕。醒握天下之權的英雄。富貴。驕人。道德。墮地如一箇人。有了眷戀。有了娛樂。聽他是英雄。是豪傑。一定把愛國的迷性。拋在九霄雲外。不然。難道我們祖國。只一隊齷齪狐鼠。他亦是從母胎裏十箇月生出來的。何爲竟管了自家。忘記同胞呢。不過是把錯雜的迷信。蒙住了。浮言不表。卻說亞細亞洲大陸之東。有位少年。姓屈名敖。表字幻儂。尙俠好遊。聰穎豪邁。思想實力。在同輩中。錚錚獨露頭角。十二三歲的時候。鄉父老都注意他。爲黃種未來之偉人。必靠他將來把東洋的文明。一隻手翻轉來。到了十七歲。幻儂就跟他的親戚。往法國去留學。只一段歷史。姑且畧

去。况幻儂呼吸了只無量數的文明空氣。那知識學問。果然如朝嗽初生。春花怒放。發達得十分迅速。至二十二歲。就在法國大學校卒業。也曾回國一次。要想把亞細亞洲。由千年塚中喚醒來。可憐獨木難支。間煞英雄。過了兩年。毫無下手的地方。幻儂就轉了念頭。他說。平民終究難革。政府之命。我不如鑽條官路。將來有權有勢。我放落臉來。就可以成事了。卻說幻儂自世家出身。又生得一表非凡。雖然年紀輕些。只要不把翦過辮子。當過留學生的招牌。掛出來。那做個公子官兒。有何難處。幻儂既入仕途。政府果然贊他善于趨跽。極爲賞識。恰是冤冤相報。不叫他做地方官。叫

他做外交官。後來因他深演法文。就派他到法蘭西去。唉。只一場因緣。遂演出愛之花說部的歷史來了。聽說書人描着幻儂的口吻述來。余少年自負。勇氣包身。號若獅。飛如鷺。好尙豪俠風。頗有拔劍案馬。蹂躪全世界之志。自問一洒洒落落之眞男子。不幸以二十七補外交官。即驅余入昏迷。勢利之陷阱。猶幸遊華胥不久。竟得覺。悟余受職居巴黎。戶居素食。頗消磨余英氣。余初出世也。抱不平主義。既一變爲厭世。再轉爲快樂。春秋佳日。儘余勝游。時適五月第三金

曜。西例爲令節。執事者皆給假。名勝之區。游人如鯽。是日晨鐘初警。曙色烘窗。寢室白幃。映如放苞薔薇。余未起。執役人即傳有客至。來邀余訪路易十四世王宮故址。余甚厭。蓋余曾與最親愛最戀慕之羅舜華約遊奧敦戲園。舜華何人乎。巴黎著名之女優。丰姿競蝶。競色羞花。而一種溫柔之性質。尤攝余魂。凡法國通人无不戀其名。无不欲一按其眉嵐以爲榮。諸君舜華即助余演成愛之花說奇之主人公也。余與之約往奧敦戲園。在五月第三水曜日。適遊公家花園而歸舜華之馬車。迎余眼簾來。嫣然一笑。泛芙蓉之頰。湛嬌愛之波。無量歡喜深印。余腦水曜日。至金曜日。同行之約。一刻不能忘。遠鐘自鳴。既已八下。余急正容。易華麗之服。雖未出門。余之靈魂已飛附于舜華之身。而時偏訪余之友人絡繹至。余甚惱。心怏怏。坐既不能正。顏色雖不敢慢客。而厭態已畢露。客均質余有心事否。然自問最知己之友終不敵舜華之愛情待客辭去。恐客復至。即惘惘出門。訪舜華之宅。司閤者偏告余已他往。余聞是言。心如蛇刺。足且戰。將返。一侍兒忽忽出。語余曰。午後二下鐘。舜華會余于科恩大餐館。余佇立取時辰表視之。僅十點鐘。遂辭去。至門外。連呼馭夫。馭夫。卒

無應。余忽自笑曰。嗟。余出門甚急。而並未乘車。余真失魂者。乃不暇擇途而前奔。急遇故友。詢曰。幻儂何事。忙余答曰。無事。忙復曰。何往。曰。將往科恩。客大笑曰。君將于西半球尋日本海矣。余亦自慚其誤。即揖客而別。于途呼一輛野車。至科恩館。時市上大鐘長針適至十一點四十分。余奔已疲。既至。即命侍食人。擇一臨街華軒。宴之。佇立外向。轟余耳膜。接余眼簾者。惟有車馬烟電而已。閃坐閃飲。覺倦而思寢。終不安。時或倚榻。時或遙望。忽忽已一點三十分。有一輛華麗馬車。馳風來向科恩館。驀然停止。余此時眼花亂墮。即探半身于玻璃窗外。口雖未呼。而親愛我舜華之聲已溢于發音器中。而車中嬌好舜華之顏色已刺擊余腦。豈圖人未下車而先伸出一光光禿頭。余叱曰。嗟。急內轉。不慎余之首觸于窗上。檻痛甚。惱甚。余抽一口長氣。昏昏倒于榻下。乃竟睡覺。烟雲變幻。杳不知所至。未幾覺有人執余手而呼。余肌膚似甚細膩。聲音似甚嬌。余急睜眼。嘿。!! 嚟。舜華已直立。余榻前。余急坐起。余覺有無量之相思。心欲言而口噤。注目直視。心忽如波瀾。顏急如潮湧。適余之痛處惱處。已不知何往。舜華指余曰。君醉矣。余半嚮乃曰。誠然。余醉于酒。余更醉于美。

人余是時無從贊舜華之美。余僅見舜華綴于襟上一翦好花。與嬌態相競爲最美。乃草草終宴。急携手登舜華美麗之馬車。舜華秋波斜睨。置纖手於余膝。臂上寶釧之花。與余視線相鬥。雖然。馭夫嘆：的一聲。只見車前兩頭栗色駿馬。直驅如龍。余覺是時一切思想已盡消滅。飲則戀愛之水。游則戀愛之土。謳則戀愛之歌。戀愛之外。不復有世界。徐徐舜華探時辰表示余。尙未三點鐘。而戲園則須四點開演。遂疾馳通衢以爲樂。瞥見市上車水馬龍。高處下瞰。游人蠢蠢如蛆。車行漸緩。遙見道左一巨大鮮菓店。羅列無量南歐珍品。驟來一藍縷老婦。抱顏色憔悴之飢兒。頻指店中菓品。手舞足蹈。扭老婦之衣襟而亂呼。然爲車輪馬足所錯雜。不能辨其語。惟見老婦含無量之酸辛。探囊中數銅片以賺兒吁！余雖耽快樂主義。余之眼底。恰含有無量滴之熱淚。余沉沉以思。覺社會不平等！社會不平等！！之聲。流露于口角。言未畢而舜華忽叩余膝曰。君速看柏卿納公爵夫人來矣。余聞言已將藍縷老婦之念頭劈去。遙見四頭亞刺伯馬。曳一輛耀眼幌車。前後馭夫。均着燕尾服。載金線輝耀之禮帽。借主人之威光。傍若無人。揮長鞭。馳馬如龍。車中坐一年望四十之盛

裝貴婦。傲然自得。伊何人斯。德意志最有權力的柏卿納公爵夫人也。嗚呼。此婦人有何理由。而若是之張威此婦人。有何理由。而天乃授之可以張威之特權。咄！彼蔑視道左之人。而道左之人。偏側足避道。余甯不雨。睡其面。凝思未竟。而貴婦人之馬車。已繞道右轉。馭夫長鞭揮處。忽掠及一勞働工人之面龐。呀的一聲。工人突倒於地。余心忽驚一跳。工人已忍痛勃起。追向馬車之前。緊握其轡疾呼曰。待！待！何處醜奴。亂暴傷人。馭夫怒叱曰。胡鬧！胡鬧！無禮！賤奴！此柏卿納公爵夫人之馬車。便軋死爾。爾敢何爲！退！退！休自尋禍。馭夫怒皆欲裂。烈火如焚。復揮長鞭打牛馬。向工人亂打。頃刻間工人身上的衣服。恰如蝴蝶一片一片飛開去。面上的鞭痕。青一條。紫一條。凸一塊。凹一塊。可憐馭夫只是打工人。只是死握馬轡。淒裂的狂喊。何過毆人！何過毆人貴的是人。賤的難道不是人。此時來往路人。均已住足。視線羣集于四頭馬車之上。公爵夫人。偏冷然不動。看着馭夫打的快活。時或橫眼下視。猶帶冷笑。市上雷動。咸稱不平。忽二三警察。佩刀跌踵。忽忽至。不問皂白。先對貴婦人恭敬行禮。叫一聲。開罪。就把工人一把揪開。工人愈怒。罵道。我同儕都是法國人。

個認認他是那裏人。只要看着勢利，就可以戕賊同胞。獻媚異種，壓警察也不待他說完。揪倒他在地。三腳兩腿，用皮靴足蹴了一頓。看看工人動也動不得了。再對貴婦人陪了笑臉，遂將工人怒氣沖天，不知扭向何處去矣。公爵夫人的馬車，復坦然輾出。馭夫更加趾高氣揚，長驅前向。余此時實切齒扼腕，直向車中立起大呼：無法貴族！無法馭夫！！無法警察！！舜華忽執余手曰：君何多事！君何多事！強權世界，講何法律？社會中惟富貴乃有權力，惟富貴乃享幸福。君且安坐，余聞是言，恍若冷水澆背。雖然，行不數武，余之馬車，忽若與巨石相撞。馭夫急呼危險！！危險！！又聞下等社會辱罵之聲，余急探首外視，知余之馬車，與荷物車相衝突。荷物車夫指余冷嘲熱罵，余大怒，欲奪馭夫之長鞭而毆之。舜華急抱余腕，呼曰：君責人野蠻者也。君何自爲余聞言，手若蘇，馬車已前行。遙望沿街莊嚴華廈，盡沉睡于夕陽影裏。雪白雷光，亦炯炯直起，余望車外，青年紅粉來往如雲，然終不敵余與舜華之愛情。余驕傲之欲，直熾于頂上。余思余早享富貴之幸福，余自負有才有名譽，又有絕世之美人，余仰天天美麗，余俯地地繁華，世界僅有快樂，世界焉有苦惱？不思不知。

余云何。余時置手于舜華之肩，驀地馬車已達與敦戲園之門。

小

說

甘爲游俠流離子

孺婦無顏長者憂

何不掃除公義盡

讓他富貴到心頭

愛之花



自由魂

美國威爾晤著
施塵譯

一。鐘。焚。然。夜。不。成。寐。爐。火。未。熄。披。衿。踞。案。閱。占。來。民。族。之。歷。史。考。其。進。化。之。階。級。其。間。始。經。幾。許。之。兵。爭。戰。危。互。相。殘。殺。互。相。吸。引。乃。迫。而。上。文。明。競。爭。之。舞。臺。約。言。之。終。不。外。愛。自。由。之。三。字。以。激。成。漫。天。捲。地。蹕。厲。無。前。之。急。劇。洎。夫。萬。丈。濤。頭。驟。焉。平。沒。則。又。晴。波。漾。盪。澄。碧。如。鏡。威。爾。晤。悄。然。長。思。追。憶。自。由。生。產。之。母。國。其。始。日。受。外。族。之。殘。酷。奄。然。待。斃。無。復。有。生。氣。忽。焉。有。一。二。烈。士。仁。人。青。年。少。女。於。含。垢。忍。辱。之。中。隱。謀。勝。算。奔。走。號。召。喚。起。衆。生。之。迷。夢。復。更。歷。幾。許。之。艱。辛。困。苦。及。能。脫。奴。隸。界。而。構。造。自。由。樂。土。若。今。之。共。和。自。由。國。者。乃。巍。然。矗。立。放。大。異。彩。光。耀。太。平。洋。大。西。洋。之。東。西。岸。後。人。之。歌。舞。而。稱。頌。者。咸。曰。自。由。主。義。獨。立。主。義。其。文。人。學。士。於。讀。史。懷。古。之。餘。則。又。舉。巨。擘。歸。功。於。世。界。第。一。民。主。華。盛。頓。其。人。威。爾。晤。復。悄。然。以。思。謂。華。盛。頓。一。人。而。可。以。概。其。全。功。則。吾。儕。當。一。千。七。百。五。十。餘。年。之。間。聚。千。萬。之。折。脛。斷。脛。流。無。量。之。肝。腦。熱。血。奔。走。無。數。之。壯。夫。烈。士。者。又。將。執。何。名。詞。而。代。表。之。乎。蓋。

自
由
魂

說

小

浙江潮第六期

華盛頓者自由之體魄也。度其始必有陶鑄其靈魂而鼓盪之者。發端甚微而其延蔓之所及者。用能植民族獨立之基礎。威爾遜乃長嘯以起奮袂而呼曰。世有崇拜自由者乎。其勿人人有華盛頓之思想而人人不可無共同組織一華盛頓之思想。讀者其疑于吾言乎。吾將舉吾共和獨立國自由發見之一段歷史。爲今之活潑少年愛國男子告。

黑雲如磐。迷漫空際。沈霾黯黯。演出幾許愁慘肅殺之景色。此非千七百年間之吾人所疾心痛首呻吟伏處于英人專制手段之時乎。而忽焉滄海日出。朝光熊熊。無量衆生從軼輓羈束之餘。一度光明眩耀。大千世界。嘻此何地也。即今吾美人所稱爲自由生產地而曩者受英人暴虐最深之包爾斯州是也。初英人以蠻野之手段。利此新闢之土地。日糜爛是處之人民而威壓之。舉凡一切條教律令。不得以施之於本國者。率逞之於此。而無少顧忌。州之北臨大河。曰藍色。自河而南。爲康脫鎮。英人以重兵扼此。河以北屬于包爾斯州。田野荒蕪。一望無際。農民三五聚族而居。其右則長街一人煙畧多。蓋州之市會所也。英軍又使其邏者日巡游于此街之兩端。

小

說

蓋恐人民梗化而爲駐防計。又嚴定等位。州人不得僑於英之齊民。其尤酷者。自布帛粟菽飲食男女。率有所限制。而無或敢越州人苦之。積久欲逞。終慮團體散漫。又乏大力者從而主持之。以是隱而未發。州之東鄉有獵者曰甫里佛。勇而健。負血氣素行不羈。以行獵故。屢爲英軍所侮。甫里佛之嘗語於衆曰。諸君。日處此黑暗地獄。而猶安然於人類耶。吾聞人之資格有三。曰言語。自由。動作。自由。財產。自由。缺此三者。殆一朽腐不完全之動物耳。今英人之所以虐我者深矣。舉吾人所謂生人之樂者。攫取殆盡。吾儕又呆若豕鹿。鞭箠一任諸人。鳥所往而不滅種絕族也。雖然。任諸君之降志辱身。我必有以報之。務使彼之所以待吾儕者。亦舉而加諸乎。彼其時道旁聽者。或作色興起。拍手讚歎。懦而無恥者。則掩耳疾走去。甫里佛益怒。盡襟英人種種殘酷狀。戟指西向。聲益厲。忽背後有人力。猝其項。揚右手所持棒。作猛擊勢。曰甫里佛。汝又發狂生事耶。繫汝去。謁英帥以正汝誣惑之罪。甫里佛驚且怒。疑心英軍之邏者。急奮左手返扼其喉。復超右臂還奪其棒。將痛擊之。其人力不支倒地。時則夜色蒼靄。新月初出。甫里佛凝視之。其人非英軍。蓋幼時同學友甫里佛所最相契。

之菲司噶也。大駭。急釋左手。扶之起。曰。噫。君胡恐我至是。豈君亦思假外人之威而自戕同類耶。言畢。復舉手指半灣。明月曰。賴有此耳。否則吾將以君代表英人而斃於吾手矣。菲司噶汝今憊否。曰。誠憊甚。吾願我之好友甫里佛扶我至淺草平蕪處。將以臍肝訴君。乃相偕行不數武。拂地爲禱。菲司噶乃徐語曰。吾適從葎塞魯來。言至此。甫遽躍起曰。止。止。君慎勿言及。吾向者聆其言論。頗亦心折。其爲人曩昔之夜。吾赴彼家。道英人虐我太甚。君多才。將何以處之。抑任我儕之自生自滅也。彼注視吾久。歎曰。惹大包爾斯州。而僅有甫里佛一人乎。言迄意暇甚。吾再叩之。彼曰。君不聞蘇格臘底有言乎。慮事之法。緩如鐘擺。而急如銃丸。言畢。舉擺倫之詩示吾。曰。聲調佳否。吾摔之於地。拂衣逕出。嗟乎。菲司噶。吾是以知葎之爲人矣。噶曰。君母然。玆吾晤葎塞魯。彼亦甚感君之氣節。重述君言。相與歎息。雖然。彼才略智識。實有遠過人處。非伏處櫪下者。良以慮事不密。將爲人所持。今者英人耳目遍布於此。吾事未有所成。而日聒之使彼有所準備。此不足以謀大事者也。吾人處於今日。其最重要者。將激勵吾民之精神。使知合羣之義。而喚起其自奮自衛之心。然後得徐謀。

抵拒之方策。吾雖其說行。將以語君。適經此。見君攘臂疾呼狀。吾自旁窺之。聞者皆大感動。吾深喜之。然又慮爲邏者所聞。則彼將先發以制我。亦將大不利于君。故吾作虛聲以止君。非有他意。噫。甫里佛。吾終願君善保此身。以爲他日用也。甫默思良久。曰。君言誠當。然士各有志。各行其是。但求大宗旨不背。毋相強也。我天性躁急。處不自由之地。枯窘欲死。一遇不如意事。又髮指眦欲強。如君言不能也。嗟乎。菲司噶。吾終不願他人之奴。我甚言已逕行。非自其後。睨之曰。好男子。好男子。此奴界之曉鐘也。言迄。亦取徑返于家。時則月色皎潔。霜華滿地。仰視星斗。約畧可辨。遙望隔河營壘。燈火三兩。軍歌嘹唳。驕馬怒嘶。非司噶嗟歎不已。竊念一河之隔。而苦樂之相去若此。嘻。人壽幾何。傷心孔多。安得籲彼上蒼。使包爾斯之人。而胥若甫里佛也。既抵家。遙望小樓。燈光閃閃。度必有客。久候。急掣電鐘。一小僮出應門。問以樓中何人。胡燈光禁然也。曰。頃者約瑟蘿姑娘來訪。適于樓上作字而去。急登樓。則案上一紙書。墨痕瀟然。其書曰。

明日將有旅行不獲一晤君。予心終不安。其以翌晨九時過我。爲一握手送。

別之禮。

菲司噶君

約瑟蘿

讀者苟欲知約瑟蘿之爲人。則一翻弱女子容貌。絕一世者也。彼爲牧師之女。父慕愛之。少長以琴曲擅一時。女又秀中慧外。善機變。不以才色露。與菲司噶塞魯友善。有所議論。以葦塞魯之天才雄辯家。時或下之。讀者試一掩卷思之。當亦如見其爲人矣。菲司噶既得書。終夜輾轉不復成寐。思約瑟之爲人。有內心能圖大事。殆所謂艷如桃李。而婉若游龍者。今驟有遠行。度必非無故。不可不一探之。晨光微曦。急攬衣起。僮子以市會議事期單進。西例凡有關於一市之公議。必投單訂日期。菲以才望爲市會參議。故及之。菲取閱則上書晚七時集市會議。地方事宜云云。邇時包斯州之人。悉受轄制於英人。無決事權。議成。上之英官而聽其裁判。故曰議事。蓋其界限至狹也。菲司噶正百感交觸間。睹此益覺無聊。少閱即置案上。自語曰。瑣事耳。而強聒人不休何爲者。時僮子正於窗下沸牛乳。供晨餐。聞菲言遽起曰。菲司噶。汝無爾英人虐我甚君日聯絡同人以爲異日抵抗計。尙且不遑。烏得以瑣事忽

期六第潮江浙

小

說

之吾願。主人菲司噶堅持此心。勿折銳氣。流爲厭世派也。菲司噶驟聞此。覺有無限之感情。全湧胸中。遽起執僮手曰。吾錯。吾大錯。吾願我親愛之小友。日夕以此提撕我。則彼蒼必錫祐於汝也。噫。天而不欲永久沈淪。包爾斯州之人類耶。吾將爲青年之前途頌矣。餐畢。整衣起。取道之約瑟蘿家。既至。則院落鳥聲。籬邊花影。一草一木。位置井然。庭有隙地。細草平蕪。綿碧無際。蓋不問而知此中主人必風雅多才思者。約瑟蘿少喪父母。依其寡孀以居。初孀之夫曰亞刺者。爲英人執役。司銀行會計之業。能得英人歡。以故薄有資產。既歿。英人有追念其執役之功者。稍優待之。視尋常人有加。以故約瑟起居動作。較勝他人。菲司噶既入門。沿草徑至客室。瞥見一逕寸紙書。粘於壁間。上言約瑟蘿以今晨八時出游。書此以呈枉訪者。非讀之其懊喪。思約瑟昨約以九時。今來時未差累黍。何彼失約至此。將返身。忽隔籬人語曰。菲司噶。其勿返。少頃則約瑟蘿啓書室門出。衣淺絳色衣。容光艷麗。笑謂菲司噶曰。君疑我已啓行耶。曰然。誠不解約瑟姑娘書寸紙於客室也。曰吾惟以待君故。不欲以秘密事稍露痕迹。故書以當逐客令耳。菲曰約瑟蘿將何往。曰將渡籃色河之康脫鎮。以

自由魂

七

偵察英軍動靜。菲曰：卿隻身行乎？曰：然。菲曰：冒險誠佳，雖然卿亦當善自爲謀。曰：然。曩者吾偕敘嬌僑居於彼，頗謔彼都人。吾詭言至禮桑大禮拜堂爲吾嬌祈福也者，彼必吾信。且英人藐我，甚謂女子受制于男子，而男子復爲英人之奴，是女人不啻奴隸中之奴隸。彼誠不料媚媚者多挾所求而來也。夫英人日日偵探吾人之內情，以歸告於其師，故彼得以操縱我吾人之憚，而不敢抗彼者，以味於外情動多猶疑，故對外力亦甚薄弱。吾思有所補救於一二，以爲吾前途一線之光明也。菲司囑曰：君意極可感，吾將更一質約瑟，以一弱女子隻身獨往，則報知消息，任傳遞之責者，爲阿誰也？曰：誠然，吾未思及此。菲曰：我欲以弱齡之童子伴君，可乎？曰：幼稚兒恐敗吾事。菲曰：否。吾固自信與君有所裨益，蓋即吾家之斯梯文也。約瑟蘿喜曰：其即彼乎？吾昨往君家，見彼執小旗，部署隣兒作狙擊狀，非尋常兒也。君速歸可召之來。姑爲姊弟行。英人必不疑，吾行色已布置定，專候彼來言迄，對鏡整衣，謂菲曰：吾衣飾若何？曰：絕華麗，殆似倫敦西市之貴婦人。雖然，卿得勿嫌眩人眼乎？曰：否。反身就靴革中取教婦衣一襲，示菲曰：吾若至康脫決不衣艷服。今將由甫黎市而渡河，吾

祥爲巴黎女人之游于彼者，蓋所以防人疑也。已而案頭鐘報時十二下。約瑟蘿曰：君未午餐耶？曷共食。菲曰：吾連日胸中作惡，若骨鯁在喉，方欲吐之，適言食也。吾去矣。行將使斯梯文來偕君，臨別無以爲贈，唯祝君爲吾人謀多數之幸福。約瑟亦取冠中花爲贈曰：吾無多囑雅，願君爲吾謀前途者有如此，花可爲則爲之勿待其色香枯瘁而始後悔也。菲司囑本多情者，睹此形狀，頓觸離別之感，忽遙聞隔河午砲聲轟然（軍營例鳴砲報時），心忤然躍起，道聲珍重，邁步遂出行里許。忽左側山坡有人貿然來，手携獵銃，左面血涔涔然，似負傷者，且行且誓曰：吾誓必殺盡三島奴。菲視之，則甫里佛也。思欲前迎之，又恐倉卒間當彼盛怒之下，或又遭昨晚之惡劇，不如稍避其鋒，乃抄後徑遙呼之。甫里佛急返身見菲，招手曰：菲司囑來，吾語汝。菲左右顧曰：此非談話所，乃相偕之樹蔭下。伴問曰：甫里佛，汝又與阿誰嘔氣耶？甫里佛曰：菲司囑爲禽獸行，與同類自訐者耶？晨者家無羞味以供吾母，擬獵獲一二以供午餐，方出門一發銃而獲三鵓，吾方深自喜，忽英奴三人聞聲來攔路索吾所獵物，且曰：賤奴，此非汝獵所也。吾怒叱之，彼遽前掠我物，吾奮一攔掌，則倒其一。

其二出短刃刺我。幸吾善閃避。不爲彼刺死。思以獵銃擊殺之。然彼無銃。我以彼所無者勝彼。不武。又重憶君昨宵一夕話。故稍讓之。然其一人既受我重創矣。言畢。汗涔然如釜上氣。扯衷衣拭臉上血。猶流未止也。菲司噶起握甫手曰。君慮事有百尺之進步矣。設其人爲君銃殺。則事殆不可收拾。雖然。度英軍返告其師。恐有嚴令以制我儕。甫遽躍曰。吾願以一身當之。菲曰。吾不欲君一人獨爲英雄也。吾儕今處此酷威之下。有朝不保夕之勢。吾將謀大舉以雪此辱。甫又躍起。舉雙手曰。贊成菲司噶睹此狀。不禁失笑。挽之坐曰。此若何事。豈君一人之所能爲力耶。此必須號召團體。鼓倡公憤。而力量乃充足。吾將偕君謀之。葦塞魯彼深謀而多智。必能擅操縱之妙。君慎勿輕之。言已。以手指左傍路曰。君先行。吾從小徑至家勾當一二事。當疾尾君來。又君所携銃及獵具。幸交我藏之家。否。又恐惹人疑也。甫諾之。乃分道行。甫于途中拾敗葉拭臉上血。及拂去衣袖泥穢。自思今日痛毆英奴。實生平一大快事。他日若能符菲之所言。大起獨立軍。則我將執快鎗。馳怒馬。衝鋒盪決。殺盡英奴。而後爲快。沿途涉想。覺有無限之幸福。交索于胸。喜極作歌。其歌曰。

青年兮青年。前途無限之美。景兮橫。巨于吾之目前。吾將隻手掃。濫氣霧以照耀我自由之光輝兮。吾何爲含垢忍辱而流連。

歌畢。仰天長嘯。其聲雄而肆。將至葦塞魯家。遙見菲司噶自後邁步來。乃貯以待之。菲司噶曰。君何樂之甚。甫曰。吾前途負莫大之希望。故不暇憂。而喜也。菲司噶自由殆如物品。吾誠投價值以求之。必能符我所欲者。世之人當憂而不憂。則其喜者可知矣。當樂而忘樂。則其憂者可知矣。菲點首太息。既抵葦塞魯家。相偕入室。則葦高踞書案。手勃蘭提酒。狀若有所思。見二人至。傲不爲禮。揮手命之坐。菲曰。葦塞魯。汝暇甚。曰。誠暇言已。舉杯將飲。甫觀之。怒不可遏。遽起曰。此汝飲酒逍遙時耶。捧其杯酒。瀉地作殷紅色。烈燄上騰。葦塞魯徐捺甫坐。歎曰。吾非涼血物。無同類感情者。吾正計畫欲使吾儕抱公憤。有如此酒。則事濟矣。夫人心猶水。然大刺激則大動。小刺激則小動。吾默計是州之人蠢然伏處。已歷年所。日奉行外種外族之野蠻法律。而戴之。猶若帝天。蓋其心已死絕。是非大刺激之。則不能萬衆一致。亦非有觸動其平日之感情。斷不能併而一發。吾日來微行於村鄉田舍間。察其人之程度而進以適。

當之演講頗有爲吾所動以今視昔殆若初春草木微有生氣然吾又焦思深慮若不得一大聲疾呼之法今者約瑟蘿又有康脫之行吾度彼去必能有裨吾儕然子然一身誰歟爲助吾以是重有慮也菲司噶乃告以今晨事律聞之有喜色語次菲司噶又以甫里佛事告律塞魯拍案長歎曰英奴無狀至此真不可一日居矣然彼受甫里佛之創歸告其師度必有嚴令然吾甚願彼下一至殘酷無人理之法制吾輩乘此而鼓導之則自由靈魂發生之日不遠矣菲司噶曰今晚將有市會吾三人盍偕往并以甫里佛所遇事報告市民君從旁推闡其利害而激動之或能吸引其自衛心乎律曰善乃相偕行將至市會所遙聞人聲雜選不似平昔之甯靜瞥見馬蹄揚塵英軍五騎衣紅色衣揚鞭按轡自西而去律塞魯心知有異陰戒甫里佛勿遽決裂相機而行既至市會所則市民三五刺刺相語又者怨歎憤怒之色顯於眉睫間市長以英師解散市會文示律塞魯三人左右顧而言曰律塞魯好自爲謀律點首會意取其文讀之曰

予以包爾斯之人民頑梗不化不應有市會之權利其以今晚始一例解散靜

俟三日更頒令旨爾人民其勿違

小

說

律塞魯讀竟憤激不可遏既又思此條告僅在停止市會度三日後之令旨必更十倍悖謬於此者不若俟諸三日然後施大破壞手段先於此時以危言激勵衆心乃不致事起倉猝而人心亦庶幾堅固乃拾級登會所之中央長太息而言曰

予誠不解諸君讀英師之條告胡爲不平之色現于眉睫若此嗟乎諸君亦知吾儕所處者爲何如之地位乎蓋吾人實受統轄節制于英人之下者也吾人既生而願爲英人之指揮統制則彼削我自由權利吾人當俯首聽命不得有所腹誹


律塞魯語至此衆有攘臂疾呼者曰止止曩吾等常聞律塞魯與菲司噶言人各有天賦之權利今若此吾輩不復能爲君解速止汝所說律塞魯知衆志已堅心喜無限復太息言曰

吾更有所貢獻于諸君之前倘願一聞之乎諸君曰處此不自由之地位而欲保其天賦權利其勿尤人之酷我必投相等之價值以購得之不然則長此受

制于人而已。今者英師僅布一停止市會之文耳。吾人試冥想三日內之命令。其更有過于此者當何如也。諸君各有財產家室父子兄弟願歸而謀之。各出適當之價值以沽取未來之樂利。對付日後之酷令。某不敏雖有血如雨有肉如糜亦當含笑執鞭以追隨諸君後。

律塞魯語未止。忽菲司噶自後攬其袂。回視之。則英軍邏者三人。執鎗佩劍。貿然來。曰。咄。汝等曉曉不休。豈欲抗吾師之命耶。速散去。否則將以鎗擊汝。菲司噶恐驟生變。乃宣言曰。今日非諸君有為時也。宜速散。予不暇多述。諸叔伯兄弟當能一諒。吾言衆皆曰諾。乃相率偕出。

(未完)



調查會稿

處州青田縣調查稿

●官場之種種活劇

知府 曰趙亮熙爲趙舒翹之同族。而頑錮較甚。蒞括(處郡別名)前後踰十載。當戊戌變法廢八股命下。趙拍案罵曰。『賊臣誤國。妄更祖制。孔教既滅。中國必亡。』彼蓋向認八股爲孔教。故云。凡府試及書院試題。類多譏諷之語。如『天之將喪斯文也』。『非天子不制度』。『致遠恐泥』。『吾聞用夏變夷者。未聞變於夷者也』。『述而不作。信而好古』之類。會命『通商惠工』。題即戒士勿入時事。偶涉一二語。即屏斥勿閱。以爲污眼。新政既翻。西后垂簾。大喜曰。『中國庶有步乎此固太后之神聖端榮之老謀亦祖宗在天呵護之靈也』。及庚子變法命下。則向之所以

罵維新志士者轉而罵軍機罵太后以爲『地可割款可償而法必不可變抑何因噎廢食變其宗旨而蹈戊戌之覆轍乃爾』故詔開學堂置若不聞及詔再下不得已將舊有運池書院易名崇正學堂（所謂崇正學堂者不過見諸章奏其實無此事也）取杭垣各書院前列卷命諸生傳抄以抄數多寡驗勤惰即以定名次高下一切膏火獎賞皆仍舊數而聲言提款創辦學堂騷擾徧十縣更掠富戶以益之前學使徐公致祥視學栢郡捐數千金并助書數百種而趙則沒金束書今爲胥吏盜賣且盡士人欲訴于徐適死乃止。

栢之人有欲入學堂者必止之謂『烏用鬼服鬼冠鬼言鬼行爲』（彼認學堂爲洋人所創設故云）或隽鄉闈則迎于十里外又召十邑縣令宴之故栢人非具有雖無文王猶興之定力必不能遊學云至其狂妄之舉尤不忍言請舉一二于下。

人有以其犬被殺訟者趙勒令殺者厚爲治喪且令建龕口佛事以度之某紳士爲趙所善紳死趙奔訴城隍令還其鬼不應遂毀其本主以去

其他創淫祠禮非類更不必言其聽訟時先將兩造箠楚乃始下判其所判或出臆斷或相其容貌不審詞訟之是非不憑紳士之證佐堂諭既下有忤之者即痛加鞭撻律凡諸生未經礪革者例不得杖臀趙則敢於背律或自踢以足其毒刑有『天燈架』『翻魚白』諸名因之致死者無算松陽廩貢生葉某縉雲監生某青田童生某皆爲趙刑死者葉家屬曾控之于省吏趙賁緣得免凡此皆確實可據

無一言一字之虛妄者也。

知縣以下皆屬青田

彭循堯係趙守調署勤于催科在職未滿一年獄爲之滿惟性尚溫和

不久當卸任去。

教諭

傅佐清行同市儈人稱爲傅老師蓋傅與傅相似傳與拳同音土音稱司匠

曰老司呼爲傅老司猶稱爲拳老司也。

訓導

沈祖榮披貢新莅事現擬爲縣學堂教習專教策論。

典史

成士昌庸碌無能。

哨官

李茂青辛丑歲由温州調駐青田尙好兵數一百內外多係湘人所習皆老

期六第潮江浙

操法。

▲青田學堂書院義塾之大概

學堂 二月方始工落成須在秋間擬收附生十名童生二十名每月唯試策論無他學科除獎賞外月給膏火洋一圓

書院 凡六處詳列于下

正誼書院在邑城今圯有田租三頃五十八畝今擬撥充縣學堂費

鶴臯書院在城東南里許有田租數頃今擬撥充縣學堂費

鵬嶺書院在六上都鵬嶺歲有田租八十二石

振文書院在十七都葉村有租八十石

鶴山書院在十四都海西庄有田租三十八石

石門書院田租無明劉基讀書處

義塾 凡五處詳列于下

鹽局義塾在城內歲捐三十緡

貨局義塾在城內歲捐三十緡

芝溪義塾在十三都有租三十石

步雲義塾在十六都有田租五十餘石

南田義塾在南田有租數十石

▲青田之煙館

約六七十家賣膏者四五家餘皆賣漿每日出貨值四五金者約二十餘家餘則值四五百錢而已

▲青田之妓寮

妓寮向未經見間有土娼亦少

▲青田之游學人數

江南陸師學堂已畢業者十八人未畢業者六人
安徽武備學堂已畢業者五人未畢業者一人未入堂者一人
湖北武備學堂已畢業者一人

調查會稿

期六第潮江浙

杭州大學堂未畢業者三人
蠶學館未畢業者一人未入堂者三人

▲青田之風俗

俗尚簡樸。質而不文。衣用大布。飲食不貴異物。凡賓主相見。無寒暄語。拜謁之禮罕焉。

子弟七歲就小學。貧士半耕半讀。

人情重去其鄉。賤逐末。食祿素封之家。不買女奴。即有養女。必善遣嫁。

人尚氣節。性剛勁。喜鬪。近則鬪風益甚。

婦女尚貞節。罕出游冶。不喜裝飾。貧家除新嫁七日外。未嘗傅粉。豪家之婦。傅粉亦不過數年。

俗敬事鬼神。有受獻大廷。飾詞不供者。令誓於神。則大懼。俗人遠出。必請香火而後行。近亦漸革舊俗。

▲青田之田產交易法

凡田產交易之例三列說如下。

一田骨 賣時即交田者。

一正租 賣時不交田。每年納買主租穀若干。至欠租時。乃交田焉。

一佃皮 則已賣正租之後。而再賣佃租者也。

右三者皆賣而不斷者也。嗣後可備原價取贖。雖至子孫數十世亦可贖取。賣後有找。謂原價尙輕找足其價之意。找後有斷。斷後則不能取贖。斷後有借以佃皮故。往往一田有兩賣至三賣者。爭訟滋多。實由于此。

▲青田之土產

植物產表一

穀類

蔬類

果類

木類

花類

藥材類

稻

慈俗名
白菜

李

松土人呼
爲薪

菊

黃精

麥

芥

梅

柏

蓮

金銀花

胡麻

莧

杏

杉

山茶

枳椇子

調查會稿

七

調查會稿

蜀黍

番薯即山芋以爲糧

桃

桑

茉莉

黃連

玉蜀黍俗名包羅

葱

枇杷

楓

木樨

薄荷

黃粟

韭

蘋果一名林檎

桐

雞冠

艾

白豆

薤

楊梅

貓竹

夏枯草

蘇

綠豆

蒜

梨

石竹

雪裏開

牛膝

蠶豆

蒿苳

柿

苦竹

牛蒡子

淡竹葉

豌豆

苦蕒

栗柿栗二物水南庄人皆倚之以爲生活

慈竹

車前

葛

花麥

芋

荳

金竹

穀精草

天花粉

茄

冬瓜

著蓬

蘿蔔

土茯苓

冬瓜

著蓬

蘿蔔

冬瓜

著蓬

蘿蔔

冬瓜

著蓬

蘿蔔

冬瓜

著蓬

南瓜俗名金瓜

胡瓜一名黃瓜

絲瓜一名天羅瓜

八稜瓜

苦瓜

蒲瓜

木通

龍膽

澤蘭

菖蒲

石斛

地錦

常山

百合

稿會查調

動物產表二附製造貨類礦質類

畜類

獸類

魚類

鳥類

製造貨類

礦質類

羊

貓

鯽

鷺

菜油

九

野豬

鯽

鷺

柏油

尚未知名青邑產礦甚多有名

調查會稿

豕
畜之

雞 鴨 鵝 貓

狸

狐

豺

狼

兔

水獺

山羊

猴

鯢

田魚

鰱

鱖

鮎

蟹

鼈

龜

鼃

青翠

雉

雀

燕

斑鳩

布穀

鶯

烏鴉

鵲

子規

鷹

鷗

書眉

茶油

桐油

鐵竹紙

圖書石

斑鳩

布穀

鶯

烏鴉

鵲

子規

鷹

鷗

書眉

銀坑地方者其

鑛苗露出地面

稍一淘汰即如

銀沙

此物通商

以後每年

輸出歐美

之值以數

萬計

龍鬚席土人

皆用

靛青

龍鬚席土人

皆用

靛青

龍鬚席土人

皆用

靛青

龍鬚席土人

皆用

靛青

龍鬚席土人

皆用

靛青

龍鬚席土人

皆用

靛青

龍鬚席土人

皆用

靛青

稿 會 查 調

▲青田歷史上之人物

宋元

潘翼

陳葵

王夢松

余學古

鄭汝諧

上五人皆以理學著

明

劉基

林融

劉璟

上三人皆以政才著

清

蔣存誠

余經國

朱筠

鄭克己

上四人皆以文學著

今人

包瑜

王一中

韓錫胙

端木國瑚


上四人皆以政才著

附今人章楷略傳

楷少習新學。自哲藝天算與地諸學以下。無不通曉。當江鄂開設學堂時。令門下士往就學。無財則資之以行。邑有土豪曰陳麟書。字玉峰。沒入書院積穀。及地方公款。其辦學堂。以章正直故。趣之不使聞。章善文章。字式典。今年六十有一。



期六第潮江浙




附

錄

新名詞釋義 (續第
二期)

帝國主義 Imperialism

斟
癸

世界入二十世紀。劈頭一大問題。新聞雜誌。筆鋒相抵。演其義。逞其說。兒童走卒。挾爲談助。而奔走相告。以爲寒暄語。斯爲何曰。帝國主義。是也。帝國主義者。二十世紀民族競爭之大主義也。帝國主義者。二十世紀歷史之總骨幹也。故生于二十世紀。而不知帝國主義者。雖其人存。即謂其死可也。

人莫不謂俄羅斯。暴雖然。彼之暴正。所以行其帝國主義之手段也。若近日彼之以滿州條約相強者。我國人莫不髮指。斥其無理。然自俄人視之。則固正堂堂之政。策弱肉強食。公理應然。無可容避者也。試觀德之于山東。英之于長江。法之于兩廣。

新名詞釋義

期六第潮江浙

雲南。日之于福建。其所施之手段各不同。然細剖其主義。則與俄之于滿州。果何所異。乃人不責彼數國而徒以俄爲咎者。是雖昧于微而驚于顯。然決其總因。則得一言以蔽之。曰不知二十世紀之帝國主義。

帝國主義果何物哉。就學者政治家所述。則人異說。家殊論。然舉其要。則有三解。第一解。帝國主義者併吞主義也。即強併弱。大兼小之謂也。中古羅馬帝國所行之主義。足代表之。

第二解。帝國主義者國家主義也。即強大國家之權力擴張。國民之威勢升高。國民之品位是也。

第三解。則謂帝國主義有二種。

甲。侵略的帝國主義。

乙。倫理的帝國主義。

侵略的帝國主義者。以侵略他國版圖。增益己國領土爲務。其主義蓋欲以強大之兵力。征服萬國。統一宇內。舉天下而爲單一之國家。 Simple State 者也。

Moral
Velfall

附

錄

倫理的帝國主義者。名正言順。以爲道德上應如是。義理上應如是。事勢上應如是。若野蠻之土未開之域。及政府蠻陋。不能盡其發達之責任者。則得占領之。隣接弱國不能永久保持。其獨立將爲他強國所併吞。而危險將及己國者。得施種種之手段。方法以併有其國土。統治其人民。是實合于真理。順乎人情。而世人亦舉不以爲非者也。

斯三解者。莫不言之成理。持之有說。然三解外。更有一最適當最正確之解。則民族帝國主義是也。

民族帝國主義者。何團結同一民族。組織同一國家之謂也。更進言之。則吸收本族同化異族。使成一大國家是也。今世界列強。莫不持此主義。循此軌轍者。蓋有二因。甲。自人口之日增也。感土地之狹隘。殖民地之必要。于是以獎勵移民。建設殖民地爲急務。

乙。自國產物富源有限。以經濟上之理由。不得不爭拓世界富源。未開地。而事開拓。故凡富源所在。莫不爭先蠶食。

浙 江 潮 第 六 期

以是二因。列強莫不盛唱帝國主義。而着着實行之。若英國之合併濠洲。征服南阿。俄國之經營西比利亞及中央亞細亞。德國之占領膠州灣。美國之併吞布哇。占領非律賓。莫不發動于帝國主義者也。

凡一國之方針。須對一國之趨勢。而設世界之方針。須對世界之趨勢。而定帝國主義者。實近今對于世界趨勢。而不得不然者也。德國歷史大家蘭克與得開嘗曰。

世界文明各國。日苦人口之繁殖。又感領土之狹隘。故凡富源所在。雖在僻陋。亦事開拓。蓋開拓者。世界人類一般之公利也。若以自然之富源。肥腴之土地。委之野陋。未開無能者之手。而文明人不代爲之謀。是實大背人道。徒妨碍文明之進步而已。蓋有能力之人。類實持開拓之權利。當開拓之責任。彼劣等人類。種者若不服從。優等人種。則非消滅之不可。蓋彼等實具消滅之運命。不過漸時現世爲文明人之器械而已。須知文明人對野蠻人。實具訓導殺罰之權。而此爲其特受之天職也。

蘭克與得開所言。固不論其是非。若何。然徵之最近數十年來之歷史。則所稱爲文

明國若歐美列強者。Great Powers 其政治家外交家。固莫不奉此爲圭臬而實行之者也。

孟魯主義 Monroe-doctrine

一千八百二十三年。合衆國第五任大總統孟魯宣布一教書 Message 于合衆國議會。Congress 是即今所稱之孟魯主義也。挾其所宣言之主義。則有二。

- (一) 一千八百二十三年以前。歐洲列國在新世界所占之殖民地及領土。合衆國對之。從不干涉。今後亦仍守局外決不干涉。
- (二) 自後合衆國及南北亞美利加大陸中。已公認爲自由獨立之國。決不許歐人干涉。并將來南北亞美利加大陸。歐人不得復設殖民地。若背此二者。合衆國必以敵意視之。

爾後合衆國固守此義。以對歐洲列強。因名曰孟魯主義云。

數年來。美人大逞其飛揚之手段。一舉而併布哇。再舉而敗西班牙。占古巴。取非律賓。人皆以美國漸取膨脹主義。而拋棄其從來之孟魯主義也。是實不然。蓋美國之

期六第潮江浙

所以取膨脹主義者正所以固守其孟魯主義也孟魯主義不云乎自後南北亞美利加決不許歐洲列國干涉然欲防之于永遠而實踐其言則勢非握太平洋大西洋面之海權不可故併布哇領古巴占非律賓是皆為孟魯主義自然之結果故以孟魯主義為帝國主義之別名也亦無不宜

孟魯主義所排拒之殖民僅指政治殖民政治殖民者自表面上觀之則仍自由殖民實則已將其居留地已合併于本國者之謂也而今則并及自由殖民自由殖民者以經濟上之關係而移住之殖民也故人謂美國欲敷衍此主義以雄飛世界洵不誣也

W. Leiden



W. Leiden
nach dem
Landen

實在

震旦學院章程

宗旨

一本院以廣延通儒培成譯才為宗旨

功課

一拉丁為任讀何國文指英法德意之階梯議定急就辦法限一年畢業首年讀拉丁文次年讀任一國文以能譯拉丁及及任一國之種種文學

書為度

一先依法國哲學大家卡兒 René Descartes 之教授法以國語都講隨授隨譯譯成即可為他大學校課本

一本學院既廣延通儒治泰西士大夫之學其肄業之書非名家著作 Classical authors 不授一課程遵泰西國學功令分文學 Literature 質學 (即科學) Science 兩科

(甲)文學

正課

一古文 Dead language 如希臘拉丁文字 本學院先以拉丁為正課力能旁及者可兼習希臘文字
二今文 Living language 如英吉利德意志佛蘭西意大利文字

三哲學

倫理學 Logic
形而上學 Metaphysic
心理學 Psychology

歷史 History

附課

輿地 Geography
政治 Politics
社會 { Sociology
財政 { Economics
公法 { International law

正課

物理學 Natural Philosophy
化學 Chemistry
算學 { arithmetica
代數 { algebra
幾何 { geometry
三角 { trigonometry

(乙)質學

附課

- 動物學 Zoology.
- 植物學 Botany.
- 地質學 Geology.
- 農圃學 Agriculture and Horticulture.
- 衛生學 Hygiene.
- 簿記學 Book keeping.
- 圖繪 Drawing.
- 樂歌 Singing.
- 體操 Gymnastic.

Descriptive Geometry.
Mechanics.
Astronomy.

一按日上午二小時下午二小時為授課時刻二小時授正課一小時授附課 通計二年除星期外共六百日共二千四百小時首一千二百小時為授拉丁文時刻次一千二百小時為授任一國功課預算表一 (拉丁) 第一年

文時刻除授課時刻外每日四小時為獨修時刻二年共四千八百小時為肄業時刻 功課預算列表如下

學序	一日		一週		一年	
	上午	下午	師授	自修	師授	自修
正課	授	授	授	授	授	授
正課	授	授	授	授	授	授
附課	授	授	授	授	授	授

識字 word getting	造句 Sentence Making	行文 Grammar	論理學 Logic	體操	詩歌	音樂	演說 問難 析疑	閱書	閒散	安息
首六月	次四月	又次二月								
二	二	二	二	二	二	二	二	二	二	八
一	一	一	一	一	一	一	一	一	一	五
二	二	二	二	二	二	二	二	二	二	六
二四	二四	二四	二四	二	二	二	二	二	二	五六
六〇〇	四〇〇	二〇〇	二〇〇	八〇	八〇	八〇	六〇〇	六〇〇	六〇〇	二八〇〇

學序							
識字	首四月	二	二	二	二	二四	四〇〇
造句	次四月	二	二	二	二	二四	四〇〇
行文	修辭學	二	二	二	二	二四	四〇〇
學譯哲學書	二月	二	二	二	二	二四	二〇〇
學譯政治書	二月	二	二	二	二	二四	二〇〇
餘課如前表							

一 本學院所授功課限二年卒業者單就文學論也
至於質學非二年內所能異事 有志精進者
得於二年外延長肄業時刻本學院可 特別教授
卒業期限亦以二年

一本學院總教習爲馬相伯先生精希臘拉丁英法意文字會奏派游歷歐美各國一切功課均由馬君鑒定

場所

一本學院設在上海徐家匯房字廠裏大適宜於衛

生花園操場演說廳均極寬豁

辦法

一入院肄業者分爲普通特別兩科

業
甲 普通科銀百兩爲一率捐一率者即可入院肄業
有力者可任捐十率或百率以贊成莫大教育事

乙 特別科無力而有學問不能歲捐銀一率者可以其著作介紹一通人代遞并言明其精於何種學科入院試讀一月其學行經本院幹事三人認可即得免送捐金住院肄業卒業後在本院所辦譯社內充譯員二年 仍得稿值五成之權利

一捐銀分兩期繳清 正月繳銀五十兩六月繳銀五十兩都凡百兩統交本學院簿記所收領給收單爲爲憑

一試讀一月後雖有捐金而其學問不及譯書程度或資性太鈍者隨時由敎習謝退計月取房膳銀十兩餘金發還

一走讀者歲捐銀半率

一拉丁教習一人英法俄德教習各一人總幹事一人分幹事五人學生十人置執役一名

一除用款外儲贏爲開辦譯社學會及獎勵一切公共利益之用

一本院院暫以三十人爲額逾三十人添聘教習分授
一本學院於光緒癸卯年（西歷一千九百零三年）正月
開辦的確開學日期登報聲明
自治規則

一來學者皆學行兼優全遵照學章外於公德上各有自行防檢之責任

一另定學規細章自總幹事起一致遵守各不得任意破壞

每週第六日下午開演說會有 防礙於生理及
學問者隨時陳說 以便擇善改良
一學業以專致爲要其他營業及作輟不上課由本學院
教習辭退或自行告退者捐金不發還

發起人瑞安項驤謹議



杭州旅行招待社簡章

杭州爲東南一大都會重以西湖山水甲天下故提劍負囊來旅行者趾相錯也然無清潔之旅館無相識之地主人地生疎者殊苦之斯社之設冀爲旅人謀便利於萬一更望各省各府各縣聞風踵起聯合一氣令隨地皆有賓至如歸之樂其於社會交通或不無補裨歟例如下

一 本社對於各級社會不能概盡招待之義務限於左方所記之各類

甲 外國留學生
乙 官私學校之職員及學生
丙 學會職員及會員
丁 報館館主及職員

一 本社開辦伊始暫設於杭州萬安橋西白話報館內俟經費稍裕再議另賃房屋
一 本社不取房金膳資自理少數人住宿不上一週者其御膳仍由本社供給之
一 本社備牀鋪不備被褥
一 供給茶水油火餘歸自理
一 本社有專誠招待員如閱視學堂遊覽名勝購置品物招待員皆能盡追陪引導之責

一 車馬費及途中酒食費旅人自理招待員用費由本社開支

一 旅友與旅人個人之交際其費用與本社無涉

一 旅人欲住西湖本社可爲代謀房屋膳宿料均由旅人自理

一 本社承認招待之旅人外國留學生須有日本東京浙江同鄉會之紹介書學堂學會會館須有事務所蓋有印章之紹介書或有與本社旅友相識之人之紹介書否則幸恕辭謝

一 吸食鴉片者概行謝絕如私自吸食經本社察出立即驅逐

一 本社經營方始筆路藍縷尙待擴充現以經費支絀致不能一切周備簡褻之處惟祈諒之

癸卯閏五月杭州旅行招待社同人公擬

看！看！！看！！史界中第一善本出現

德國布列氏原著 特社譯補

世界通史

上製全一冊定價二圓四角
洋裝全一冊定價二圓四角

並製上下二冊 上冊定價一圓二角
洋裝上下二冊 下冊定價一圓

原書都三十萬言在德國出版後重印十餘版美人維廉英譯重六版日本和田萬吉和譯重七版東西洋高等學校用爲教科書其價值之珍貴無待贅述本社以德文原書爲本而參校英譯和譯二書考訂增刪期歸完善凡人名地名及各種名詞均依我國舊譯沿用既久者及近時著名新譯本所酌定者悉心校正前後一致且悉以英譯本文按次增列以便檢查而復於篇末加以按語覽其時勢述其變異提其綱要而挾其脈絡實歷史界空前絕後最占特色者也

經售處

上海新學會社支店

外國地名辭典

布面金字洋裝全一冊
紙數六百餘頁
正價銀壹圓捌角正

吾國今日之急務莫教育若顧近時編譯諸書往往名目異同使學者徒費腦力而於歷史地理爲尤甚此亦教育家一憾事也日本大學院文學士史學專攻阪本健一著有外國地名辭典一書概依西文字母順次排列凡地名之位置歷史之狀況人物事蹟生卒年月按條詳釋瞭若指掌蓋所以扶文明之進步補教育之缺點其貢獻於學界之功誠不可以道里計本社選此佳本特請通人逐譯譯音悉照中國正史及道咸以來諸譯本精心攷訂一洗紛歧難出之弊加以援證西洋諸史網羅一致纖悉靡遺洵學界之津梁亦譯界之指鍼也現已付印來月中旬出書

發行所 寧波新學會社
經售處 上海新學會社支店

金匱張競良輯譯

萬國教育通攷

字裝一大冊
字數十餘萬
定價六角

現已出書

國家之盛衰端視教育之良否然教育源流支分派別隨其國俗爲異同欲舍短取長以求適用於我國非讀遍萬國教育史不爲功年來坊間雖刊刻一二惜皆直譯或詳東畧西殊多遺漏況吾國教育正當開幕之時若不參觀萬國沿革亦恐無從下手因請張君蒐集東西教育圖藉數十種撮其精華彙爲是編取材宏富文筆雅暢均非書賈射利者可比實教育界空前絕後之一大奇書也欲知萬國教育大勢者一讀此書當信予言之不謬矣

泰西學案

字裝一大冊
字數二十萬
定價一元

出現 是書爲留東諸君所輯述凡泰西古今來著名之大儒而其學說足以左右世界焉激動一世之風潮者無不博取宏蒐詳盡無遺編中分爲四門一政治法律學案二哲學學案三經濟學案四教育學案溯流窮源如探寶山凡欲知泰西學術之由出與學派之如何分別者當以此爲拱壁也

法蘭西革命史

字裝一大冊
字數十餘萬
定價一元

奇書 此書由東京支那青年會諸君所譯述欲鼓吹民族主義以喝棒我國民故改訂再三始敢出版其中敘法國革命流血之事慷慨激昂奕奕欲生正可爲吾中國之前途龜鑑凡吾國青年志士有不願爲奴隸而願爲國民者當各手一冊以朝夕自勵也

游俠風雲錄

字裝一冊
定價三角六分

均於目前出書

上海明權出版社出書廣告



癸卯六月十五日印刷
二十日發行

編輯兼發行者

浙江同鄉會幹事

發行所

浙江同鄉會雜誌部

印刷人

酒井平次郎

印刷所

東京並木活版所



本誌第七期要目豫告

(社說) 國魂篇(續)

(論說) 題未定

(學術)

▲政法○滿洲問題

▲哲理○希臘古代哲學史概論(註)

▲軍事○中國兵事思想改革說(承前)

▲歷史○最近三世紀大勢變遷史(承前)

▲地理○地人學(續)

▲傳記○俄國虛無黨女傑沙勃傳

(大勢)

▲各國內情○德國國勢之進步

▲極東經營○極東問題(續)

野獲一夕話

(談叢)

血痕花(續)○愛之花(承前)

(小說)

其餘時評雜錄文苑等類都二十餘門凡八萬餘言照定期出版

中國國民黨黨史史料編纂委員會藏本
中央委員會
中華民國五十七年九月一日影印初版

浙江潮

第一一〇期

(精裝五冊)

定價：壹幣一五〇〇元
美金 四〇〇元

發行者：中國國民黨黨史史料編纂委員會

臺灣省臺北市中山南路十一號之一

郵政劃帳帳戶一四六一八號

經銷處：中央文物供應社

臺灣省臺北市中山南路十一號之一

郵政劃帳帳戶二一八一號

印刷者：國

際印刷廠

臺灣省臺北市大同路一二五號

究必印翻・有所權版